

中國第一歷史檔案館  
遼寧省檔案館

編

中國明朝檔案總匯

(三七)

廣西師範大學出版社

中國第一歷史檔案館  
遼寧省檔案館

編

# 中國明朝檔案總匯

(二七)

廣西師範大學出版社





# 中國第一歷史檔案館藏明代檔案

編 委 會

策 劃：邢永福

主 編：趙 雄 李國榮

特邀編審：何林夏 牛平漢

編 委：張小銳（常務） 田露汶 覃 波

編 務：付育紅



# 目錄

二〇四〇	兵部等部爲山西三路城垣墩臺應修情形及參革吳夢周等侵吞工料銀兩事題行稿	崇禎十年十月初九日	一
二〇四一	兵部等部爲宣府防守失職官員陳洪範等照例發邊充軍事題行稿	崇禎十年十月十二日	三三
二〇四二	兵部爲京城巡捕擒獲劫財傷人強盜送刑部事行稿	崇禎十年十月十二日	八一
二〇四三	宗人府掌府事王曷爲遵旨繕擬帝系體式呈覽請旨欽定事題本	崇禎十年十月十三日	九九
二〇四四	兵部爲再陳席藁待罪真切乞恩嚴譴事奏稿	崇禎十年十月十三日	一〇二
二〇四五	應天巡撫張國維爲選將事咨文	崇禎十年十月十三日	一〇九
二〇四六	兵部爲河南調派防守官兵沿河巡閱以防流寇窺渡事題行稿	崇禎十年十月十四日	一四
二〇四七	兵部爲陵京用將兩難事奏行稿	崇禎十年十月十五日	一四二
二〇四八	兵部爲通州官兵調援事行稿	崇禎十年十月十五日	一五一
二〇四九	兵部爲挑選鞏固營練兵安插駐防并料理刑西事行稿	崇禎十年十月十七日	一五四
二〇五〇	兵部爲捕營各官照新例請給月米銀兩事行稿	崇禎十年十月十七日	一六〇
二〇五一	兵部爲薦楊德政等堪任五軍一營左副將等員缺事題行稿(尾缺)	崇禎十年十月十八日	一六七
二〇五二	兵部爲保定巡撫塘報賊情并遵旨協捕毋致竄逃事題行稿	崇禎十年十月十九日	一七九
二〇五三	兵部爲議復班軍折半或全派修城事行稿	崇禎十年十月二十一日	一九五
二〇五四	兵部爲調兵援薊事行稿	崇禎十年十月二十二日	一九八
二〇五五	兵部爲赴遵化薊州駐紮官兵發給衣裝安家銀兩事行稿	崇禎十年十月二十六日	二〇一
二〇五六	兵部爲山西選練額兵及增兵增餉事題行稿	崇禎十年十月二十七日	二一一
二〇五七	職方清吏司爲三年大閱查盤宣鎮邊儲錢糧移咨戶部議復事呈稿	崇禎十年十月二十八日	二二六
二〇五八	兵部爲京城捕員設謀擒獲大盜事行稿	崇禎十年十月二十八日	二二九



二〇五九	兵部爲進呈武舉會試錄事題行稿	崇禎十年十月二十九日	二九一
二〇六〇	兵部爲保定山東河南接壤河界處防禦事行稿	崇禎十年十月二十九日	二九六
二〇六一	兵部爲春秋各班折半班軍限期到京事行稿	崇禎十年十一月初一日	三一四
二〇六二	兵部爲班軍愈飭愈玩人心日振日弛懇請嚴究事題行稿	崇禎十年十一月初二日	三二四
二〇六三	兵部尚書楊嗣昌等爲參革昌鎮坐營參將孟承寵及居庸參將姜瑄事題行稿	崇禎十年十一月初二日	三四三
二〇六四	兵部尚書楊嗣昌等爲薦張洪補大同巡撫標下中軍游擊事題行稿	崇禎十年十一月初二日	三七二
二〇六五	兵部爲崇禎九年秋班補班延誤事行稿	崇禎十年十一月初二日	三八〇
二〇六六	兵部爲賞功事行稿	崇禎十年十一月初四日	三九五
二〇六七	兵部爲宣府請給三營關防事行稿	崇禎十年十一月初六日	四〇〇
二〇六八	兵部爲秋班實收班軍人數并收營撥工事行稿	崇禎十年十一月初七日	四〇七
二〇六九	兵部爲參革通州所百戶李鶴翔潘嗣美等賄賣班軍事行稿	崇禎十年十一月初七日	四一〇
二〇七〇	兵部爲登州九衛所秋班軍人回衛支給銀兩事行稿	崇禎十年十一月初七日	四一九
二〇七一	兵部尚書楊嗣昌等爲參革大同井坪路管參將事副將張守印事題行稿	崇禎十年十一月初九日	四二三
二〇七二	戶部雲南清吏司爲查明九江衛指揮任之亮領運漕糧全完無欠事手本	崇禎十年十一月初九日	四五五
二〇七三	兵部爲陵後添設副協速議事行稿	崇禎十年十一月十一日	四五七
二〇七四	兵部等部爲查勘宣府中西南三路情形并將梁光遠等官員查革事題行稿	崇禎十年十一月十二日	四六〇
二〇七五	兵部爲遵旨將乾清宮打印牌子魏幫典分守昌宣等三員任職事題行稿	崇禎十年十一月十五日	四七七
二〇七六	兵部尚書楊嗣昌等爲山西賞功銀兩開銷存貯扣補事題行稿	崇禎十年十一月十五日	四八三

九

卷

三十三

虜情巨測等事○

會題

題

有貼黃

大同科

趙文鑑

兵部等部

題為虜情巨測邊備全疎謹陳三路情形懇乞

聖明勅議嚴飭以懲積玩以責後效事職方清吏

科抄出山西巡按葉紹顯題稱崇禎十年四月



初七日據山西按察司經歷司呈承准本司  
照會問得犯人一名吳夢周年五十四歲係山  
西都司振武衛左所副千戶狀招崇禎七年十  
二月內蒙委夢周管理山西東路分轄廣武守  
備營左司把總事務崇禎八年間奉文議允  
創築廣武南關土堡一座總委廣武先任守  
備郝光前散委夢周與在官張鵬程總理提  
調工程東路副將劉宗苗將辦過物料修過

工程用過人力錢糧每十日一報遵行訖應自  
三月初一日起工因民壯到遲錢糧未到權借  
庫銀辦料夢周與張鵬程各不合不行上  
緊雇覓匠役人等修築延緩間後民壯點發  
到工比夢周與張鵬程要得侵冒錢糧各又不  
合將民壯二十名發回侵欺銀七兩五錢又將各  
工所用石杵木礮鑿鑿等項又不合冒借名  
色扣侵銀三兩五錢夢周與張鵬程均分入已



訖遂圖工錢賤少遠顧在官土工攬頭賈旺李  
啓科包攬比賈旺李啓科各不合用沙心土面  
修築間蒙巡按余御史巡歷至廣武南關  
工程閱驗見得人夫無多至本年七月內又蒙  
本院復巡閱廣武工所見牆僅加數尺又據代  
州民壯告詞及東路劉副將申文廣武先任  
守備沙廣雄揭稟候示間蒙巡按余御史  
將夢周與張鵬程并別卷擬罪李選等及

先未斥、逐管、修大營堡、委官吳一春、文燦  
等并中西二路事情具題、訖崇禎九年正月  
初六日、蒙本道副使武獻哲案驗、准總司、關

蒙巡撫吳都御史案驗、崇禎八年十二月初四

日、准兵部咨職方司案、呈奉本部、送兵科抄

出山西巡按余城題前事、崇禎八年九月十一

日奉

聖旨、這所奏山西三路情形、其應脩城垣、建築墩臺



處所及老營堡復設管糧官俱著該部覈議  
具覆吳一春等分別議處新募健丁三倍舊  
餉何云脆弱不堪并著該按查明速奏欽此欽

遵抄出到部送司案呈到部除老營復設管

糧官聽戶部議覆新募健丁脆弱不堪行文

晉按查明速奏其好漢山老牛灣築補移軍

堡

事宜臣部已經別本議覆外山西一鎮控扼三

雲實為衝地去歲今年虜二次入犯皆繇東中

二路往來總以壁壘不完守禦無資故耳按臣  
余城所列三路情形較然如指諸掌如東路應  
修者則鴈門關城樓牆垣平刑關破壞房屋  
及胡峪口土堡應建者則茹越口空心輓樓閣  
底水門及馬蘭口墩臺如中路應修者則陽  
方口城垣河樓苦森梁邊牆應建者則本邊  
多築砲臺深掘溝澗及大水口墩臺如西路  
應修者則老營堡東門外關河口水洞等項

工程皆屬喫緊所宜如議允行者至吳一春  
文燦緩視邊工應行斥逐李選扣落軍餉  
吳夢周張鵬程營私害公應行褫革究擬  
以作玩弄更新之氣可耳臣謹會同工部尚書  
劉遵憲等合詞覆

請伏候

勅下將吳一春文燦斥逐李選吳夢周張鵬程俱革  
去管事行該巡按御史究擬查俱劄委官等因



崇禎八年十一月初九日兵部等部太子少保尚書等官仍加俸一級張等具題十二日奉

聖旨奏內該鎮三路城垣墩臺應修應建處所依議作速興工刻期竣役吳一春文燦著斥逐李選等俱革去管事該巡按御史究擬具奏欽此欽遵抄

出到部送司案呈到部移咨撫院案行本司移關鳳平道勘問去後又據經歷司呈抄蒙巡按余御史案驗奉都察院勘劄前事等因仰經

歷司呈堂即將三路城垣墩臺應修應建處所作速興工刻期竣役一面將吳一春文燦斥逐李選等俱革去管事究擬呈詳本院以憑具奏亦移該道轉行東路管糧廳該本廳通判邵承堯除將委官吳一春文燦遵行斥逐將吳周張鵬程革事提解到廳審明問擬吳夢周張鵬程各杖罪招解本道覆駁本廳移文沙守備覆查吳周等改修工程該

守備回稱准此本職親詣工所逐一細加查勘  
仍用鋼鎚入牆試探裏外俱係一色土築惟永  
安墩迤北素有生成沙石坡二丈餘彼時築於  
牆內所以呈詳沙心土面今奉行查督令委官  
張鵬程吳夢周將此沙心盡行剖砍拆去從新  
另築土心外仍據二官稟稱已蒙面審乞免  
移解據此為照生成石坡實與另築新牆堅固  
第奉文嚴令拆修不敢違悖原行業已遵示

拆修另築如法新牆訖擬合回復等緣繇到  
廳看得吳夢周張鵬程委修廣武之工而劉副  
將沙守備發其情弊再三研審其沙心土面之  
事夢周等激切痛辯爲其沙之與土一簣一  
耬工費正等何苦以有用之錢而自買十年之憂  
此言雖稍可信其當日之遠雇土工何哉但今  
復憑沙守備細看回復謂其仍用鋼鏈探入裏  
外俱係一色即間有生成沙石亦已剖砍改築



訖則是周等始以貪賤而悞工終以改修而倍費  
雖哢哢痛訴終難法外相寬也吳夢周張鵬程  
各杖以儆其侵冒之罪問擬夢周張鵬程俱不  
應事重減等各杖七十俱納贖於本年三月二  
十四日招呈本道移關按察司候詳間該按察  
司查得吳夢周等委修堡工沙心土面一節既  
經改築勘明似應薄杖但招稱發回民壯遠雇  
土工既欲圖賤豈無冒侵情弊一杖豈足蔽辜

關駁到道備行本廳該東路管糧趙通判蒙  
將夢周等并土工攬頭賈旺李啓科拘提到  
官細加研審夢周等供稱先因取土寫遠  
中有些須沙土後蒙批駁責令改修就  
中微有侵冒已經追究雇工倍費修理堅牢  
委無實贓肥已情繇沙守備回文在卷等情  
招報比夢周與張鵬程各又不合發回民壯二  
十名遠雇土工侵欺銀兩并工所用器具借名

侵銀情繇隱未招出致准問擬尋周張鵬程俱  
雜犯斬罪准徒五年例減一年仍徒四年折納  
徒工贖罪賈旺李啓科不應事重通減  
二等杖六十納米於本年六月二十八日招解  
本道覆審無異仍照廳擬關詳到司該本  
司按察使都任覆詳無異看得吳夢周  
張鵬程有經管築堡之責者民壯為修工  
而設乃各弁舍民壯而覓土工尅餉潤囊

不問可知、擬城旦以儆姦貪、賈旺李啓  
科攬工、誤事、併杖不枉、將夢周等俱照  
原擬問招通呈、撫按兩院蒙巡撫吳都御  
史詳批、吳夢周等工至今尚未完、殊可  
痛恨、徒杖為幸、仰候按院詳示、行繳蒙巡  
按張御史詳批、夫罪因賍定也、據招吳夢  
周、張鵬程既以修工侵冒、擬徒未顯所  
侵幾許、所冒何項、且云改修倍費、告無實



贓如此跡、蒙礙難回、奏該司再確改安招、  
速報備關、本道覆行、本廳該邵通判行、  
拘夢周等到官審得賈旺李啓科招稱、  
彼時夢周張鵬程實發民壯二十名、實侵  
工銀七兩五錢等情、及審夢周與張鵬程  
各又不合止招、侵民壯工食銀七兩五錢、將  
工所器具借名侵銀、未肯招出、以致將夢  
周等各照原擬招解、本道移關本司覆

詳仍照道擬呈詳巡按張御史詳批二犯所  
侵工銀豈止七兩五錢問官未免執法該  
司再確查速報事干回奏勿得遲悞隨蒙  
本司備關本道案仰本廳該邵通判隨  
即備行代州勘問該知州郭崢行拘夢  
周等到官將伊等原管修廣武工程費過  
物料人工等項細加磨算夢周張鵬程各又  
不合將各工所用石杵木礮鑿等項冒借名

色扣侵銀三兩五錢被賈旺等報出在官  
并前發換民壯二十名圖賤雇覓土工侵欺  
銀七兩五錢共賍銀一十一兩原係夢周與張  
鵬程分肥訖賈旺等與夢周等對質是的  
此外並無別弊前情明白看得吳夢周張  
鵬程么麼武弁不畏三尺委修

欽工重務敢肆侵漁指修築器具冒破官銀對  
審情真僥首無辭理合併前所侵民壯工

銀應追入官仍照原擬問招於本年二月初  
四日招申到廳覆詳無異呈詳到道該本  
道副使李喬崑西覆詳無異看得吳夢周  
張鵬程乃不肖貪弁也指修築為利數  
借工銀潤私囊其賣放民壯賤覓土工已  
知女姪弁志在侵漁原不止七兩五錢但為  
劉副將具申致難多冒耳雖所修之工沙心  
上面業經陪修而罪實難逭矣及承憲駁



再加研訊更於前案尅扣之外復有假石  
杆木砮銚鑊等項名色冒破銀三兩五錢  
者亦係入己之贓應合先後侵銀并追仍照  
原擬徒贖以為監守自盜之懲賈旺李啓  
科亦併杖示儆將夢周等問招於本年二  
月十五日閱詳到司該本司署印副使唐  
登雋覆詳無異看得吳夢周張鵬程借  
修築如登龍斷賣民壯而肆侵漁二弁狼貪若

此豈止七兩五錢但工未告完奉為劉副  
將揭發姦弁雖欲多冒而不能且顏圮之工  
程業已陪修矣惟是假鑿鑲等項之虛  
名冒破官銀三兩五錢前招隱昧不吐致蒙  
復駁今經再勘一二招明均照原徒允協餘  
犯悉如原擬將夢周等取問罪犯外結得銀  
每兩值鈔十貫招結是實三名張鵬程係  
委官賈旺李啓科俱土工攬頭各招同議

得吳夢周等所犯吳夢周張鵬程俱合  
依官物當應給付與人已出庫而未給付  
但有人守掌在官若有侵欺者計贓以監  
守自盜論四十貫律斬係雜犯准徒五年  
賈旺李啓科俱依不應得為而為之事  
理重者律各杖八十賈旺李啓科俱有

大誥臧等各杖七十吳夢周張鵬程俱軍職賈  
旺李啓科俱土工審俱有力與吳夢周張

鵬程各照例納米折銀贖罪完日吳夢周  
張鵬程俱遵照

明旨革去管事賈旺李啓科各查發寧家照  
出吳夢周張鵬程俱官紙銀二錢五分賈旺  
李啓科俱民紙銀一錢吳夢周張鵬程各該  
贖徒米價銀各二十五兩賈旺李啓科各  
該贖罪米價銀各三兩五錢吳夢周張鵬  
程名下該追侵欺銀共一十一兩通共紙罪贖

銀六十八兩七錢、照數追完、貯解布政司、類  
解三、關、管、糧、衙、門、抵、充、年、例、取、實、收、繳、  
報、餘、無、再、照、等、因、問、招、呈、詳、到、臣、據、此、案

以、勘、劉、准、兵、部、咨、前

已、經、案、行、按、察、司、勘、擬、及、屢、催、去、今、據、前

因、除、李、選、已、經、前、按、臣、張、孫、振、勘、明、與、黃、

錦、等、一、案、具、奏、外、該、臣、看、得、吳、夢、周、與、

張、鵬、程、皆、么、麼、武、弁、嗜、慾、貪、夫、惜、官、



欽工輒希罔利、發修邊之民、壯自覓賤工已存、

剝削苟完之計、指修工之器具、冒破官鑄益、

恣侵漁、無厭之心、按其賍跡、雖剋落僅十、

餘金、覈其築工、何沙心而假土面、使非劉、

副將早為摘發、民壯少守備、預行告揭、則、

二化之潤、索欺公、又不知作何侵匿矣、即、

前工業已陪修、而按律何辭、徒創若賈旺、

李啓科包攬修工、築不如法、合從杖懲、以、

敬其玩既經該司問招前來該臣西復詳無  
異相應具題伏乞

勅下兵部議覆上

請行臣遵奉施行等因崇禎十年五月初六日奉

聖旨該部覈擬具奏欽此欽遵抄出到部送司

案呈到部臣謹會同太子少保刑部尚書

鄭、等看得吳夢周、張鵬程、借修邊之重

寄為登、壠之私圖、舍民壯而用土工、扣剋之贓、

私有據指器具而支官鏹續招之侵冒有因  
即陪修已報堅完而經始實多貪玩二弁均  
擬徒贖實不為苛若包攬之賈旺李啓科築不如法  
並應杖警亦足以蔽其辜矣緣奉有覈擬具奏之

旨相應覆

請恭候

命下

行原問衙門將吳夢周張鵬程

各徒伍年

賈旺李啓科各杖七中查吳夢周張鵬程俱

軍職賈旺李啓科俱土工俱有欠銀  
米折銀贖罪

朱新昌賈

內吳夢周張鵬程名下賍銀

照數嚴追係

崇禎拾年拾月

孔

日郎

中趙光祚

太子少保刑部尚書鄭題

太平右侍郎劉題

兵部尚書楊

尚書仍管左侍郎事王

添設左侍郎張

右侍郎劉

兵部為虜情巨測等事該本部題云等因崇



禎十年十月二十六日兵部等部尚書等官

楊 等具題三十日奉

聖旨吳夢周張鵬程各配贖贐照嚴追餘仍擬

欵以欵遵抄出到部送司案呈到部擬合就

行為此

一咨都察院

轉行山西巡按御史

照依

明旨內事理欵遵施行仍將吳夢周張鵬程贐銀

定限本年十二月

旬照數追完報部以

憑註銷

十二

初

一咨宣大總督

刑部

山西巡撫

崇禎十年十一月



安

日郎

中

趙光祚

員

外

郎

吳

昂

十五 寒

乙酉九月

内係頗重耀原案

會題

題

あ

兵部等部

題為夷虜之禍深

宗社之事伏乞

皇上為

有貼黃

初九日行乞

宣府科

到驥

夷虜之禍深等事

陵寢封疆大伸

國憲以懲前警後事職方清吏

司案呈崇禎十年八月二十七日奉本部送兵  
科抄出宣大總督盧象昇題稱崇禎九年十  
月二十一日准兵部咨談本部覆兵科署科  
事給事中宋學顯等題前事等因於十月  
初三日具題初五日奉

聖旨這封疆失事及入援玩怯文武各官既經  
覈議除劉澤清王忠王樸免議張守約及姜

瑄等已經處分外郭迎懷劉在朝著各再降二  
級管事梁廷棟丁魁楚俱革了職同李國  
樑都著錦衣衛拏解來京究問張時傑革了  
職并楊嘉謨著刑部擬罪具奏賊夷繇宣  
闖昌張維世身任節鉞且原係宣道何得以受事  
未久末減也著革了職刑部一併擬罪張鵬雲張其  
平馮任胡福弘葉宰劉景耀劉鎬併張鳳翼  
俱著吏部分別覈議潘倬林銘球談部院覈議



岳可玉靖東各革職羅映垣頗重耀劉惠王  
 定陳洪範各革任張吉姜守印各革去管事  
 通著諛督按提問祖大壽革去提督職銜仍  
 降三級戴罪管事董用文革去官府銜仍降  
 三級戴罪管事張韜王應暉崔秉德各降三  
 級管事內崔秉德仍戴罪武震華許子鯤  
 俱革職白安馮舉照舊降職戴罪<sup>級</sup>管事方  
 天祿王喜言出缺另補唐文光等十員另案

歸結

陵衛各官俟該督監查明奏奪欵此欵

遵備各到臣該臣隨會同撫按備行守巡

口北懷隆兵備等道遵

明旨將岳可等查革會審提問確招解報

去後先據分守口北道臣賀鼎分巡口北道

臣李仙風懷隆兵備道臣秦德光會呈

據理刑推官樊曜審得陳洪範山西太原府

人係中式三科武舉蒙兵部題奉

欽依鎮安堡守備崇禎九年六月十五日任事狀招

洪範與青泉堡在官防守張吉俱係上北

路獨石城駐劄在官叅將頗重耀所轄趙

川堡在官操守姜守印係中路葛峪堡駐劄

在官叅將劉惠所轄各有邊界崇禎九年六

月二十六日賊夷到獨石口離東柵子五六里

地名段木梁欲行進口墩軍傳明烽火叅將

頗重耀聞警領兵馳赴堵禦賊不能入遂

退分作三股於次二十七日寅時從青泉堡  
邊拆牆三處一股從鎮安堡西河等口拆牆  
四處各進入一往中路邊外因新任在官泰  
將劉惠安設地雷火器未從白陽等口進入  
相離葛峪堡五十里趙川堡三十里在山嶺  
上架梁踐成一道從永安臺邊拆牆六  
處共闊三十丈五尺進入比洪範張吉與  
姜守印各不合不能設備堵禦致賊同日

進口趙川堡邊進口賊夷落川在地名白廟

張家莊等處扎營九處欲攻趙川姜守印

用砲攻打賊未攻城比叅將劉惠離趙川堡

四十里因先偵探有虜賊今坐營把總領兵

設防各邊堡部下存一百餘名遂率領往救

時值大雨扎營黃土坡地方隨報總兵李國

標請兵合剿因李國標逗遛不進止出鎮

城三十里外地名雙營見扎營至二十八日



夷賊分股犯搶從南雞鳴新保安一帶一營  
一股往東隆門關劉惠領兵百名追至隆  
門關地名黃草梁因後不見援兵劉惠亦  
不合因衆寡不敵止扎營在彼保全隆門關  
并各村曠未遭殘破比青泉進口約有二萬  
餘從堡城邊經張吉在城上用砲攻打賊夷  
奪盔甲一領副獲馬六匹打死駱駝一隻火  
藥五斗已經呈報外賊遂不敢攻城徑往貓

見峪三山堡一帶扎營九處比頗重耀統兵  
應援亦不合到伴壁店被賊阻絕比鎮安堡  
入口賊夷數萬洪範在城上堵射不敢近城  
遂往迫雲州城下營欲攻雲州該城守備董  
正誼攜砲出城攻擊賊怯遂奔赤城比頗重  
耀又追賊至赤城於二十九日賊夷會合中路  
進口一脫分兵圍困樣田堡本堡係下北路  
龍門所參將在官岳可所轄相離四十里

岳可聞警統馬步兵三百名救解。搆田又一  
股分攻鵬鶚離樣四十餘里。岳可不合。因賊  
夷攻圍長伸堡。隨領兵救援。止斬獲首級一  
顆。塘報訖。遂令先未革任坐營。冉成勇分兵  
往救。行至地名上倉堡。被賊阻絕。鵬鶚堡死  
難防守。周允益率領官生軍民在城上用  
火砲攻打死賊無數。賊即拉坡下焚化。賊愈加  
忿怒。三股合攻。因城樓失火。賊乘機登城。破陷。

於七月初三日賊夷從長安嶺越梁往東路土  
木懷來一帶先攻圍棣田長伸地賊夷從滴  
水崖靖胡堡往攻延慶州等處東路協守副  
將在官羅映垣奉督撫院檄文調遣兵馬分  
防土木沙城新保安等堡又於初二日奉懷陰道胡叅  
議檄文移會羅映垣帶領馬步兵二百名馳救延永  
二處比羅映垣至延慶州因兵寡亦不合被賊  
圍困在內止用砲石擊攻相持五日夜夷始解

散一股分攻柳溝南山等處在官叅將王定統  
兵九百名將四百五十名守城四百五十名守  
土邊二百餘里柳溝紅門等口身冒矢石與賊  
攻擊七日七夜砲竭火藥亟請救兵李國樑按  
兵不動王定亦不合因邊長策應不及被賊攻  
破紅門進入又一股從昌平鎮居庸關叅將姜  
瑄所管石峽峪攻陷進入內犯等情供吐明白  
該理刑推官樊曜審看得宣疆武備單弱雖有



邊牆率皆亂石牆上既難列卒小堡亦無多兵  
倉卒聞警叫呼不應以致數萬之虜分道闌入  
勢如風雨之驟至路將隔在數十里之外鞭長  
不及守備陳洪範既已新任疎防不能捍禦防  
守張吉僅於城頭放砲雖有奪盔甲駝馬之功  
終不足遏長驅之勢操守姜守印離邊三十里  
策應既艱砲擊亦有微勞而疎防難辭任各三  
弁同有入口之責應嚴並坐之條縱云智力不

及遠成固自難寬至于叅將頗重耀能堵賊于  
獨石而不能防他口之闖入岳可能解圍於樣  
田而不能保鵬鶚之傷殘劉惠統部下百騎擊  
賊而勢難大挫亦衆寡之不敵耳王定救二百  
里長遄力竭而無救狂逞或請兵之不至乎他  
如東協副將羅映垣以分兵駐防各堡倉卒赴  
援麾下不滿二百勢不能扼八萬之強虜孤困  
延慶雖云量敵而進難解失事之愆五將皆素

負威名使兵力果振尚堪一鼓乃竟以衆寡懸  
絕迄無成功為法受過無復何辭但封疆多事  
不寬使過之條難收孟明之效今查入口之處  
皆非駐劄處所姑從輕議所當<sup>責</sup>令立功各照例  
納米五十石以贖其罪可也問擬洪範張吉姜  
守印依守備不設律克軍終身頗重耀岳可劉  
惠王定羅映垣各立功贖罪納米五十石具招  
於崇禎十年二月初八日通詳連八解赴各道

詳審明白會看河宣邊之不足恃所繇來大矣  
但武臣身寄封疆安危與共業有興尸之辱寧  
逃失律之辜如此番奴以數萬大舉一股從鎮  
安入則陳洪範信地也一股從青泉堡入則張  
吉信地也一股從趙川堡入則姜守印信地也  
雖洪範到任不過旬日飭備未遑張吉用砲攻  
打奪獲盔甲駝馬守印城頭擊賊使賊不敢逼  
城亦既不遺餘力而虜已入口安得以兵勢不

敵掩其失事之形，坐以遠戍，洵不為枉。至于叅  
將頗重耀，聞變赴援，力堵之于獨石，而虜已乘  
間長驅岳，可以馬步三百解圍。樣田而鵬鶚已  
失守，劉惠保全隆門，僅統百騎卒以援兵不繼。  
晝夜列營，王定守城，兵不滿五百，與賊相持七  
晝夜，城郭獲全，而紅門之破，策應不及。羅映垣  
因延慶告急，倉卒馳援，堵禦凡五日，夜而以兵  
寡被圍，竟不能出。延慶一步五將皆有敢戰名，柰

衆寡懸絕，遂至束手為法。受過夫復何辭？第查入口之處，皆非諛將駐劄之所，合寬一面之網，以開使過之門。應如廳議許之立功，仍罰米五十石贖罪。具招轉詳按院林御史駁批，虜衆潰垣而入，禍幾燎原。陳洪範等戍果足蔽辜乎？頗重耀有東柵口之堵，而入口是其信地。與劉惠等四弁僅擬立功，有是例耶？關係回奏，不得潦草稽延，仍候督撫詳行覈確，另報速速。又蒙總



督軍門盧侍郎駁批邊庭失事協路將備守操  
各官不宜後於大帥即云宣邊無可恃兼以兵  
寡勢孤終亦原情之論耳陳洪範張吉姜守印  
三弁賊踪本口闖入遠戍是否蔽辜頗重耀岳  
可劉惠王定羅映垣五弁賊犯五轄信地全無  
應援堵截納贖立功果否盡法事關封疆難以  
輕擬仰諒道將各將額統兵馬若干其闖入各  
口去諒地方駐劄地方道里遠近併聞警應援

日期逐一確查區別情罪依律擬議勿少徇縱  
限五日內速報仍候撫按詳示緦蒙此隨該守  
巡兵備等道嚴行獎推官覆審得頗重耀等各  
供稱逆奴數萬大舉入犯遠哨明白前經塘報  
收斂頭畜各將備皆拒堵七年右衛叅將王濬  
被夷賊攻破左衛城革職免擬下北路叅將管  
鳴珂七年失陷長安嶺東路叅將郭秉忠失陷  
保安州城皆各將所轄城堡俱革任免議協守

張懋功止議降級今洪範等三守操官入口處  
所實非重耀等同城駐劄之所查明例非同城  
者止於降三級管事等情又查頗重耀駐劄上  
北路獨石城額設兵馬九百名內有馬不足二  
百匹除分防極邊堡馬營松樹君子三堡各二  
百<sup>名</sup>又派防獨石三柵口各五十名僅存見在兵  
馬一百五十名大虜在口外行走偵探的確於  
二十一日塘報傳諭收斂歸併至二十六日虜

騎突至獨石東柵口欲行進口頗重耀領兵用  
砲堵拒賊退青泉堡離獨石六十里鎮安堡離  
獨石九十里賊夷于二十七日從鎮安青泉堡  
邊進口並無掠去頭畜人口頗重耀領兵救援  
伴壁店又追賊至雲城及賊圍赤城又與賊交  
戰斬獲賊級一顆登塘報訖等情又查劉惠駐  
劄中路葛峪堡離趙川堡五十餘里額設馬步  
兵丁九百八員名內經制城葛峪城兵八十名

奉文派防羊房青邊口嘗峪大白陽小白陽趙川六堡每堡百名軍丁六百名又金家莊五十名見在兵馬一百七十名六月二十七日五更長哨趙天伏哨見進口報稱有大舉達賊到海兒窪竟撲趙川堡等語劉惠領兵飛馳堵截賊已入川分三股一犯趙川一犯小白陽一犯大白陽劉惠分兵救援賊遂退至趙川教場扎營九處申請救兵主帥逗留二十八日又攻黃土

坡堡劉惠統兵救援用砲擊賊遂起營南行劉  
惠尾擊奪獲牛驢三十二頭俱塘報訖賊又撲  
隆門閔劉惠星馳用砲攻擊退賊保守所轄十  
一城堡並無陷破亦無損傷兵馬等情又查岳  
可駐劄下北路龍門所衝邊額設兵馬九百四  
十名內止有馬一百三十四匹聞上中二路賊夷  
入口分兵牧馬長伸寧遠滴水四堡極邊防範  
并本所城守隘口及預設鷓鴣五十名共派兵



六百四十名、僅存三百名、東西救援、六月二十  
八日、夷賊攻本所城、岳可三次用砲打退、攻圍  
腹裏堡、樣田岳可統兵救援、解圍、賊分攻城一  
股、攻長伸岳可、領兵敵在、地名唐家嶺、斬獲首  
級一顆、獲救滴水崖、賊往東路去訖、又夷賊一  
股、攻腹裏鵬鶚堡、比龍門所相離八十里、賊一  
日同攻三四堡、岳可領兵救邊堡、不能親去、遂  
分兵令單任坐營、冉成勇救鵬鶚、行至上倉堡、

被賊阻絕。鵬鶚防守周允益督官軍人民并防。  
軍五十名在城上用砲打死賊。夷賊。無數。拉。  
去用火燒化骨。毀存據。不意城樓火藥失火。乘。  
機破陷。等情。又查東協羅映垣駐劄懷來調度。  
東路額設兵丁二千八百名。九年二月內奉。  
旨。羅映垣駐防四海冶領兵五百名。又令守備楊一傑領。  
兵五百名駐防靖胡堡一千八百名。駐防懷來。  
六月二十七日。聞中協有警。相隔三百餘里。羅。

映垣從四海治馳赴永寧蒙撫院檄文所領  
五百留防四海治羅映垣帶親丁一百名赴援  
新保安至七月初一日懷來圍困羅映垣又領親  
丁百名救援退賊進城原留一千八百名該懷隆  
道胡叅議三次令守備王宗禹領兵三百名趙  
完璧領兵五百名千總張問政領兵五百名馳  
赴新保安州保護城守又令千總王楨領兵二  
百名駐防沙城趙良棟領兵二百名駐防土木以

致二千八百兵馬俱設防守城已盡止存親丁百名  
達賊攻圍延慶州羅映垣拚命殺進州城與宋  
知州守城相持六日夜保全無虞隨經塘報并  
撫道調防票文存據原非不行堵禦等情又查  
王定駐劄南山額兵九百名所管二百里土邊虜  
賊四五萬猝至圍攻王定交關用砲攻擊七日  
七夜虜賊分攻各口至初七日從西紅門千總  
田養心所管營城進入王定因虜賊入口拚死

血戰斬七顆、救回難民萬餘、奪獲駱駝牛馬、  
百餘、匹頭俱經塘報呈驗、訖蒙按院查明題、  
疏可、憑實、因賊衆兵寡、並無不應援各等情、  
在卷據該樊推官覆看得、陳洪、範等身任衝、  
邊、不能禦方張之虜、焰論失律、罪固難寬、撥、  
智實非所及、坐以遠戍、似無枉縱、在頗重耀等、  
五將堵截、皆不遺餘力、而捍禦僅保一方、則屬、  
堡勢難兼顧、查七年之警、上西路、叅將王濬

入口亦其信地又所屬左衛失陷罪止革職下  
北路叅將管鳴珂有長安嶺之失東路叅將郭  
秉忠有保安州之陷皆止職革職今頗重耀等入口之  
地委非同城與七年之例情既無異罪難加擬前  
擬伍弁立功贖罪者值功令森嚴之日法外加  
等以為後來守邊將備之警今蒙駁審合無  
再照原擬具招呈詳本道蒙駁批此案業經院駁  
何以仍照原擬據詳引七年例為言庶幾近是



但就中情罪豈無差別而驟從輕比果否協律  
 仰該廳覆確速詳依蒙該樊推官又行拘集  
 員役覆查據頗重耀等各吐稱居庸關恭將  
 姜瑄所管執墻敵樓險峻大虜六處入口又攻  
 陷石峽峪并昌平州蒙督治張侍郎駁查勘  
 明入口各官止革職姜瑄等照陳言邊務事例  
 罰米五十石詳允具題奉

聖旨該部核議具覆又建昌路恭將武振華被賊出口

止議車任建冷協守崔秉德降級管事此九年同  
一事各官俱蒙輕議重耀等所守皆石砌額邊  
又係極冲兵馬不多逆奴大舉四五萬如零賊來  
竊比自將備不設不遠哨探應罪今大舉狂逞遠  
哨的確塘報明白止可歸併收斂村屯頭畜人口  
何法能堵禦其不入口及至入口各將皆冒死應援  
頗重耀斬級一顆岳可斬級一顆王定斬級七顆  
劉惠奪獲牛驢三十二頭保全所屬一十一城堡

羅映垣奉檄馳救一路并解救延慶州城俱有功  
蹟懇乞一視同仁輕議以圖後效各等情供吐在  
卷據此覆議得九年之虜焰其猖獗更甚於七  
年失事各官以七年之輕重為例似亦法之平也  
但欲懲前毖後即盡法深求亦不為苛論犯  
邊以入口者為重陳洪範張吉姜守印入口是  
其信地遠戍允足蔽辜其各將領兵無多求  
援不至智力委屬不支第以事干封疆法應

加等查律例內凡賊人數多所領軍人不敷、  
不速飛申、添發軍馬設策剿補者從總兵官、  
量事輕重治罪今願重擢岳可王定雖盡力、  
堵截而支東失西其罪在不速飛申添兵策應、  
也合從重科罪令其邊方立功五年其劉惠請、  
兵而主帥不行急援羅映垣赴援而中道困阻、  
應依原擬立功贖罪問擬招呈各道覆詳無異、  
會看得封疆之臣失事者法無所貸如失陷駐

扎城池有死而已無他也惟是大虜卒然入犯衆寡  
既已相懸各口同時受兵東西勢難兼顧自當  
覈其兵力之厚薄失事之大小以為情罪之重輕  
有難以一律論者如陳洪範等三員虜皆從本  
地入口坐以遠戍應亦無辭頗重擢駐獨石城去  
青泉六十里去鎮安九十里所部兵丁除分防各  
城堡外止存現兵一百五十名止能堵賊於東壩  
口而虜從青泉鎮安入弗能禁也劉惠駐葛峪

堡離趙川五十餘里。現兵止一百七十名。聞警赴  
援。請救不至。能使路屬城堡屹然。尾擊亦微  
有斬獲。惟趙川之虜突入。而不知其蹊已甚。以  
則操守姜守印所當專任其咎者。岳可駐龍門  
所為下北路首冲。時虜從他路入。本將統現兵三  
百名。東西救援。樣田圍解。而鵬鶚已破。亦勢有  
所不及乎。羅映垣聞延慶被圍。率親兵百名冲  
入州城。與州官固守。其氣甚壯。卒以虜勢大能



入而不能出其罪正與劉惠等王定以九百之  
額兵支持二百里長邊且援且守東掩西遮苦矣  
即其後亦有斬級奪畜之功而已不能收紅門之  
失本將又何以自解乎查七年宣疆中虜上西路  
叅將王濬下北路叅將管鳴珂俱止於革職頗  
重耀等情罪與二將略同前擬立功贖罪已屬  
加等茲再為分別王定頗重耀岳可俱發邊方  
實立功五年以為邊將失事之戒其劉惠羅

映垣仍照前擬將洪範等取問罪犯一議得  
陳洪範張吉姜守印各所犯俱依守備不設  
被賊侵入境內虜掠人民者律各杖一百發邊  
遠充軍終身照例免杖拘僉妻解發招達兵部  
知會頗重耀岳可王定住俸定發邊方立功五  
年滿日還俸劉惠羅映垣五年立功贖罪緣係  
軍職伏候具題定奪一照出陳洪範張吉姜  
守印充軍免紙頗重耀岳可王定發邊方立

功五年羅映垣、劉惠照邊方有力例每年納米  
 十石五年各五十石完日立功發回原衛所開住  
 每石折銀五錢共折銀五十兩案發理刑推官樊  
 曜追解萬億庫抵充軍餉取庫收收管繳報  
 餘無照等因招呈到臣該臣會同宣大按臣張  
 宸極看得邊庭不戒致大虜闖入協路將俺等  
 官無多兵在握各有分信責成其何所逃罪乃  
 九年六月宣邊失事一案虜入縣鎮安青泉趙

川三處邊口查鎮安堡則守備陳洪範專責青  
泉堡則防守張吉專責而統轄於獨石路叅將  
頗重耀者也至趙川堡又操守姜守印專責而  
統轄於葛峪路叅將劉惠者也若鵬鶚堡之失  
龍門所叅將岳可不能救援紅門川之失柳  
溝叅將王定疎於防禦至羅映垣係東協副  
將南山一帶實有責焉此八弁者相提而論陳  
洪範張吉姜守印實為罪首劉惠頗重耀王定

次之岳可羅映垣又稍次之今擬遠戍陳洪範等三犯  
而頗重耀等五年分別立功贖罪此猶酌情法而定爰  
書各并又烏得以七年虜犯止于革任之成例為辭  
也既經各道會問具招前來相應題

七

勅下該部再加覈議施行等因崇禎十年八月二十四

日奉

聖旨該部覈擬具奏欽此又該宣大巡按張宸

極題同前事等因崇禎十年九月初二日奉  
聖旨已有旨了該部知道欽此欽遵各抄到部送  
司案呈到部看得宣鎮素稱單虛虜勢突  
犯重大各將備守備固多不設即設備仍苦  
單虛無以抗方張之虜也夫封疆之法不得不  
嚴誰敢為各弁寬假陳洪範張吉姜守印三  
弁以守備不設論戍頗重耀岳可王定三弁邊  
方立功五年還俸劉惠羅映垣二弁五年立



功贖罪無枉無縱可以當其辜矣臣謹會同太子少保刑部尚書鄭、等合詞上

請恭候

勅下行原問衙門將陳洪範張吉姜守印各定發

五年

頗重耀岳可王

邊遠充軍終身

定各定發五年功滿日還

邊方立功五年

俸劉惠羅映垣五年功贖罪完日

五年立功

回衛閑住查陳洪範係流官張吉姜守印俱劄

委官餘俱世職

崇禎十年十月

日郎中趙光祚

太子少保刑部尚書鄭題

右侍郎劉題

兵部尚書楊

尚書仍管左侍郎事王

尚書  
添設左侍郎張

右侍郎劉

兵部為夷虜之禍深等事該本部題云云等因

崇禎十年十月二十九日本部等部尚書等官楊

等具題十一月初四日奉

聖旨陳洪範張吉姜守印著發邊遠各充軍終身頗

重耀岳可王定邊方立功五年滿日還俸劉惠羅

映垣五年立功贖罪完日回衛開任欽欽遵抄

出到部送司案呈到部擬合就行為此

一咨

宣府巡撫  
宣大總督  
都察院  
刑部

一手本昌宣

分監鄭  
總監魏  
分監王

煩照

明旨內事理欽遵查照施行

崇禎十年十一月



天

初七

日郎

申趙光祚

負外郎吳鼎

岸

一百七十一

擒獲大夥劫財傷人強明事

行

1

單恩仁

兵部為擒獲大夥劫財傷人強賊事職方清吏司督捕

員外郎錢選案呈奉本部送兵科抄出總理京城內外巡

捕事務御馬監太監李

題前事內稱崇禎十年九月

初三日據巡捕西北一把牌王元振把總賈廷臣呈稱本月



初一日四更時分職等帶領軍番夜巡至西城關外坊  
圓通庵聞有僧人悟道被傷喊叫職等急進庵內問  
詰據悟道稟稱當被強賊十餘人明火執杖突入  
庵來拏住悟道捆縛火烤刀砍四下徒弟本善  
赴救亦被衆賊刀砍二下昏暈在地衣物等件盡被  
劫去賊纔出門未遠該職等星飛趕至馬公庵聞賊  
進內一齊下手擒獲馮遠志趙大柱許彥祿李邦貴  
悟時五名餘賊乘黑四散潛逃畧審遠志等供係打

劫圖通庵悟道強賊及詰贓物遠志等稱說見埋藏在  
悟時後院內窖子裏今將所埋贓物追出見在等因呈  
報到臣該臣隨批馮遠志等既係明火大盜贓主有據  
仰王元振等速將一千強犯詳解以憑親鞫去後本月  
十六日伏據把牌王元振把總賈廷臣將強賊馮遠志等  
併贓仗失主呈解到臣該臣當訊得馮遠志供年二十  
九歲係直隸保定府東鹿縣人素不守分假以傭工  
為繇躡看人家門戶路徑希圖行劫不合糾同先入

夥今脫此夥賊馮爾先李二趙三米至順義縣臨河  
村潛住於崇禎八年十月初壹日夜遠志等四人躡得  
臨河村河東張家莊坡兒上有不知何名庵一所牆垣  
甚矮窺見庵內上有不知名大小僧二衆可以打劫比  
遠志等四人各執刀棍遂一同扒上矮牆跳進庵內拏  
住二僧捆打逼劫並無銀錢止劫得青布綿襖一件  
青布束肩二件青布綿被一牀青布褥一牀黃米七斗  
核桃五斗遠志四人將贓均分花費訖比遠志不合不

改前非又於十年六月初九日糾合今同獲在官夥賊趙  
大柱並先入夥今脫逃夥賊劉文體李二共四人獲得  
良鄉縣西馬村不知名張姓家有錢可以劫用此遠志  
等各持刀棍將張家門劈開擁入房內拏住不在官  
張失主通劫得箱內磁罐盛貯碎銀二十兩八錢遠志  
趙大柱劉文體李二各分五兩二錢花費訖此遠志怕  
惡不悅不合人糾同獲在官夥賊趙大柱李邦貴許彥  
祿並先入夥今脫逃劉文體李二馮爾先田守禮靳三

尚天寵邊三李國柱趙三共十三人仍在臨河村潛  
住商議躡盤行劫比今晚逃趙三躡得良鄉縣西北  
郭家莊不知名徐姓家有錢可以劫用比今晚逃夥賊李  
二偷得本村宋寡婦家舊弓一張來對遠志說咱們  
得了這張弓可買些箭以便行事比遠志遂同今晚  
與李二李國柱來京進

德勝門在門南故衣市街上買得不知姓名攤街出賣  
箭三十六枝回至臨河村糾同前夥各執器械竟到

郭家莊徐家行劫比遠志同在官趙大柱等將徐家門  
用刀劈開直入房內徐失主躲過止拏住失主不知  
氏兒婦嚇打逼劫並無財物止劫得青布道袍一件  
本色褐子道袍一件藍布襖襪一件深藍布掛一件藍  
布被一牀回至臨河村住處因駐衣不多人衆難分  
遂將前劫衣被五件賣錢二千三百四十文共計三  
人每人分得錢一百八十文俱花費訖比時遠志等因  
未得飽載貪心不足商說咱們在鄉村打劫尋不



者富足人家不如進京躡盤多劫些財帛分用方  
為上策比影內馮爾先說我有族叔見在京中馬公  
庵出家為僧法名悟時庵內清淨無人往來咱們  
找他去借住棲身方可尋主行事比遠志同在官趙大  
柱李邦貴許彥祿並今脫逃劉文體李二田守禮靳三  
尚天寵邊三李國柱趙三俱隨馮爾先進京引至馬公庵  
見伊族叔僧人悟時馮爾先說這都是咱義兄弟來  
尋生意借住幾時比悟時喜允留住當夥賊內有今

脫逃李國柱與悟時親近鄉里遂同馮爾先悟時  
在庵中樓上飲酒聚話比悟時明知遠志等一夥為盜  
遂向李國柱馮爾先說有圓通庵住持僧法名悟道  
家最富厚我平日將糧食賣與他他即短少價錢  
希圖賤買我心中恨他今咱們同鄉一家人到這裏何  
不替我出一口氣一來報讎二來劫他些財物使用此李  
國柱馮爾先為<sup>首</sup>即下樓向遠志等共一十三人說知替  
悟時報讎打劫悟道等語各皆應允各出錢一十五

文連悟時共計十四分歛錢二百九十九文請紙馬買酒  
肉在樓上燒紙結盟商議停當比衆人慮說不知悟  
道庵內門內黑夜難以下手比悟時遂叫遠志同在  
官趙大柱投入悟道家傭工二日看熟門戶家資于本  
年九月初一日衆人遂將馬公庵中柳樹用力砍柳棍  
七根遠志同在官趙大柱李邦貴許彥祿並今晚逃  
田守禮斬三邊三各執柳棍一根今晚逃李國柱執  
弓箭劉文體尚天寵李二馮爾先各執刀一口趙三執

鐵尺一根并將悟時庵內大木梯一架臺至圓通  
庵佈在南牆上彼時止番在官趙大柱李邦貴同  
今晚逃李國柱在外觀風擋水比遠志同在官許彥  
祿並今晚逃劉文體李三田守禮馮爾先斬三尚天寵  
邊三趙三共十人登梯跳牆進庵比斬三李二帶有火  
石鐵鑿打着用火絕取火點起佛前大臘明火竟  
到南北兩廂房拿着悟道是劉文體尚天寵李二  
馮爾先將悟道連砍四刀人將悟道徒弟本善亦砍

二刀衆將悟道捆縛用火炙烤比遠志摻虜衣物堆成一處着在官許彥祿同今晚逃田守禮等將衣物打包背出運在悟時庵中窖子裏埋藏遠志劫得錢一千文荒忙不及細數每人分與五六十文不等剝錢二百五十文遠志自得比今晚逃李二劫得銀二塊重五兩七錢自得未分比遠志同在官趙大柱李邦貴許彥祿在後投馬公庵內當被拿獲比李國柱馮爾先劉文體李二田守禮靳三尚天寵邊三趙三

當聞捕者喊聲四起即乘黑夜逃散無縱及審趙  
大柱供年三十九歲許彥祿供年三十歲悟時供年  
二十五歲俱係東鹿縣人李邦貴供年三十六歲寧津  
縣人各供與馮遠志前供相符及審失主悟道本善與  
各賊面質是的并將起出原贓查驗得青藍布被五  
牀青藍布褥八牀藍布五疋油綠絨一疋各色紬布  
夾道袍共一十八件葛布道袍一件青布綿夾襖襪二  
件醬色絲紬夾襖一件青布綿夾襖四件青布束



肩一件大小白綿紬掛五件大小白布掛十一件藍布掛  
 五件藍布門簾一件白布單被二牀藍白布褲六條  
 青布夾包袱一箇大小銅盆二箇錫器十一件藍布  
 圍裙一條烏帕腦包二箇藍布綿主腰一件新舊襪  
 九雙新舊布襪十九雙藍綿線織襦套一箇白綿  
 線織襖連一箇白布口袋一條銅錢二百五十文隨着失  
 主悟道曾認俱係被劫原贓各等情在案據此該  
 臣看得強賊馮遠志等一十四人烏合亡命作孽兇

徒究其劫張家莊之僧人暨馬村之張姓郭家莊  
之徐姓事主雖未面質贓物實已瓜分即其親供  
鑿鑿聞之令人髮指何致狼心未厭尤敢糾同大  
夥潛匿

都門依僧房為穴窟懷兵甲於胷中真膽可包身  
目無

王法者矣乃復聽賊僧悟時主使構謀洩憤兇砍僧  
人悟道本善捆灸摧殘罄洗所有此等兇惡即手刃

尤有餘恨見獲之馮遠志趙大柱許彥祿李邦貴  
 備吐累盜情真悟時自認元謀戎首兼之事主  
 交質題恭正法抑復何辭脫逃夥賊劉文體馮  
 爾先田守禮靳三尚天寵邊三趙三李國柱九名聽  
 部嚴提究結贓給悟道充仗入官再照前項強賊  
 馮遠志乃積久為盜較之諸賊行劫數多法應首坐  
 故以馮遠志作招首耳且各盜於

輦轂重地乃敢明火強劫恣行無忌儻不即為就縛則

日甚一日抑無底止該牌總乃能於夜巡之時當場擒獲實足以見其緝捕之能非重加優異何以爲鼓勵激勸之地也伏乞

聖明勅下刑部將強賊馮遠志趙大柱許彥祿李邦

貴悟時依律究擬有功把牌王元振把總賈廷

臣併祈

聖明俯准優叙施行等因崇禎十年九月二十八日奉

聖旨這強犯馮遠志等著送刑部究擬具奏朕處的嚴

緝另結王元振等優叙該衙門知道欽此欽遵抄出到  
部送司案呈到部擬合就行為此

一揭帖司禮監

合用揭帖差官齎送

司禮監煩照

明旨內事理欽遵查照施行

崇禎拾年拾月

去

日督捕員外郎錢選

札科外抄

十月

呈部呈於

多科抄出 宗人府掌府事駙馬都尉王昌謹題為

擬 帝系體式呈 覽請旨欽定以便遵奉事八月二十四日奉

聖旨這恭進帝系及總表等冊錯誤遺落甚多吳應庭等宜得敘敘落

諭照式詳查更造毋致錯延奏內器工無給監吏停辦紙劄不解是

何緣繇著各該衙門查明回奏該部知道欽此欽遵前十五日內閣傳

聖諭帝系冊內錯誤遺落甚多今量摘幾項餘可類推帝系如此總表可

知卿等延傳示照宣正體式詳查更造欽此再四莊誦目恃寬檢不虞臣

奉職數載虔督貢監吳應庭王錫玉二生及後磨勘有此等失及

內閣頒出宣正冊式暨臣所進庫冊始知錯誤遺落非臣所繕寫之

愆也 朝廷追封追贈一切彙典臣府不得後聞 帝系姓 札部來

滿俊



文總表皆錄各藩先年陸續解到玉冊臣府記載而已其書之有  
 無府實無所考以所進帝系原冊曾之閱臣等亦無從查閱  
 宣正體式臣府實未經見即紙張亦非市四貨賣所南不知從何構覓  
 臣所造者乃先任府臣侯振宸所領勅書自萬曆三十七年造天啓六年  
 計一十八年大造之名位也遵奉閣咨止取三廟帝系並非累造所以  
 累朝廟諱及后妃長次行序不敢一槩核寫蓋遵奉勅書所奉者  
 惟萬曆三十七年起至天啓六年止若天啓七年造寫至崇禎九年  
 則非十年大造之制矣天啓七年以後名位似當另領勅書崇禎十  
 年大造之制近奉新旨遵照宣正體式更造謹擬三廟帝系進  
 覽諸旨欽定容臣移文部中查核詳細方敢謄奏進呈向來臣府  
 所用紙張乃市肆之物無間式紙樣之厚且大也蓋閣有閣式名冊  
 府有府式名冊中冊今勉用更造亦恐有紙樣薄小之嫌應用何傷  
 門閤取暨工費之費何傷門閤支惟乞聖明欽定勅下臣府以便遵  
 依庶不稽時日而建成也若總寫磨對之役責監生等處臣等既  
 有前緒敢不拮据以襄大業緣奉嚴奏更造謹題請旨計進謹擬

帝系冊式一本

崇禎十年十月十三日奉

聖旨帝系錯誤遺落即應遵照宣正體式類推論中款項通行

造併將總表一體整正務期全備真確堪垂永久且既肩斯任何得  
輒云非該府繕寫之愆以先任另勅為詞殊屬諉卸還著確遵明旨  
毋得再稽延缺誤者即行文閣部查明補正合用紙劄之費各衙  
門查奏

歲

百七十四

再陳席藻待罪等事

奏

奏

兵部

奏

奏為再陳席藻待罪真切下情乞

恩嚴謹事竊臣頃以大馬勞慘至極罪病俱深

乞

天垂憐具奏奉

聖旨卿識練才優拮据殊甚樞務正資幹理不  
必輒有引陳諛部知道欽此臣接見邸抄  
徬徨戰慄念臣有何才識敢承

天語褒嘉所以席藁陳情正緣幹理無能拮

据<sup>固</sup>効仰祈

早賜處分免致貽憂樞務耳今蒙

恩旨不必輒有引陳臣即默然而已是将謂臣才

識果堪幹理之資。謂臣拮据尚勝中樞之任。  
臣素不敢自欺。今遂敢于欺。

天子殆死不足贖罪矣。臣今不敢言勞不敢

言慘不敢言病。惟不敢不言。臣罪拮据將

歷三時幹理。茫無一効。竊恐再假歲月。所

就不過如斯。貽誤中樞罪更不小。彼時豈

惟

皇上應戮臣身。將舉天下之人爭唾臣面。以為是

不孝子踰越經常冒叨名器而今而後不  
過如斯而已臣雖萬死何堪謝責哉乃  
臣前在草土自知自裁豈不甚明甚決  
而冒不能已于一行也實以

天恩誤召及臣或未知臣底裏若此而于拮据  
幹理有厚望焉臣則何敢自隱抑且臺臣  
有言致奉撫按敦趨之

旨同官有言再奉馬上差催之



旨以臣庸陋側微皆萬不能當此者也

又臣何敢不前今至京受事七月有踰微臣

分誼已明底裏見矣此實臣愚請命

皇上嚴譴顯斥之一時萬不容以已者也臣

謹再陳席藁待罪至真至切下情伏祈

天恩鑒垂

早賜處分臣無任惶恐待

命之至為此具本謹具奏

閩伏候

勅旨

崇禎十年十月

十一日

奏為再陳庸劣蒙待罪真切下情等事頃以犬馬勞憐重極具奏  
方不致引誤

不勝惶恐戰慄持據將歷三時幹理茫無一竅恐再假歲月  
所就不過如斯貽誤中樞罪戾不小

又思誤召本非其不知本末未敢妄擬致致再奉命上在惟大

昔日庸劣似此留官庸劣才疏學淺不敢不前今受事七月有踰微分謹已明底

裏見

皇上嚴譴顯斥一時萬不容已者伏祈

天恩垂鑒

早賜處分謹

奏

咨



十月三日



欽差總理糧儲提督軍務兼巡撫應天等府地方都察院右僉都御史張 為

選將首開邦政等事據江南副總兵許自強呈奉  
本院案驗前事行鎮轉行所屬親臨考驗密行體  
訪如果技勇過人智能出衆堪充將選者年貌技



勇履歷照依發來冊式填註一樣四本呈馳送院  
以憑覆覈如限咨

部酌用毋得徇情濫舉致干

功令等因奉此隨該本鎮一面行令各營將領等官

查明造冊呈報一面密行體訪去後但照武科一  
款須有試錄為據無者不准今據各叅遊造報冊

內俱稱武進士武舉本鎮屢行駁查止標下坐營  
守備張奇蘊將崇禎元年中武試錄一本呈驗外  
其餘未據送到然各官履歷皆奉

欽依想

部內必有試錄照次推陞本鎮止據送到各冊參  
以訪聞重加覆覈逐一研考將沿海沿江所屬各  
官堪充將選者遵照填冊見在其本院標下各官  
如吳志葵四事兼長優于調度為上將朱壽增步  
伍嚴明為能將程周祐蔣若來皆驍勇絕倫敢戰  
摧鋒為勇將蘇松道標下官金奇功深沉有謀為  
智將俱堪應戰守之選本鎮未敢越俎擅填應候  
本院酌奪至平望等處把總等官從來文移素不



相通茲于十月初三日止催據靖江守備黃夢瑤  
報文至即據填報外今將堪充將選者遵照冊式  
填註見在等因到院據此覆核無異今將原冊咨  
送查核為此合咨

貴部煩為查照施行須至咨者

計咨送

冊肆本

右

兵

崇禎拾年拾月

選將



日

咨

部

月, 4)



歲 一百八

流寇窺渡甚急等事

將河撫歸入其中

題

題

期而可否勝法耳

〇のち

單思仁

兵部

題 為流寇窺渡甚急河防萬分喫緊懇乞

勅 調將領暫鎮河干以壯聲援以保

畿輔事職方清吏司案呈崇禎十年十月初十日奉本部

送兵科抄出吏部等衙門尚書等官田唯嘉等奏  
前事內稱竊自豫寇猖獗數年於茲其心未常一

日忘

畿輔也祇因黃河上起蒲懷中歷大名下至徐宿奔

流數千餘里駭浪拍天即流寇狡謀百出萬難凌

空飛渡故足恃也乃臣等杞憂耿耿更謂不足恃而足

慮近聞流寇數至河上雲屯霧集殺人如麻無

數蒼生半膏賊徒白刃耽耽逐逐無日不思渡河

而北臣等所以鯁鯁然憂者誠謂防河易而防河之凍難也防河止防渡口畫地而守足矣現在曹單渡口東撫曹濮道兵守之東長渡口保撫大名道兵守之封延渡口河撫懷衛道兵守之數年以來賊不能以一騎窺

畿輔者皆在防諸臣仰仗

天威防範必密之效也故曰防河易歲晚冰<sup>堅</sup>是處無異康莊向流寇自晉而豫非乘舟渡也乘凍渡

耳當日豫人能守凍俾不得渡何至蔓延致成數  
年不結之局哉大抵河凍矣地則備不周兵分則  
力必弱故曰防河之凍難今

皇上慮切流氛

赫然震怒

特遣禁旅屬抹南征賊迫於無所之不南突長江必北突  
大河此理勢之必然也十餘里河身一旦凍結蜂擁  
而來馳如平地臣等恐魯衛之壩被其蹂躪所關



不小賊掠近地

陵關震驚所關更大向見部議以登鎮總兵提兵一  
旅防兗東徐州豐沛一帶誠為急著至於兗西  
大名東長封延等地方皆瀕大河宜防凍保定撫  
臣張其平沉謀雄斷殫力綢繆誓以滅此朝食

久矣正

神京借以為鎖鑰士民倚以為長城者也第恒西  
土賊出沒無常見今有警勢難分身以應臣等謂

大名曹濮懷衛等道臣皆宜駐河邊屬邑相為犄角又恐勢渙不統於一賊左而右不應賊右而左不應則跋盭之患等於單虛須

特遣大將一員調度聯屬竒正合離如臂使指則呼吸相通兵威丕振賊必不敢窺伺河上即伺亦可相機翦除矣而此任非可泛屬也必擇智勇深沉威名茂著素為賊所懾服聞之膽寒見則氣奪者暫寄以節鉞責以堵勦俟冰解仍令回信則

畿輔無事

宗社舉安實嘉賴之非曰臣等家在

畿南徒為桑梓計已也伏乞

勅下該部急速酌議則先著得而賊可計日滅矣

等因崇禎十年十月初九日奉

聖旨該部省議速奏欽此又該河南巡撫韋道立題

為續報流寇大集情形相機合勦併防永堅

請兵守河以鞏萬全事內稱竊照寇之集於河南者先

係西股一股盤踞靈陝攻陷澠池一股旋遶登  
汝奔突魯寶臣已具疏於九月二十日拜發上  
聞矣近復自東續來一股東西響應勢更兇慘謹將

各屬報到緣繇據實述陳九月二十二日據河南  
府知府王猷長報據永寧縣知縣劉鴻業報  
澠池自初五日失陷永寧黨屋楊家坨司俱  
有賊放火陝州白甫村等處俱賊剽掠又據維  
陽縣知縣劉鴻緒報九月十一日混十萬賊從

西而耒老營在宜陽哨馬至白楊樹宋店等

情本日又據分守河南道右叅議帶降三級陸

文衡報據新安縣知縣傳明遠報九月拾三

日陳永福兵與賊打仗捉賊二名衆兵碎屍奪

騾三頭陳兵亦有帶傷回縣在澠池西土壕槐

樹窪熊山寺等處盤踞不動且多次寨十八日

午時賊哨馬二三十匹抵新安西關往北上懷山

寺後宋峰擁已至縣西鐵門辛莊克昌練峪

口離縣二十里哨馬往來等情又據該縣報十八  
日大營悉屯本縣四郊十九日夜臨城下者數  
次二十日各處馱糧以為久計賊之所憚者惟是  
左營懇乞作速調發等情又據該縣報據鐵  
門鳳凰寨生員趙光斗報十八日賊從西來到  
寨下苦攻一日烏鏡打死寨上二人打重一人寨  
上大砲亦打死二賊一婦人賊將本鎮房屋田禾  
車輛牛隻盡行燒燬牽去又許多賊在鎮西



二里剗營半日往東南去訖攻寨之時賊大聲說要攻宜陽新安有城等情二十七日又據該道報據宜陽縣知縣唐起泰報死賊十九日在鐵門展營至本縣西北接境王變亦家溝一帶屯剗離城四十餘里又探死賊苗頭見在石家嶺後尾仍在塔泥今攻李家寨寨人甚多等情到道調隨羅岱等管領勦等情二十八日據分巡河南監軍道按察使戴東旻報據永寧

縣九月十七日賊將陝州塔卽寨上雜糧駛運  
馬牛坡上二百餘石賊說我們攻了新安縣回  
日費用哨馬往來本縣離城僅四五十里今已  
東行聲東擊西姦謀叵測矧係 郃郃重地閤  
係非小等情到道隨督陳羅車三營馳往備援  
永新等情此雜西盤踞之情形也九月二十三日  
據分巡河南監軍道報據宣威石營中軍車  
登科報九月十二日蒙本道調赴郃寶一帶勦

截即於十三日伍鼓繇長阜等處離汝州四十  
 五里逆賊盤踞方佐卑職領官兵奮勇進剿當  
 陣斬級拾壹顆獲馬三匹騾二頭驢十四頭弓  
 三張刀三口陣傷兵丁二名射死馬三匹中傷馬  
 一匹又准洛陽營遊擊羅公報據把總劉鳳禁報十三日有  
 劫賊營混殺有一更見賊四起不能割級賊於  
 五鼓拔營奔去得獲馬一匹騾一頭俱經知縣驗  
 明等情二十三日據清軍帶管分巡大梁道僉事

任贊化報據襄城縣知縣胡從政報十五日有大  
夥流寇繇魯山寶豐西來至葉縣曹鎮遵化店  
等處離本縣辛店界二三十里大光四五十里未知  
向往聞各賊往南少食大勢北行等情十七日二更  
有賊數千直奔南橋本縣領操官韓加第辛  
思教劉鉉方日就等兵丁在於橋北堵禦俱用  
大砲打回十八日巳時仍未橋西南馳突復用砲追  
打賊即北轉十數里從淺水渡河近城北七八里

外北關操官余起龍等統兵用砲迎打中矢被  
傷無數仍過河星奔老營延袤數十里屯紮不動  
時有哨馬四外探路等情此汝魯等處盤踞奔  
竄之形情也二十三日酉時據礮營調防省城將擊  
周天命稟九月二十日卯時據抄報人役報稱西南  
之賊已到襄城燒燬關廂東來之賊已至杞縣本  
日辰時接按院手札礮兵盡到否東賊已至杞縣  
差撥連偵連報等情此東來大夥西奔之情形也

各報到臣已經臣等嚴檄道將審勢決機力圖  
禦勦復檄行河北守巡兩道內云流寇窺渡時每  
耽耽至於今冬多妄想八九兩年河北防禦業有  
已試成規矣今時已入冬難容再緩合行急飭仰道  
官吏即將所屬礮鹽各兵西自垣曲縣東界起  
東至祥符縣西界止聯珠分布按里築墩設兵三  
五十名搭蓋窩鋪一二十座晝則樹旗夜則燎火  
多製棗木狼頭至於濟源縣地方山高河窄馬



歸窩野豬鼻等處冰厚數丈非木狼頭之所能  
催節製鐵斧鐵狼頭等器現在堪用冬至前後  
晝夜巡視遇凍即擊勿使冰結總期預伐計大挫  
狂鋒去後然西賊恃衆據險播虐既已有日東  
賊源源未已計款待凍踏冰彼蓋南阻於長江之  
限中窘於中原之貧其全力為窺渡謀勢有必然  
者也現今總兵左良玉遠在江北陳永福羅岱等  
兵零弱難恃恭荷

皇上軫念中州大張捷伐以監臣盧九德肅將

禁旅於九月十二日抵臣撫屬磁州之境

天威遐布士氣奮揚戡定削平在此一舉即檄經

臨諸邑遵照部咨酌動新餉應付如額隨同

監臣面商方畧於二十三日南發偵剿期收膚

功仰副

天討外伏念八年分濟源防河得保兵之力居多九

年分未調保兵增募精勇之鄉兵甚衆是

以兩年俱幸無虞。今賊蜂屯，雖西窺渡，志決  
以去年之鄉兵與鹽兵協守，政未敢必其萬全  
也。即禁旅現在河南，儘可資其驅除。誠恐  
一旦移而之他，南無勁旅，北無勝兵，意外之事  
安保必無悔之庸可及乎？合無比照八年例，減  
調保兵三千名赴豫防河，其期以冬至為始，至  
春為止。其官止用奉遊，其行糧人馬各每日一  
分。如以為薄，則請真保自辦人馬，各再給一分。

蓋以防河非專為河北故行糧米無責備也  
至於祥符縣西界起東至陳橋止磁鹽官兵鞭  
長不及則以開封府北河捕同知劉躍龍任  
之儘可有為自陳橋起東至儀封考城止則聽  
大名府兵照節年例戍之庶東西千五百里  
無一隙之疎而畿晉三四直省有永保之泰  
矣謹會同巡按河南監察御史張任學合疏  
具題伏乞

勅下兵部亟覆施行等因崇禎十年十月十一日奉

聖旨據奏狡賊分股新宜袁維等處謀渡情形亟

宜扼防嘗道立著嚴飭該道將及地方有司鼓

勵兵勇俾力堵禦仍會同禁旅就近協勦速奏

廓清所請保兵防河等事宜該部看議速覆

欽此欽遵抄出到部送司案呈到部臣等看得狡

賊原從河北越渡河南遂為中原淮楚數

年不了之害今者焚掠丘墟難以久駐

勢必耽耽北渡矣。防河之責東起山東而北直而河南以西盡于山西之境。今在山東山西各自為防已屢行申飭無誤。贅陳在北直者保撫張其平先奉移駐之。

旨分監閫思印又自統兵以行即保撫去來尚牽顧邢西之賊而該監所統副將劉光祚固素有殺賊威名可獨當一面者也。今北直諸臣恐河身一凍是處如獲平地要須再宿重兵而河南新撫又有



調保兵三千給行糧一分代防河北之

請臣思河北就近惟有鞏固營及該撫標下之兵前赴

駐防為便其八年分調用董用文之兵以就近無多

兵故也今宜于鞏固營再發一千五百該撫標下

發一千五百連前共足五千兼派河南北直之境以劉

光祚統之使步兵火器分信防守而光祚提其馬

兵往來巡閱無事督率沿河打冰有警相機應

援截殺春融之日回信叙勞

朝廷自有優典其行鹽一節聽戶部議覆可也緣

奉有省議速奏之

旨相應覆

請恭候

命下臣部轉行遵奉施行

崇禎拾年拾月

あ

日即

中趙光祚

冊庫員外郎吳鼎

兵部為流寇窺渡甚急等事該本部題云等因奉

部尚書楊等具題崇禎十年十月十九日奉

聖旨這發派河北防守營標各兵數依議着劉光祚督率

馬步各兵往來巡閱無事沿河打水有事相機應援春

融回信叙勞其行鹽戶部即與議覆欵此欵遵抄出到部

送司案呈到部擬合就行為此

一咨保定巡撫

合咨

貴院煩照本部覆奉

明旨內事理照數撥發各兵派防河北地方着劉光祚督

率往來巡閱無事沿河打水有事相機應援俟春

融回信叙勞施行

一手本總監方

分守太監閻

合用手本前去煩照

明旨內事理照數撥發各兵派防河北地方着劉光祚督率往來巡閱無事沿河打水有事相機應援俟春

融回信叙勞施行

一咨戶部

合咨

貴部煩照本部覆奉

明旨內事理即行議覆施行

一咨河南巡撫

合咨

貴院煩照本部覆奉

明旨內事理欽遵查照施行

一浴都察院

合浴

貴院煩照

明旨內事理轉行河南巡按御史欽遵查照施行

廿二

崇禎拾年拾月

令

日即

中趙光祚

冊庫員外郎吳鼎



未將

寒字各石八十

陵京用將西難等事。

奏 奏

此稿不日

止行

音日 上院 昔為 一版易字

宣府科

兵部

奏為

陵京用將西難先請

聖裁定奪事竊照護

陵一事臣頃議設協將二員駐防  
陵後而兵餉調度仍屬  
陵前已奉

欽依在案近該總監魏國徵疏

請專設一總兵一副將而裁去柳溝路將臣思

果如此議則副將之設仍代路將守宣邊

而于

陵後專防無預止懸寄一總兵耳事理殊屬未妥

臣愚不敢臆裁已差官走札商之治督監撫諸臣去矣然無論設總兵設副將皆須用見任邊官素蓄敢戰家丁者推補前未以為召募根本即如鞏固營之用劉光祚營伍方得速成圖練可收速效此臣臣之愚思惟遼將祖寬輩為宜在祖寬徑可推總兵而其餘堪備協將也乃昨京營副將洪光先等回府奉有遴選堪任之

旨而總提協三臣與臣會商首舉祖寬次舉程

彥勛臣思祖寬見署總兵之銜若調入京

其係御前之缺

營又未可遽推邊鎮設

陵後必須置帥則一時更難其人且祖寬原起

通

官為祖大樂之部卒程彥勛前七世職歷

祖大壽之中軍此二人推入京營部下必有

夷丁隨至

輦轂之地易起訛言臣若不先奏

聞<sup>局</sup>敢<sup>奏</sup>處<sup>奏</sup>。所以躊躇數日。特請  
聖裁。

陵後應否置帥。祖寬程彥勳可否內推伏祈  
御批。示下。臣等方便遵守。為此具本謹具奏。

聞伏候

勅旨

崇禎十年十月

五日

寒一百二十

陵京用將兩難等事

行

一

二十四日行記

宣府科

劉驥

兵部為



陵京用將兩難先請

聖裁定奪事職方清吏司案呈奉本部送兵科抄出

該本部奏前事等因崇禎十年十月十七日節

奉

聖旨 陵後添設副協已有旨了置帥事宜還與

治督監撫諸臣確議具奏欽此欽遵擬合就

行為此

明旨內事理欽遵施行

宣大總督

一咨昌平督治

一手昌宣分監鄭

煩照

廣

崇禎十年十月

廿八日即

中趙光祚

新學堂

PDG



歲

一百七十三

恭報防海援薊等事

行

單恩仁

兵部為恭陳防海援薊兵將移鎮駐劄地方彼此兼顧以備緩急以資捍禦事職方清吏司案呈奉本部送據通州總兵劉澤清呈前事等因奉批司查奉此查得通鎮調兵三千六百本部題發安撫銀兩

該鎮領回收貯聽候應援出境給發隨經劄行該鎮并太僕寺外今該鎮差官郭宗晉赴領太僕寺謂無部文未便查發合無再劄該寺允發可也等因

呈堂奉批通兵今歲不調援矣姑緩發何如司再酌說堂奉此照今邊報稍寧防兵已撤援兵可以免調而安牒似宜緩發且通州去京甚近隨取隨得尤與他鎮不同前銀俟有調遣另文給領可也等因呈堂奉批行知奉此相應劄行該鎮案呈到

部擬合就行為此

一割付通州總兵

合割該鎮照割事理

遵照施行

十四

崇禎拾年拾月

名

日即

中趙光祚

冊庫員外郎吳鼎



歲

一百八十

寇氛已迫河干等事

一五四

行



兵部為寇氛已迫河干防河刻不容緩願竭丹誠共

單恩仁

圖捍禦以上慰

聖明宵旰之憂下解黎民倒懸之急事職方清吏司案呈奉

本部送兵科抄出分守真保涿易龍固等處太監閻題

前事內稱臣竊惟今天下虜訐於邊寇擾於腹而不能早  
奏安攘之績者此何以故蓋緣畛域太分彼此觀望不  
肯以天下事為己任耳寧有真不可為之事哉臣荷蒙  
我

皇上不以臣為不肖俾以

畿南分守重任日九迴腸所慮者奴酋隱禍於遠死賊肆  
整於豫而防河一念寤寐未忘邇見寒威凜冽轉  
盼冰凝且聞死賊日圖搶船結筏則其渡河之心真

不啻一葦航也萬一沿河兵車不守則無論

畿南一帶赤子橫罹鋒鏑而

聖心既已憂虜復加憂寇犬馬微臣其可恕然而不早盡血

忱為未雨綢繆之計乎除臣一面嚴飭所屬將備等

官晝夜簡戎秣馬府州縣高城深池以防不測外臣

所募健丁五千員名時加訓練業有頭緒亦可以資

一臂之用臣想近河地界原係保撫專責非臣所轄然

臣賊攔入則朝渡河而夕真屬美煌煌

天語每令臣下毋分畛域協力剿禦而況逼近

神京尤臣子所當同舟共濟者哉是用挑選鞏固營精勇馬

步健丁二千員名親統至河要緊去處相度機宜安

插妥當然後責令鞏固營副將劉光祚晝夜設防以

為

神京捍衛仍一面就便規畫邢西土賊在冀晉夾界地方竄

伏情形設計一鼓殲蕩使安得安於耕鑿賊不至於

蔓延臣於是行端有攸利矣即雖時值沍寒地方寥

寂窮吾臣當宣布

皇恩俾三軍奮勵踴躍直前於以遏狂氣而奏膚功直  
易易也惟是前項馬步兵丁既已出防所有行糧  
鹽菜料草勢所必需伏乞

勅部照數給發庶騰飽有資而勝氣益壯矣等因崇禎十

年十月十二日奉

聖旨這挑選鞏營練兵親統至河安揀駐防併料理邢西餘  
等事宜俱依議所請行鹽料草該部即與議覆欽此欽

遵抄出到部送司案呈到部擬合就行為此

一咨戶部

合咨

貴部煩照

明旨內事理欽遵議覆施行

十五

崇禎十年十月

光

日即

中趙光抃

冊庫員外郎吳昂



歲 一百七十八

遵照新旨請給月米等事

一六〇

行

兵部為遵照新

單思仁

旨請給月米軍伴心紅銀兩事職方清吏司督捕員節

錢選案呈奉本部送據巡捕提督宋守義呈前

事內稱本月十五日據西北三署指揮同知王之儁

呈稱切照卑職已蒙兵部題奉

欽依推陞前職於崇禎十年六月初五日到任管事外查  
得先該巡視京營科院

疏請照依舊例月米軍伴等項又蒙戶部尚書候

覆議守備月米五石軍伴一十八名折銀九兩心

紅銀二兩五錢於八年五月十二日奉

聖旨是捕營欽依守備月米軍伴等項准照舊支給以  
鼓任事遵行在卷又于十年五月內蒙兵部新例

釐正職銜副總兵署都指揮同知叅將署都指揮  
僉事遊擊署指揮使都司署指揮同知欽遵  
外卑職蒙部推署指揮同知與都司僉書職銜相  
同應支月米五石軍伴一十八名折銀九兩心紅銀二兩  
五錢以到任之日為始起支伏乞俯准轉呈兵部移  
咨戶部照依新題事例收造等情到職據此查得  
舊例捕員有歷守備等任有歷把總之任者其自各  
有應得之俸前五月內蒙部釐正職銜而有指揮

等名色今各官請糧竟以指揮等銜呈請則所  
歷之任應為守備或為把總自有部裁前七月間  
蘇邦政等以指揮同知呈請蒙部准以守備俸糧  
造支外今王之儒係署指揮同知固與都司僉書職  
銜相同然呈討守備俸糧等項應否准給本職未敢  
擅便擬合呈詳為此具呈伏乞裁奪轉咨戶部收造  
施行等因到部送司奉批司查奉此查得捕營各官

月糧戶部題

准守備月米五石軍伴一十八名折銀九兩心紅銀二兩伍錢  
遵行在卷今王之儒于本年六月初五日到任本部  
題推署指揮同知管事近今新例指揮同知即都司書  
職銜該弁比照呈請與例相符似應移會戶部收  
造等因呈堂奉批捕營把總與守備同米紅准照  
守備為定例咨行奉此相應移會案呈到部擬合  
就行為此

一咨戶部

合咨

貴部煩照咨文內事理即將王之偶應領月糧并  
軍伴心紅銀兩于到任之日為始查明收造施行

一劄付提督宋

合劄本官遵照劄文內事

理即將王之偶應領月糧并軍伴心紅銀兩于到  
任之日為始查明收造施行



崇禎



五

日督捕員外郎錢選

十五

京

九十一号

十

缺官事推五軍一營左副

將洪光先員缺

題

題

一

ナニナニ

馬兆基

兵部

題為缺官事職方清吏司案呈照得五軍一營

左副將洪光先近該總提協朱等題調別

用本部覆奉

欽依回府帶俸所<sup>有</sup>員缺合當推補案呈到部臣

等從公推舉得山海團練車營副總兵

楊德政副總兵職銜查分并勸誘

石門路<sup>地</sup>未將事

高秀

俱各堪任伏乞

聖明于內

簡命一員督勸德政仍以原員者皆同念充

五軍一營左副將統領軍官操練行事皆高秀

仍以前員署都督金子晉事

### 計開擬堪五軍一營左副將官二員

楊總政

年四十五歲係山東博材武庫天啓七年自登萊巡檢李為  
題補都司金書夏通州訓導新兵營守備子八月通州  
城守和功題加充左營參將因該款別用五年自堪補監  
祝前舊中物太恩格下中軍尤去十有順天巡撫傳京  
龍題批恭和奏通化標軍在營尤去子六年十月順天巡  
張鵬題題調委前撫松棚題尤去子十有是祝前舊中物  
太恩王三心題加署付參去及子七年六月題加副總兵去及子  
十一月題加署都督曾金子九年有題加實授都督曾金子三月調  
山海關鎮事是付參去十有是傳和功題加都督同知

高秀

年三十三歲係北直隸人崇禎三年十月青出教功題加宣德六  
年曾美英教功題加尤去子十二月登州教功題加七年九  
月中後所教功題加副總兵八年十二月娘子關教功題加  
署都督曾金子九年二月題加原良教功題加一片石尤去子  
七年十月山永巡撫馮任題調委子守前鎮石門路者如子

崇禎十年十月

六

日

題  
名

缺官事推神樞六營右副  
將孫尚鑑員缺

馬兆基

兵部

題為缺官事職方清吏司案呈照得神樞六營

右副將孫尚鑑近該總提協朱等題調別

用本部覆奉

欽依回府帶俸所遺員缺合當推補案呈到部良

等從公推舉得付等兵部徵發遠東驍兵左英詹

右吉將軍子

李輔明付等兵部徵發遠東驍兵

鋒中營參將子

楊振



俱各堪任伏乞

聖明于內

簡命一員以原長都督金事元

神樞六營右副將統領官軍操練行事曾楊振

計開擬堪神樞六營右副將官二員

李輔明 年四十歲係遠東鎮衛指揮老忠業領三年有  
双望叙功題加守備七月恢復四城叙功題加守備金

書四年自填補都司會考叙鎮黃土山領守備十年  
一月連東六折兵未嘉題調為遠東驍兵中校右營人  
吉子因缺題補永發本良習六年青業叙叙功  
題加守備五月填補年將叙遠東驍兵左翼左營人

# 楊振

吉子十有登州勅功題加付兵部後予十有本部題火  
丁院逃職光緒九年十月有回京朱保關勅功  
題免戴罪加督會事後連京水振方十有漢  
丁水歷俸四年十月

年廿九歲係連京后已辭指揮使崇禎五年六月開年叙  
功題加官七月收後四城勅功題加督會事十有監犯山  
海王司兵未奏題部覆加元吉四年十月有補元吉後  
即釋下握兵部題部覆加元吉四年十月有補元吉後  
驍兵前鋒左元吉五年十月有部為山勅功題加督會事  
候於同御史傳承等事七年十月有中後以勅功題加付  
總兵八年十月有金塔勅功題加督會事九年十月

崇禎十年十月

日

連京水振方十有漢容俸起付總兵後連京驍兵前鋒中  
昔年將等九年十月有京錦勅功題加督會事

題

題

兵部

缺官事推神機六營右副  
將王嘉春員缺

馬兆基

題為缺官事職方清吏司案呈照得神機六營

右副將王嘉春近該總提協朱京堂等題調別

用本部覆奉

欽依回府帶俸所遺<sup>有</sup>員缺合當推補案呈到部臣等

從公推舉得副提兵取銜管大同總兵標下健兵左

管參將事

李居公天同協定副提兵降二

級管事

李朝儀

俱各堪任伏乞

聖明于內

簡命一員昔李居公仍以前官署都督令子充

神機六營右副將統領官軍操練行事昔李朝儀

仍以原及都督合

計開擬堪神機六營右副將官二員

李正

年卅七

歲係榆林衛指揮僉事

天啟二年川湖總

督孫我續題加守備崇禎元年督師為書王之臣題

和都司僉書管山海正武前營事二年二月題調管山海

標崇禎九年事閏四月督師崇禎題加光吉營事

三年三月洪橋報功題加泰特管事七月拆復四

城報功題加副將兵管事十二月剿遼寇督張鳳翔

崇禎六年二月軍陳大撫方一保題自降起遼東

騎兵後勁中營參將七年九月中後勁報功題加副將

兵管事八年三月遼東大撫方一保崇禎十二年娘子

報功題加署都督僉事九年正月大同撫兵王樸

起以副將兵管大同右衛諸泰將事十年正月大同大撫

葉桂題以原官調管大同總兵標下健兵左營泰

將事

童朝儀

年三十八歲係錦永衛武署新鎮撫天啓三年六月

推山西利民堡守備六年二月推都司金書管山西巡撫

標下中軍坐營事七年八月推湖廣都司掌印崇

禎元年五月本初奉事七年五月河南叙功題加副將

崇禎十年十月

兵十二月大同提兵王標楊部乘填補缺同領兵左營

系將事八年十一月宣大總督楊○題○自降三級

管事九年十一月宣大提按林銘球題復原降一

級仍戴罪管事十一月戶部題也田功題加署都督

僉事十年五月大同巡撫葉廷桂題以自官帶降二級

管犬同副提兵事十年二月大同巡撫楊○題○復自降二

級加署銜一級八月兵科給事中張第元題恭

自降二級管事



兵部為缺官事該本部云等因崇禎十年

十月二十日本部具題二十三日奉

聖旨有點的依擬用欽此欽遵抄出到部送司案呈

到部擬合就行為此除劄仰各官定限本年十

十五

連奏覆本歲百八十三  
省意係  
御前發下紅本

行

塘報賊情等事〇

題

題

川

〇〇

丹

兵部

單思仁

題為塘報賊情併請

勅晉豫道兵協力撙節以淨根株事職方清吏司案呈

崇禎十年十月十七日奉本部送兵科抄出保定巡撫

張其平題前事內稱崇禎十年十月初一日戌時據  
標下管領漢夷家丁守備白之裔塘報卑職連日  
擒斬流寇已經塘報外九月十九日據把總馬維先  
探稱零賊又從西山入口卑職即至南幽下店等處  
賊又南奔卑職領丁趕至輅轆川賊慌奔臭水溝  
從道崖出口俱係深山大林潛藏係河南山西兩界  
有右翼官兵追找賊跡去訖等因又據標下統領右  
翼守備王兆麟塘報卑職九月十二日遵奉羽檄仰職

赴邢西剿賊。職于本日辰時自真定起程。十三日卯時  
已到元氏。本日未時到贊皇。南關住宿。先差撥兒把  
總張大忠帶領健丁三十名入山偵探。續據張大忠報  
稱順德府張推官同漢夷官丁追賊出口。回至孟家  
莊。向邢臺地方去訖。卑職即回贊皇。自備乾糧。於十五  
日有張推官差快手楊名引路入山追賊。行至王家坪  
扎營。至十六日繇野胡川行至西臺。扎營。至十七日行至  
北店。扎營。二日至十九日有張推官在家。家莊調職面諭。

賊在內陽村。你領兵馬入路羅川堵截。卑職統兵星夜兼程扒山渡水。至二十日卯時到路羅川。我兵扎營據寨。民稱說賊已去。棗園差撥見家丁四路偵探去後。至二十日丑時據家丁王化高等同寨民李開太馮自安報稱在大各料小各料二處卑職隨傳各丁調隊進兵追趕。至彼賊已夜遁。去訖。至二十二日辰時自路羅川公同漢夷右營官兵起程分兵追賊行至墩腦寨據居民左守平李方見口稱賊從大嶺往西南武安。

地方去訖至二十三日未時卑職又統兵前去追賊本日  
酉時到程子頭扎營於二十四日行至石盆扎營二十五  
十六日在花木兒扎營二十七日出境追賊本日在馬店  
頭扎營有寨民宋友稱說賊往南行卑職隨即統兵  
趕至木作村又往天井郊深入大山二十八日又追至沙窩  
村扎營卑職知會河南毛營領兵官王以潔探賊在于  
何處以便剿殺至二十九日據毛營千總王以潔會據  
偵探毛兵高其才報稱賊於二十五日繇天井郊過去



上山西地方王冠桑山等處又稱二十七日賊上麻田看  
後村去訖其麻田看後村係山西武鄉縣地方離武  
安縣沙窩村一百五十餘里卑職與各家丁乾糧罄  
盡兩日未得喫飯衣鞋俱經山險磨破難于追尋  
等情又據推官張印中塘報相同等因塘報到臣  
該臣看得邢西山寇已經各將士盡力擒斬膽寒魄  
不謂可旦夕廓清矣乃千山萬壑中忽爾屯聚忽  
爾奔逸且登山獲險賊所慣習而我兵冒險追逐多

上山西地方王冠桑山等處又稱二十七日賊上麻田看  
後村去訖其麻田看後村係山西武鄉縣地方離武  
安縣沙窩村一百五十餘里卑職與各家丁乾糧罄  
盡兩日未得喫飯衣鞋俱經山險磨破難于追尋  
等情又據推官張印中塘報相同等因塘報到臣  
該臣看得那西山寇已經各將士盡力擒斬膽寒魄  
喪謂可旦夕廓清矣乃千山萬壑中忽爾屯聚忽  
爾奔逸且登山履險賊所慣習而我兵冒險追逐多

不能及。即糧盡履穿，艱苦萬狀，極力找尋，西至山西之武鄉，南至河南之武安，而賊又入深山大澤之中，已無嚮導，可追躡矣。又不得不另議剿法矣。竊料此寥寥餘孽，原不足以煩大兵，但出沒於三省接壤之地，恐此擊則彼遁，東急則西馳，雖一二遊魂終是不了之局勢，必三面夾攻始可一鼓盡擒。為今日計，亦不須大將，亦不必多兵，止令山西、遼、和、道、河南、磁州道各提兵三百名，合以臣屬大名道官兵五百，

名視賊所向協力搜剿晉兵自西而東豫兵自南而北  
畿兵自東北而西南務期三處兵馬彼此見面庶賊孽無  
可躲避官兵無可推諉前奉旨除根在此舉矣臣已移  
咨晉豫兩撫臣各檄該道督兵合剿仍祈

天詔嚴飭早淨根株以除後患臣謹會同巡按真定等處  
監察御史李模合詞具題伏乞

勅下兵部議覆施行等因崇禎十年十月十六日奉

聖旨該部看議連奏欽此欽遵抄出到部送司看得邢西

一隅地連三省雖殘寇遊竟無幾而深山潛伏最  
易如追踪躡影一坊問之榛莽中彼速我遲彼駕  
輕就熟而我必須鄉導兵少則墮其伏兵多則徒  
自困搜剿誠不便也然深山之中屯聚必有其地  
出沒必有其路打糧索食必有其向往之方但須  
一一窮其原委自可處處制其死命倘悠悠泛  
泛不深察所以雖聯三路之兵終是守株之法也  
今該撫所議山西遼和道河南磁州道保鎮大名

道合兵協剿三路並進料兵之所加當無不殄滅然  
須審勢扼要一鼓盡殲勿得互相觀望彼此尾逐徒  
以壑鄰為故智可也案呈到部該臣嗣昌覆看得  
邢西賊孽不多出沒三省之界會兵剿之誠是也  
喫緊尤在遼和道得其人專駐遼州以資彈壓躬  
巡山谷以察情形廣設方畧以捕凶渠勤恤災傷  
以散脅從果有結聚不解出沒無時者密會大  
名磁州二道一鼓擒之斯能掃蕩蓋此賊巢穴



畢竟事在山西為主名定亦不難鈎致而前此  
已就撫矣今又突發難端則晉省灾荒計無復之

耳該道劉日俊

陞辭復任必能辦此磁州道新推有人亦洵適任受事

淨此一方遺孽或者非難臣部肅請

聖明惟懸功罪賞罰以待之而已恭候

命下轉行遵奉施行

崇禎拾年拾月

札

日郎

中趙光祚

冊庫員外郎吳鼎

兵部為塘報賊情等事職方清吏司案呈奉本部送

御前發下紅本該本部題保定巡撫張題前事云等因

崇禎十年十月二十日本部尚書楊等具題二十三日奉

聖旨是着該撫責成連和道臣密會大名磁州二道設奇協

捕務期剏絕根株毋致竄逃流毒取咎欵此欵遵恭捧  
到部送司案呈到部擬合就行為此

一咨保定巡撫

合咨

貴院煩照

明旨內事理即行該道會同連和磁州二道設奇協捕務期

淨絕根株毋致竄逃流毒自取罪愆

一咨河南巡撫

合咨

貴院煩照

明旨內事理即行該道會同遠和太名二道設奇協捕務期

淨絕根株毋致竄逃流毒自取罪愆

一咨山西巡撫

合咨

貴院煩照

明旨內事理連行遠和道密會磁州大名二道設奇協捕務

期淨絕根株毋致竄逃流毒自取罪愆

一咨都察院

合咨

貴院煩照

明旨內事理轉行真定巡按御史欽遵施行

一九四

崇禎十年十月

廿

日即

中趙光祚

冊庫員外郎吳昂

京 平六号

欽奉 勅諭事

行

廿二日行訖

兵部為欽奉

勅諭事職方清吏司案呈案照先該本部題

議折半班軍應否折半或全派修城已經

題奉



明旨咨行戶部確酌連奏去後至今尚未議覆相

應咨催案呈到部擬合就行為此

一咨戶部合咨

貴部煩照先今事理速為議覆萬勿再

遲施行

此處有...

崇禎十年十月

廿一

日郎中趙光祚

歲

一百八十六

恭陳援薊等事

一九八

行

一

單恩仁

兵部為恭陳防海援薊兵將移鎮駐劄地方彼此兼顧以備  
緩急以資捍禦事職方清吏司案呈奉本部送據太  
僕寺呈前事等因奉批司查分發為是速劄行知奉  
此查得真保原議聽援兵一萬二千鞏固營三千

真定火攻營三千衛輔營三千保定火攻營三千今  
分監閫思印謂鞏固真定火攻二營見在真定  
安撫銀兩領回收貯真定府庫其保定火攻并衛輔  
二營相去尚遠另文支領倘有警調就近給發亦  
計<sup>之</sup>至使者相應依議劄發案呈到部擬合就行為  
此

一劄付太僕寺

合劄該寺照劄事理即將

前項安撫銀兩劉光祚三千王震仲三千安撫銀六

千六百兩先行給發其餘聽憑另文給發施行

二〇〇

崇禎拾年拾月



日印

中趙光祚

冊庫員外郎吳鼎

京  
九十多

官軍鼓勇出防衣裝等事

行

廿六日行訖

馬兆基

兵部為官軍鼓勇出防衣裝例應一視懇乞

聖明俯允銷筭以鼓敵愾事職方清吏司案呈奉本

部送兵科抄出總督京營戎政成國公朱 等

題稱崇禎十年八月初一日准兵部手本內開職



方清吏司案呈奉本部送於

會極門傳出

聖諭屢報奴賊謀犯中協著總督協選發兩營

人馬速赴遵化薊州駐劄如聞警息即上邊

勅德該營仍查照前奉旨意督率管理副將

日每進營整練有怠惰推諉的指叅處治高

起潛奉旨入關曾否到信率兵若干兵部馳

查速奏該衙門知道欽此欽遵備行到臣該臣

等遵奉

明旨派撥五軍六營官軍前赴遵化五軍一營官

軍前赴薊州各駐劄聞警上邊勦禦所

有兩營官軍衣裝安家銀兩循例具題

請乞

勅部給發等因奉

聖旨該部看議速覆欽此彼因邊防緊急發銀

無期官軍不敢久候臣等預那戎政庫銀一

萬七千三百四十三兩軍選每名給銀二兩  
共銀一萬七千四十四兩官各給不<sub>等</sub>共給銀  
二百九十九兩以<sub>遄</sub>其往亟應補領抵償借<sub>庫</sub>臣  
等行令委官前赴關支去後復准兵部手  
本移會兩營出防官軍先經本部題議行  
太僕寺每名給安撫銀二兩其領兵各官  
自有

殊恩懸格以待當不在今日以數金為輕重也等因

題奉

欽依隨行太僕寺遵照查發去後今戎政府手本  
開稱官軍出防衣裝安家因奉

旨遣防森嚴不敢久候預那庫銀以促其行今因  
補領抵償庫借查其借動之時既不知會  
本部所借之數又不遵奉

明旨一旦向本部索還有此理乎且各官衣裝業  
已題明免給將來作何開銷此尤明白易

晚者也謹再劄行問寺但照原題數目速  
行給發此外分厘不能多也等因到臣該  
臣等看得營兵出防官有衣裝軍有安  
撫節蒙

聖恩槩行准給近奉遵前之遺事例相同臣等  
因事非始創是以預那庫銀一以利其速行  
一以鼓其敵愾原非破例妄為市恩且各官  
身先士卒久戍邊防業蒙

皇仁恤勞撤回優渥

禁旅而舊例衣裝部覆免給則臣等前發  
之銀何以抵償若追之於官置買衣裝風霜  
殘敗未便變價若取之於部而該部又以遵  
奉

明旨分釐難給臣等思之發銀在前部覆在後  
況日每操練官軍尚有分別而遠出邊防  
官不如軍乎何責為不遵奉且部銀府銀



均屬公帑伏乞

聖明俯念官軍遠防跋涉勞苦軍既需

恩官應一視前給衣裝銀二百九十九兩

勅部補給或容臣等戎政開銷庶部覆府銀兩

得遵守再乞

皇上勅下兵部俟後京兵出防官軍衣裝安撫查

照往例一體全給俾官無反薄之嘆臣等亦

得藉以督責矣等因崇禎十年十月十九

日奉

聖旨奏內衣裝銀著照數補發以後京兵出防官軍  
仍一體全給該部知道欽此欽遵抄出到部送  
司相應劄行同寺照數補給案呈到部  
擬合就行為此

一劄太僕寺 合劄該寺即將各官  
衣裝銀兩查照該營題

准數目速行給發施行

鄭君自題行餘錄所刊

崇禎十年十月

日

即

中趙光祚

鄭君自題行餘錄所刊

同林鄭君自題行餘錄所刊

鄭君自題行餘錄所刊

鄭君自題行餘錄所刊

日

速覆  
署

〇

寒

三百十

三晉重地等事

〇

題

題

即刊有貼黃

〇〇

兵部

題為三晉重地

特簡殊恩欲圖戰守之實預計兵馬之單仰祈

聖鑒勅議增調以鞏岌敢疆事職方清吏司案呈

六同科

趙文鑑

崇禎十年十月二十四日奉本部送兵科抄  
出山西巡撫宋賢奏稱臣前蒙

皇上召對 文華殿自揣生長仕遊俱在東南

不諳西北軍旅之事非敢遜謝道其實耳

然東西南北惟

皇上所命不敢避難臣固已明任之矣初八日欽蒙

特簡命臣巡撫山西此諸撫中所未易遭之

知遇臣何人斯膺此 異數敢不赤心圖報以求

不負、任使哉。顧念晉疆要地，東北有虜，西  
南有寇，中有土賊，兼以宗室繁衆，民心洶洶，又  
當殘破之後，饑饉流臻，晉之爲晉，亦甚戾戾  
矣。其中山川之險，夷閼隘之寬，嚴士馬之強，  
脆糧餉之盈乏，臣未親歷其地，尚未敢臆陳。  
然廣諮詳詢，最大者不越防邊防河兩事。  
今歲仰伏

皇上威靈，夷氛歛戢，三關幸爾晏然，目下所急



莫如防河一著考自太原迄汾州以達平陽沿河二千餘里往往天時人事互操其權萬一寒極冰堅燒鑿難施則處處可渡便處處當防此即兵多力厚猶恐狡賊乘虛蹈瑕乃今聞鄉兵之外全晉所挑選之兵僅僅以八千計是何其卑弱至此極也且此八千之數又非鎮七巡三見在標下之兵查經制開載某隘幾百名某堡幾十名此道幾百

名彼道幾十名零星寫遠緩急焉能湊手  
而臣之標下戰兵<sup>止</sup>六百員名耳據此言之  
就使人人烏獲一可當十十可當百其人數  
幾何其力量亦自有限安望其列陣對壘  
衝鋒破敵手如曰金晉之兵皆臣之兵有事可以  
調遣則遠者千里近者數百里毋論各有信  
地勢難輕動即使傳檄而至旬日之久賊勢已  
不知何如猖獗地方已不知如何破壞矣年來

不練主兵專望救援之故智虜賊所以日剝日盛臣不願出此也臣思天下之勢惟有備乃能無患必居重始可馭輕今

皇上欲臣當晉一面實實一番操練實實可以戰守必得勁兵三千然後先聲有以奪人臨時不至呼籲否則空拳之搏無米而炊即韓范難之况謗劣如臣者乎然非臣之求多于分外也腹內各撫臣皆有重兵惟晉

獨少昨秦楚豫安又俱增兵增餉何獨于晉而

1000 遺之況晉為

藩封重地

識輔咽喉其緊要更倍於他省

知我

皇上與樞臣必籌之熟矣伏祈

勅部酌覆亟議增調俾全晉戰兵照例務足一

萬五千徵臣標下務足三千之數庶封疆有賴

緩急可恃而臣亦得以展布其手足矣等因

崇禎十年十月二十三日奉

聖旨奏內增兵事宜該部着議速覆欽此欽遵抄出  
到部送司該本司看得晉中大勢昔以西路為  
衝今以東中二路為急鴈門廣武之間山原平  
衍無有高牆峻壁可以限虜不入雖在宣雲  
屏蔽之內乎其所以自恃而不恃人者亦不可  
不急講矣該撫甫膺

新命便討軍實可謂實心幹理不負任使者計山

西之兵有三路之兵有腹內之兵大抵皆守兵也近於守兵之內挑出戰兵五千又募練戰兵三千而該撫標下實止戰兵六百單虛之形誠為可慮今據該撫所議謂全晉戰兵務足一萬五千該撫標下務足三千之數取數原不為多有備乃可無患但計兵先須計餉有餉不患無兵必親至地方一籌畫何處有堪括之需何處有堪節之費或



守兵之中尚可挑選或健兵之外尚可增益  
湏措處停當計筭詳審不至於遙揣臆  
度少有格碍可也等因案呈到部該臣嗣昌  
覆看得山西三路經制官軍四萬有奇而太  
平汾潞等處腹裏之兵不與焉合之為數不  
少矣乃今歲挑選戰兵零星湊合僅八千計直  
其餘盡不堪與大抵該省邊軍餉額原薄而  
又以兵荒數載催科不前併至薄者而拖欠之

故除鎮守、健兵三千，外其餘挑練甚難，其腹裏之兵，餉額取之義兵、民壯等項，工食及落地商稅、東、那、西補亦未見其充，魚也是以誤撫標兵一千五百，而亦僅挑六百之數，新撫臣宋賢以為卑弱之極，是誠然矣。臣以為弱非自弱，因貧故弱，強欲自強，須富乃強。古來趙晉立國爭長，齊秦澤潞勁兵稱雄，藩鎮即今三關之地，夫非代郡、雁門、林胡、樓煩之故址乎？而何遂因循不振。

也臣願撫臣往講求足餉之源先振積貧之弊  
必無諱言富而後可言強即就邊腹見兵之  
中練戰一萬五千自然可以馴致若曰增兵  
增餉臣部言之非難戶部應之為難他日有增  
兵之名無養兵之實終為撫臣地方之累非臣  
部所能代也臣謹遵

旨  
看  
議  
伏  
候

聖  
裁  
施  
行

崇禎十年十月

廿七日

兵部為三晉重地等事該本部題<sub>云</sub>等因崇

禎十年十月二十七日本部尚書楊<sub>等</sub>具題

三十日奉

聖旨三晉邊腹額兵原不為少練弱為強兵力自

厚宋賢膺任巖疆著至彼悉心籌畫確求足  
餉之源就見兵中選練一萬五千實資戰守不  
必預計增調欵以欵遵抄出到部送司案呈

到部擬合就行為此

一咨宣大總督盧 山西巡撫宋

一咨 總監大同山西太監 陳

分守

崇禎十年十一月

馬

日即

中趙光作

員外郎吳昂



方司

崇禎十年十月



職方清吏司

呈為虜衆內附等事奉本部送兵科抄出戶科外抄宣

大巡按林銘球題前事等因奉

聖旨該部確覈擬議具奏欽此又該本官題同前事等因奉  
聖旨該部確覈擬議具奏欽此欽遵各抄到部送司該本

司查得三年大閱查盤邊儲錢糧係戶部職掌上閱  
卷案累累皆戶部主稿昨大同一鎮業經本司呈奉  
堂臺批允咨回具覆矣今宣鎮事同一體相應移咨戶部  
議覆伏候

堂裁

准咨

崇禎拾年拾月



日郎中趙光升

解學

歲 一百八十八

大盜流毒等事

行

兵部為大盜流毒

單思仁

畿南捕員設謀擒獲伏乞

聖明嚴勅該部究擬正法以除民害以靖地方事職

方清吏司案呈奉本部送兵科抄出總理京城內外

巡捕事務太監李、題前事內稱崇禎十年九月

二十二日、據標下中軍副總兵馬應乾會同兩營內

中軍王名玉、陳友直、參將崔維光、馮可宗呈稱職

遵憲諭督率番役在於京城內外地方緝捕盜賊

隨據番役劉進忠等回稱奉差緝盜躑訪得有

大盜一夥聚衆百餘人專在外府州縣殺人放火徧

劫良民今有多人潛入京城意圖肆劫甚是兇勇

勢不易擒稟乞多差番役設法擒拏到職據此擬

合密報等因到臣諫臣密諭標下中軍馬應乾會  
同兩營內中軍王名王陳友直叅將崔維光馮可宗  
面授擒賊方略即選勇壯軍番傳承芳等分頭嚴  
緝隨據馬應乾等回稱職等帶領軍番嚴行躡  
緝隨緝得卽三教潛住在京北新倉小街王素培潛住  
在汪紙馬衙諛職等當著番役分頭守候只見有  
夥賊四人在於兩廈門首往來探望但見形貌兇勇  
衣帽可疑着破踪跡尾墜出京至良鄉縣東關住下



隨即擒拏到職嚴鞫得肆賊一係張得勝一係馬九一  
係王澤民一係胡國臣當據張得勝等供稱勝等  
原係大夥強賊屢劫多家今糾黨五六十人來京躡  
盤意圖劫此財物齊濟縣去不知名楊姓家有夥中  
賊首王素培部三敬一月之前已到京中在北新倉  
小街居住候得勝等到來一同行事今得勝等四人  
前來拏還有賊五六十人隨後就到約在京中玉  
河橋取齊等語該職等躬率軍番各懷短兵鎖

押王澤民等作眼馳至寶店預將軍番茶布星列  
候至申時止見夥賊卻三敬卻三槐來到比王澤民  
等認係同夥賊首隨令軍番拏另鎖別處又見  
劉尚才李德吳進才來到隨即擒拏另鎖一處又  
見孫應舉劉應才吳應科吳三來到隨即擒拏另  
鎖一處又見王洪紀岳中義李應登王喜車王洪  
昇來到隨即擒拏另鎖一處又見張才郭樂馬  
秉彝來到隨即擒拏共計二十三名一併呈解到

臣諫臣批仰馬應乾等會審去後至十月初二日據中軍馬應乾內中軍王名王陳友直參將崔繼光馮可宗呈詳職等遵批會審得強賊邵三敬供年二十八歲係北直隸河間府交河縣人素不守分專好嫖賭向被遠族叔祖邵國勝邵國昌邵國濟兄弟三人倚恃家長將三敬局賭輸極又與三敬爭娼將三敬右腿打傷不容三敬在本里居住比三敬只得同今在官胞弟邵三槐離家遠避邵國

勝等兇鋒聞有天津賊首張得勝、肅寧賊首王素、  
培楊州賊首馬九等各糾夥賊共計不下二三百人、  
縱橫行劫勢甚猖獗、各府州縣不敢輕意捉拏、  
三敬不合遂同第三槐往會張得勝等構成大、  
夥到處行劫如入無人之境、除遠年劫掠數多、  
難以悉記、不開外、本年八月初五日三敬不合同在、  
官弟部三槐各持擗刀糾在官賊首張得勝持腰、  
刀王素、培持木棍、馬九持鐵鞭率領在官夥賊李應

登李德、吳應科、各持刀。劉尚才、王澤民、吳進才、各持木棍。劉應才持矛。箭暨不在。官逃賊曹九章、回子、李四、張六、劉小岡、王東樓、臧學、生、李三、大孫三、小孫三、陳八、宋二、簡六、陳四、王五、張二、劉麻子及失記姓名三人共三十人各持兇械不等。於本日黃昏時分前到東光縣雙樓地方。今不在官。不知名李失主門首是三、敬等一齊撞開大門直入房內。隨將所帶火繩點起火燒。比李失主驚跑躲過。止緊住。今不在。

官不知姓、氏失主、婦人衆賊用、火將婦人烤炙、逼却得首、  
飾衣服銅錢等物、難以的記、三敬等從大門走出、將脏  
擎至左近曠野空僻處、所分散訖、比三敬同在官部、三  
槐王素培、吳進才俱嫌脏內無銀、不要衣飾、不分在  
官、張得勝分得紅絹面藍布裏綿被一床、今追見  
在藍布褥子、青布夾襖等物、俱賣、費訖銅錢七百、  
一千五文、併贖衆賊、私自却得銀五兩、俱花費訖、在  
官馬九分、得珠簪一條、今拆下細珠五百四十二顆、白



絲紬掛紅絹夾被今俱追出見在在官李應登分得  
 青藍布綿被二床在官劉應才分得藍絲紬裙一  
 條在官吳應科分得銅錢一百二十文在官劉尚才  
 分得銅錢一百二十文紅綿紬襖一件白綾揸花裙一  
 條在官王澤民分得銅錢二百文綠紬束肩一件在  
 官李德分得藍布綿被藍布夾襖俱當費訖除財  
 係不在官逃賊曹九等二十人分散訖三教又不合憑  
 信先入夥今脫逃簡六躡盤瞰得天津衛三十

里鋪有不知姓名、今不在官、失主家富足、可以行劫、  
遂於本年八月十三日同在官第、部三槐糾在官、  
夥賊李應、登孫應舉、劉應才、併不在官、賊簡、  
六帶領失記姓名夥賊共二十六人、各持兇器不等、  
至本日二更時分、齊到失主門首、比三敬即着在  
官、部三槐、李應、登、越牆進院、開了大門、三敬等  
擁入、遂將所帶火繩點起火、燒失主知風、潛躲止、  
拏住失主家十三四歲閨女、衆賊持刀嚇劫、並無財、

物止、却得銅錢四千文、衣服六十件、各賊仍從大門  
走出、將贓擎到曠野、空僻處所、分散訖、三敬分得銅  
錢一千文、藍絲紬襖、銀紅絲紬裙、本色褶子、夾道袍、俱  
寄不在官、交河縣泊頭鎮居住母舅王棒槌家、比在  
官、卻三槐分得銅錢一千文、在官、李應登分得青藍  
布夾襖二件、在官、孫應舉分得銅錢一千文、在官、劉應  
才分得銅錢一千文、俱花費訖、餘贓衣物、俱係脫逃  
簡六等二十八人、分去三敬、人不合、憑先入夥、今晚逃張翹

子灝盤瞰得鹽山縣海下地方有大戶人家富厚遂  
於本年八月十六日同在官第卻三槐糾同在官張得  
勝馬九玉素培孫應舉胡國臣劉應才吳應科劉  
尚才王澤民李德吳進才及先入夥今晚逃大孫三小  
孫三王東棲郭回子臧學生曹五曹九趙榜初劉小  
岡張六二劉宋二陳四孫俊字王五汪蠻子孫七及張  
翺子糾來不知姓名二十八共五十二人各執兇器至  
二更時分齊到海下吶喊進村撲向富家行劫不

意俱係販賣私鹽人戶各家俱有器械人人都會  
武藝聚集多人各執刀棍繩鞭對敵將三敬等打  
散不得行劫衆人忿恨將鄰近小村內居民約有三  
四家分頭亂搶每人各得衣飾多寡不等不能  
悉記俱分散訖三敬又不合憑信先入夥今晚逃張  
小泉躍盤撒得高陽縣曲底地方有不知名齊秀才  
家富堪劫來向三敬說知三敬遂著在官帶部三槐  
糾喚在官張得勝馬九王素培李應登胡國臣岳中

義孫應舉、劉應才、吳應科、劉尚才、李德、吳進才、  
及脫逃影賊孫俊宇、周蠻子、胡蠻子、孫七、五和尚、劉  
結疤、吳四、王四、李五、曹九、張六、劉小岡、劉三、張四、李三、  
劉四、于小樓、李小槐、共三十三人、各執兇器、於本年九  
月初二日、白晝、是三教同在官、王素培、設局、各戴方巾、  
身穿色衣、假扮錦衣衛、較尉、比不在官、逃賊李、小槐、  
假充番役、隨帶鎖、鐐、將不在官、夥賊張、小泉、鎖項、  
鐐手、扮做截劫、



皇損強盜被拏鎖押拶駐行徑可以沿門撞入失主家內

免人詢問行至本日午時途遇不在官不知姓名過路

失主騎坐青驪馬一匹是在官王素培持刀向前

將失主喝下馬來失主跑走比至王素培將馬劫騎

今追見在比三敬等於本日午後到不在官失主齊秀

才家門首一齊闖入拏住齊秀才狠打嚇殺逼劫得

小罐內盛貯銀九十兩衣飾頗多不能悉記仍從大

門走出至空僻處分駐三敬分得閃色紬披襖菊生

絹掛青布束肩藍紗掛紅羅衫各一件綠綺紗半  
疋細珠箍一條銀簪頭四個銀燈籠環一雙銀花  
二朵銀小環二雙銀丁香一副細珠二串重三錢九分  
銀鬚鈎一枝俱追出見在在官部三掇分得銀六錠  
重二十兩與兄三敬寄頓不在官泊頭鎮居住毋憂  
棒槌家在官張得勝分得銀三兩二錢五分內將銀二兩買  
綠綾單掛一件見穿在身餘銀花費訖在官馬九分得銀三  
兩八錢今買青緞罩甲綠紬在官李應登分得銀二兩二錢在

官岳中義分得銀二兩五錢紅綠綃裙白綿細掛月白綾夾袄青  
細夾秋天藍絲紬衫各一件俱當費訖在官孫應舉分得銀三  
兩後還三畝訖青布綿袴一條賣費訖在官胡國臣分得銀二  
兩二錢花費訖藍絹袴一條見穿在身碎銀花片重一錢二分今  
追見在劉應才分得銀二兩二錢花費訖在官吳應科與脫逃  
李五劉四共分得銀一小錠重三兩換錢二千四百文各分八百文  
花費訖又分得綠絹夾袄一件今穿在身官劉尚才分得銅  
錢一千二百文印花布被一牀俱花費訖在官王澤民李德共分得

銀四兩在官、吳進才分得銅錢一千文、均花費訖、在官王素培、嫌  
贓物微細、不分餘贓、俱逃、賊劉結疤等十六人、分去訖、三敬又不合、同  
見獲李應、登驪盤、撇得青縣陳玉、地方有不在官、不知姓名、失  
主老頭子家、道豐足、可以劫用、遂著在官弟、邵三、槐糾集在  
官孫應舉、劉應才、吳應科、劉尚才、李德及、今脫逃夥賊胡蠻  
子、周蠻子、五和尚共十一人、各執亮械、於本年九月十八日三更時分、  
齊至失主門首、三敬等將所携木梯、佈在東牆上、俱扒上牆、跳入院  
內、直進卧房、拏住失主、用火烤炙、逼劫得銀十錠、開門走出、將贓

挾至空僻處所均分三敬分得銀四兩在官部三槐分得銀四兩  
在官李應奎分得銀二兩九錢在官孫應舉分得銀四兩在官  
劉應才分得銀四兩在官吳應科李德共分銀三兩六錢在官劉  
尚才分得銀二兩七錢今俱追見在餘贓俱逃賊胡蠻子等分去  
訖比三敬屢劫不悛勢兇膽大見得群賊任意糾使所向得利人  
不合想起向被族中叔祖部國勝等兄弟三人局賭鬪倡打傷右  
腿警亟圖報復三敬等今見獲劍着在官弟部三槐等刀糾同  
先入縣今脫逃劉進忠李五孫七五和尚汪蠻子張小泉簡六宋二

各執弓箭、腰刀共十人於本年九月二十一日齊到邵國勝家正見  
邵國勝、邵國昌、邵國濟兄弟三人聚集不知姓名賭棍四人共  
七人賭錢比三敬喝令賭棍跑走遂着邵三槐等一齊下手  
用刀亂砍將邵國勝、邵國昌、邵國濟登時殺死在官邵三槐  
恨心不足又用刀將邵國勝、邵國昌、邵國濟剖開提取心肝當即啖嚼  
三敬等、高聲喊叫邵國勝兄弟三人被咱邵三敬、邵三槐  
殺死去了地方人不敢攔擋各俱散訖比三敬着今晚逃  
夥賊陳四、號盤比、陳四號得、遼縣有一遼東財主不知名楊



姓家富厚多財希圖行劫三敬遂同在官賊首張得勝王  
素培馬九等計議遂着令脫逃陳四扮作傭工投入楊家做  
短工二日窺探楊家門戶行徑停當回向三敬等說楊家既  
有錢財咱們糾了五六十人進去就可下手劫他可是一場大  
生意等語比三敬遂發夥中銀十兩交與今晚逃夥賊陳  
四宋二前往趙堡口地方至買刀十口糾約夥賊六十人於本  
月二十五日二十六日在京中玉河橋會齊同到灤縣打劫楊  
被番看破捉拏作眼覷拿三敬等前來所供是實又審王

素培供年三十歲係蒲寧縣人已故祖父王九叙曾為御史

素培生性愚魯自幼惰學不克紹繼先業專好馳馬試劍

放逸遊蕩交結非人漸覺家道凋零不合頓起狼心糾

夥為盜名王溜湍認得賊黨百餘人憑信先入縣令脫

逃胡仁驍監窺探得安平縣信口地方不知名不在官李姓

失主家財頗厚可以劫用遂糾在官王洪紀及令脫

逃李才馬宗張紀張小泉李清宇楊清宇宋仁丘

一才趙明甫胡仁帶來不知姓名夥賊十八共三十二人

素塔持刀、王洪、紀等二十一人各持刀棍不等，於本年四月失託的日二更時分齊到信口，今不在官。不知名李姓失主門首，是今脫逃胡仁上房跳下院內開了大門，放素塔等擁入，拏住李失主比素塔用燒紙點火烤炙失主，逼劫得首飾數多，不能悉記。銀二十二錠約重一百兩，併衣服二百餘件，拏至空僻處分贖。除逃賊胡仁等二十人分去衣服首飾銀兩，不記細數外，在官王洪、紀分得銀七兩三錢，花費訖。

素培却得衣飾一百件、心中思忖、得贓許多、若仍  
到家、中居住、恐人知覺、事露、遂將李失主家驢一  
頭、馱了前贓、趕至前途、歇客店、寄下一面回家接了  
今在官、妻段氏搬進京、中潛住在汪紙馬街、素  
培安頓妻段氏住下、安當隨即出門、仍糾前夥為  
盜、素培又不合、憑信先入夥、今脫逃、馬、楊、宇、驪、盤、  
窺得饒陽縣曲里村有不知名、焦姓、楊姓、陸姓、三家、  
豐富堪以打劫、遂於本年六月二十日、糾在官王喜、

車吳進才、吳三、王洪、紀王、洪昇、及今晚逃王桂、宋  
西泉、李明宇、楊重宇、王老實、張小庵、馬靈庵、王次  
庵、李小槐、又有今晚逃傅林澄、另糾不知姓名夥賊  
十三名、又有今晚逃劉六、另糾不知姓名、十人、又今晚逃  
周小湖、另糾不知姓名、十人、共五十二人、各執兇器、於本日  
晌午時候、齊到饒陽縣曲里村、連劫不在官、不知名失  
主、焦姓、楊姓、陸姓、三家、因係白晝、失主見賊入村、勢  
衆、隨即逃竄、不曾拏得、失主共搶劫得銅錢一百二

十串各賊自劫衣服不記細數俱從大門走出四散  
在官王喜車劫得銀四錠重二十兩今進一兩七錢見  
在其餘花費訖又劫得黃絲絹二疋青絲紬披袄  
藍絲紬衫綠絲紬束肩毛青布袄綠絲紬袄各一件白  
紬揸花裙二條俱當費訖在官吳進才劫得銅錢二  
千文在官王洪紀劫得銅錢三千文在官王洪昇  
劫得銅錢四百文在官吳三劫得銅錢五百文各  
花費訖餘贓俱係今脫逃夥賊馬揚宇等四十六人



拏去不知細數比素培因係賊首只要銀子不要衣服銅錢不曾分贓本日有安平縣不知姓名快手將今晚逃周小湖拏住被今晚逃馬揚宇掠上刀前將快手殺死却回周小湖一同逃訖比素培又不合將刺臂賊叔王喜車藏匿在家著令躡盤行却比王喜車躡得高陽縣空渠地方有布客趙東庵家富有銀可以却用王喜車遂於本年<sup>六月</sup>二十一日糾在官吳進才王洪紀吳三及今晚逃周三馬三併失記

姓名今俱脫逃四十五人共五十一人王喜車持刀夥  
賊吳進才等各執兇器於本日二更時分齊到失  
主趙東庵家門首打開大門擁入內房拏住趙東  
庵狠打嚇殺逼劫得銀四千兩衣服三百件衆賊仍從  
大門走出將物拏往空僻去處佑堆分派王喜車  
分得銀六十兩在官吳進才分得銀七十五兩又自  
已搶得藍綾衫三件藍綿紬襖紅絲紬襖二件  
白綾裙二條藍絹裙一條紅紗藍紗二疋在官王

洪紀吳三各分銀七十兩餘贓俱係今脫逃周三等  
四十七人分去訖王喜車將銀三錠重十五兩分與  
素培素培即將前銀交與在官妻段氏帶進京來  
藏在汪紙馬衙衙住箱房內素培又不合同部三敬  
等打劫東光縣雙樓李失主家又同部三敬併搶  
掠鹽山縣海下多家一次同部三敬等打劫高陽縣  
路過人黑馬一次又打劫高陽縣曲底齊秀才家一  
次比時私自藏匿元寶二錠重一百兩在衆賊面前

揚言贖少不要瞞過賊挾歸用火煨鑿將銀三十  
二兩日逐買辦飲食與不在官父王定享費訖將  
銀二十八兩寄在不在官叔王明徵家收藏餘銀  
嫖賭花費訖素培見賊黨勢衆隨向各賊約說  
咱們各人留心多結交些好漢至來年六月初一日  
必要糾合五六百人逢村搶村逢集搶集混亂  
一番占箇山場反了罷如若不反咱們必定事露  
不免是死各賊允從今因欲劫鄆縣楊姓家糾有

五六十人約在本月二十五日俱到京中玉河橋會齊行事不期被獲脩細供吐不敢隱諱但素培妻子

段氏在京除日遂將信口却來衣飾贖費外尚存

六十件并在官王喜車交與素培銀三錠俱被

錦衣衛番役緝知素培家係強賊將素培妻

在官

段氏併首飾真珠銀兩衣裳盡行拏去今該衛見素培已

被捕營拏獲將素培妻段氏併送捕營歸結隨將原

贓內壽字珠箍一條細珠箍一條玉花箍一條皮匣內盛

首飾重五兩八錢黑漆匣盛首飾重四兩三錢白布  
包首飾重六兩六錢紅布夾被紅潞紬綿被藍絹褥  
綠絹夾褥沙綠潞紬單被各一牀官綠綺紗紅綠紬女  
袄紅潞紬道袍藍紗道袍白紬褂玉色花衫白羅道袍  
玉色羅衫桃紅紗衫油綠絲紬夾襖豆綠段夾襖玉色絲  
紬道袍葛布衫白布衫喜軸各一件白絲紬裙白羅揲  
花裙白絲紬裙藍絹裙紅綾裙黃絹褲紅氎儒條各  
一件黃布包袱一箇枕頭五副膝褲四雙共三十七宗一



併發來蒙著素培逐一首驗素培記得尚有黃豆大  
圓白珍珠二十六顆一包黃豆大稍扁白淨珍珠四十  
五顆一包中樣圓白珍珠二百一十顆一包大珠走邊一  
條杏黃紬褲一條揸花裙三條揸花背心三件藍紬袄  
一件紅紬袄一件藍秋羅道袍一件藍紬夾袄一件紅  
潞紬被青絹被手巾布被三牀藍紬一尺二寸其餘記  
憶不真衣服四件併王喜車與素培銀三錠重十五  
兩未經發來恐係原番乘機剝落懇乞行查歸全

免致追比素培自作罪孽死不足惜妻子段氏無  
知愚婦望乞開釋及審張得勝供年三十四歲係  
天津衛人向在遼東食糧見陣逃回轉好嫖賭糾夥  
為盜不合於本年四月初二日憑在官馬九驢盤窺得  
滄州沈家村有不知名姚舉人家官莊人不在官不知  
名沈姓家富足可以劫此財用遂糾今在官王澤民  
李德及今脫逃李五大孫三小孫三李四孫六李三  
併李五領來不知姓名二人共十二人各執兇械於本日

黃昏時分齊到不在官不知名沈失主家門首比得  
勝同在官王澤民先越南牆跳入院內開了大門放  
進馬九等即將失主家帶柴點起火燒失主驚跑  
潛避劫得炕洞併木櫃內所藏銅錢約有一百五  
六十串各賊即在失主院內掣出八九十串分贓比  
得勝因初病起力弱止背得銅錢四千五百文在  
官馬九背得銅錢九千文在官王澤民背得銅  
錢五千文在官李德背得銅錢六千文今晚逃

李五、八人各背銅錢十千文餘，下銅錢甚多，止內人少拏，撥不動，多有拋撒院內，俱各分散訖。比得勝又不合，憑今脫逃。張鬚子驪盤窺得滄州孟村有不在官，不知名姓。孫家有錢，可以劫用。遂糾在官馬九隨帶銅錢一千九百文前往獻縣城裏買弓二張、箭五十枝，併鐵足鐵鞭預備停當。糾同在官劉尚才、李德王、澤民及今脫逃曹九、曹五、王近芝、大孫三、小孫三、大胡二、胡大、康二、康大、崔張亮。

子、張六、馬達、子劉三、王東樓、李四面子、孟春、子小

樓、李五、併失記姓名十人、共三十五人、各執兇械、於

本年六月初七日、黃昏時候、齊到孟村、在官不知名

孫失主家門首、撞開大門、一齊擁入、比失主知覺、

跑脫德勝、等將本家紡線綿花、蘸油點起火燒、

劫得銅錢布疋衣被等件、從大門走出、將賍等

主空地、分散得勝、分得銅錢二千七百文、青布一疋、

青布褂一件、在官馬九、分得銅錢二千七百文、紅絹

被一牀羊毛氈一條在劉尚才分得銅錢二千七百  
文白布一疋在官李德分得銅錢二千七百文在官  
王澤民分得銅錢二千七百文俱花費訖餘贓俱  
係今脫逃曹九等三十人分去不記的數比得勝又  
不合憑今脫逃李四高說前四月初二日咱們打劫  
滄州沈家村沈家雖得了許多銅錢只因人少  
其餘銅錢五六十串俱拏不動棄了彼時只是  
不曾拏住失主着拏着他治作起來要他銀子



他必說出銀子藏在那裏咱們可以劫取我想沈家係積久財主必有銀子況有一座齊整看家樓這就是財主的榜樣咱們<sup>如今</sup>不如糾些弟兄再去走一遭必定得手比得勝依允同李四糾集在官馬九李德劉尚才及今晚逃曹九李三大孫三小孫三康二康大曹五張六劉三五和尚併僧人姜林及失記姓名三人共十九人各執兇械於本年六月二十日齊到沈失主門首通值沈家大門未開得勝等

一擁直入拏住沈失主剝去衣服點起柴火將沈失主烤炙間有沈失主妻出來哀求得勝哥說俺係種莊家人家不曾收拾糧食那裏有銀子還有些銅錢在後房穀囤裏藏著情願送與衆位拏去俺一家人靠這老頭子過活饒了他罷比得勝聽說果無銀子遂將沈失主放了止劫得銅錢二十一串白布八疋零布十塊比今晚逃曹五又放火將看家樓燒燬一間衆皆吶喊出門將軀挾在空地分散

得勝分得銅錢一千二百青布一疋白布半疋在官

馬九分得銅錢一千五百文白布半疋在官李德

分得銅錢二千文在官劉尚才分得銅錢七百七十

文白布褂一件各費用訖餘賍俱係今脫逃李四哥十

五人分去訖得勝又不合自行驪盤瞰得東光縣西

南三十里鄉村不在官不知名孫失主係貨郎生理

想他必有銀子堪以劫用遂糾在官馬九王澤民

及今脫逃曹五曹九劉小崗賊學生王東樓小

孫三趙大崔大胡二康張六李四回子李五李三  
于小樓共十八人各執兇械於本年七月二十二日更時  
分齊至不在官不知名孫失主門首比得勝同在官  
王澤民從南牆扒上跳進院內開了大門放衆賊  
直入房內失主往別處未回拏住婦人用火逼  
烤止劫得綾布九十九疋得勝分布五十疋在官馬  
九分布三十疋在官王澤民分布二疋今晚逃曹五等  
十五人各分布一疋星散訖及審馬九供年二十七歲係

揚州人渾名小回回素性兇橫熟習武藝自稱全教  
師向在河路上專一抽幫截劫認識強賊百餘人  
聞得在官部三敬王素培張得勝等係大盜賊首  
遂去會合結把處行劫同在官張得勝等打劫沈家村  
沈失主先後二次又同張得勝等打劫孟村孫失  
主一次又同張得勝等打劫東光縣西南村孫失主婦人一次又同部三敬  
等搶劫東光縣雙樓李失主婦人一次又同部三敬等搶劫鹽  
山縣海下小戶人家一次又同部三敬等打劫高陽縣曲

底齊秀才家一次各供與張得勝卽三敵相同又糾  
令脫逃大孫三李三王四安三楊三楊四馬達子張  
六李四回子李五共十一人打劫交河縣泊頭鎮城西張  
蠢兒家布衣十件富錢一千八百文分費訖及審卽三  
槐供年二十四歲劉應才供年二十五歲李德供年三十  
歲俱交河縣人李應登供年二十八歲靜海縣人孫應  
舉供年二十四歲滄州人吳應科供年二十三歲淮安  
府人劉尚才供年三十五歲武邑縣人王泽民供年二

十七歲冠縣人胡國臣供年三十八歲揚州府人岳中

義供年二十二歲吳三供年二十歲王洪昇供年二十三

歲俱肅寧縣人王喜車供年三十三歲肅寧縣人盜

劫情繇實與前供相同但喜車所劫曲星陸失主駐

銀二十兩內將銀十兩併駐衣十件交與本縣人李應

高收藏餘銀花費訖及審王洪紀供年二十三歲肅

寧縣人盜劫情繇實與前供相同但洪紀所劫寶渠趙

東庵駐銀七十五兩內將二十二兩交與本縣海石村



住人李進忠收藏餘花、費訖及審吳進才供年二十四歲  
饒陽縣人盜劫情跡實與前供相同但進才所劫寶渠  
趙東庵銀七十五兩內將銀十四兩交與本縣海石村  
住人李進忠收藏將銀十七兩交與李進義收藏餘  
花費訖及審得孫應升供年三十四歲饒陽縣人向來  
在京中傭工因難度日新授在官賊首張得勝收下  
說要同去鄆縣打劫楊家尚未行事及審張才供  
年五十歲肅寧縣人向賣錢串繩生理來京撞遇

在官王素培因係同縣熟識隨投王素培寓中暫  
住一面結網子賣並不跟隨王素培上盜及審馬東  
吳供年三十歲肅寧縣人向在京中傭工度日回家探  
親復圖進京至涿州遇見在官王洪紀問說是同鄉  
隨一路雇驢同騎至賣店一併被拏前來並非夥賊  
及審郭欒供年二十三歲饒陽縣人係東三營食糧  
軍因告假歸家探母假滿回京途遇在官王素培  
叫索替他牽馬一同被拏並非夥賊及審趙登科

供係水戶因妻走失、我尋偶遇、却三敬等一夥同走、  
一併被拏、並非同夥、及審趙登進供係篋頭人在良  
鄉縣東關遇見張得勝、叫登進篋頭一併被拏、實  
非同夥、該職等隨著、却三敬等當堂面認、據却  
三敬王素培、張得勝等俱稱、張才、馬東、吳郭、葉趙  
登科、趙登進五人並非夥、盜原係無干、各等情、在案、  
據此、該職等會看得、強賊、却三敬等兇暴性成、割  
刼為盜、嘯聚綠林之衆、流害各方、勾引無賴之徒、徧

殘民命、劫財、若取諸寄殺人如同芟草、拒捕而立、必  
縣快報、讎而殺死叔祖、居民受其荼毒者不可勝  
數、儻不即為就擒、其流毒可勝言耶、亟宜題、叅、以  
正厥辜、其馬秉彝、張才、郭榮、趙登、科、趙登、進、五  
名、併賊妻段氏、應否併、叅、伏候裁奪等因、到、臣、據  
此、該、臣、覆、審、無異、看得、年來、寇氛未靖、海內、騷  
多、因、不逞之徒、三五成群、始而推埋祛篋、繼而凌厲  
殺人、甚則膽粗手滑、嘯聚兇頑、妄憶室中之物、強

攫市上之金小則剽掠鄉村大則殘害州縣等

國法於弁髦視人命如草菅迄今秦晉齊楚鄭衛

之間寇孽滿於道途蹂躪徧於鄉邑皆緣兇惡

滔淫奸宄縱恣而其流毒莫知底止如賊首卽三

敬王素培張得勝馬九諸兇者初則禦人於貨猶

曰饑寒切身是特鼠竊狗偷耳詎其脫逃夥賊馬

揚宇則敢於手刃安平縣捕快矣而見獲卽三敬

卽三槐則又敢於殺死族祖卽國勝等三命矣且又

刳其心而生啖之極人世未有之慘為耳目不經見之兇傷太和之元氣干

聖世之祥刑是實非細故也若三敬三槐者寸磔猶有

餘恨至其聲應氣求糾合亡命一呼而響應或二三

十人或四五十人此唱而彼和羸糧而景從是真可

為百足之蟲矣乃賊首王素培者以先臣侍御王允

叙之孫敗箕裘之成業辱祖父之家聲且又大言

咆哮於來年六月初一日多聚窮兇搶掠市鎮猖

狂已露一班、反側何所不至、即其洗蕩、藍山縣海下  
編氓此即流寇之萌孽、叛逆之根底、涓涓不息流  
為江河、是尚可緩、頃更之死耶、幸而法網不漏、乃以  
潯縣楊姓之多、金遂致群盜垂涎而窺伺、因而假  
手、拜盜之捕、員當為繫縛、此殆非人力而實天心厭  
亂之所致也、臣詰奸鋤穴中、夜禱、踰窬照強盜得財  
傷人不分首、從然必贖、伏分明、方可問、擬今如部、三  
敬等贓物雖有的據、而事主富家俱遠在數百里、



之外理當關提對質方成信獄但各賊幽繫武藝

庫監狎狴狴臨時值沒寒能有防閑之固不無

淹斃之虞除臣一面稟行該縣關提事主富家一

面先將各犯叅送刑部此皆贓真罪確毋候再

讞而諸賊於法必當肆諸市曹者也未獲夥賊李五

孫三小孫三李四張六李三胡仁李才馬宗張紀

張小泉李清宇楊清宇宋仁丘一才趙明甫王

西安三楊三楊四馬達子李回子張四大康二康大

胡二胡子小樓崔大曹九張虎子劉三馬揚字王  
桂宋西泉李明字楊重字王老實馬靈庵王次庵  
吳三李小槐傅林澄劉六周小湖周三馬三僧美林五  
和尚劉小崗臧學生趙大常田子陳八宋二簡六陳  
四王五張二劉麻子張鬚子郭田子趙陽明二劉孫  
俊字汪璠子胡璠子劉結疤吳四劉四季應時  
劉進忠共七十四名合應聽部緝結再審水戶趙  
登科篋頭人趙登進二名俱係無辜株累臣即當

堂省釋其張才郭乘馬秉彝三名雖與強賊王素培認識審無上盜情形然此匪可恨合應責釋賊妻段氏併應案發歸宗以彰

皇上祝網之仁無主贓入官充賞有主贓合應開提事主到日分給但賊贓花費者既難追出而其未經花費即如玉素培一賊劫掠信口地方事主李姓之物如黃豆大圓白珍珠計二十六顆一包又如黃豆大稍扁白淨珍珠計四十五顆一包又中樣圓白珍珠計二百一

十顆一包銀三小錠約重十五兩併各色細段綾絹紗  
羅道袍女衣及揸花等服約計一百零一件除日逐花  
費當賣外尚存衣飾六十件是皆李姓之物素培初  
之以付伊妻段氏潛帶來京收貯者其贓物纍纍  
俱係素培親筆供招今素培既為捕營所得則  
素培之贓合為捕營所起自當質審真實以恭送  
刑部究擬而錦衣衛則將素培住址竟用封條  
黏貼又將珍珠三包銀三小錠贓衣六十件當被

衛番起去其所解發臣衙門者僅計衣飾三十七宗夫剋留盜贓法有明禁倘事主開提到日則賊為捕營所擒贓為該衛所得更將何物為之給發耶即云該衛擒有同夥之賊然賊贓既分物各有主豈可以素培之贓物抵為他盜之劫資臣憶衛番之於是贓也若非逆來順受定應李代桃僵伏乞

嚴勅該衛進出侵贓移送捕營以給事主者也此一案也諸盜一百餘人遭其劫掠之家共計一十有八其元

惡大憝統領群兇稱為頭目就我戎索者共計有  
四除遠年戕害生命不計外今計近時殺死之人亦  
復有四乃中軍馬應乾等督率番役戮力擒拏見  
獲猱獐強賊其為數二十今黨羽聞之諒亦為之  
破膽矣而歲南居民或亦稍為寧帖此實捕營  
設立以來功為獨懋績合優加所有擒賊各番臣  
即賚以銀牌紅帛以示鼓勵舞之意至如有功內外各  
官惟是功名一念為其嚮往熱衷仰祈

皇上特加寵賚破格垂恩以見

聖明賞功綦重、瘡惡最嚴、而為諸臣激勸之地、併乞

勅下刑部、將強賊卞三、敬卞三、槐王、素培、張得勝、馬九王、

洪紀、玉喜、車、吳進才、吳三、王洪昇、王、澤民、劉尚才、

李應登、劉應才、吳應科、孫應舉、胡國臣、岳中義、

孫應升、李德、二十名、依律究擬懇祈

勅下、該衙門、將中軍馬應乾內、中軍王名玉、陳友直、恭

將崔維光、馮可宗、統勇、優叙施行、等因、崇禎十年、



十月十二日奉

聖旨、這強犯卞三敬等著送刑部究擬具奏事、主窩家提到、審實未獲的、嚴行緝結、毋令漏網、株連贓分入官、給主王素培所報原贓、即著該衛追出移送捕營、其審係無干的、如議省發責懲、緝捕有功、內外各官馬應乾、王名玉等、准加優叙、李明臣總捕著勞、俟年終優叙、該衙門知道、欽此、欽遵、抄出到部、送司、案呈、到部、擬合、就行為此、

一揭帖司禮監

合具揭帖差官賁送

司禮監煩照

明旨內事理欽遵查照施行

一手本總理捕務太監李

合用手本前去覈煩照

明旨內事理轉行各官嚴緝獲結施行

崇禎十年十月

日督捕員外郎錢選

十月

行

武錄進呈事

題

題

州

兵部

武舉科 趙文會

題為武錄

進呈事職方清吏司案呈照得崇禎

十年武舉會試錄并武進士登科錄除進呈

御覽并分送在京各衙門知照外查得歷科事例仍該差

本司主事一員賫往南京會同南京兵部分送  
各衙門一體施行案呈到部看得武舉會試錄  
例應差官賫送南京查得職方清吏司主事劉  
大年堪以差委相應題

請恭候

命下臣部遵例差委照例填給勘合應付施行

崇禎十年十月

廿

日即中趙光升

兵部為武錄

進呈事該本部題

云等因

崇禎十年十月三十日本部尚書楊等具題

十一月初三日奉

聖旨是欽此欽遵抄出到部送司案呈到部擬合就行

為此

一咨南京兵部

合咨前去煩照本部題奉

欽依事理欽遵查照施行

一劄付本部主事劉大年合劄本官照依本

部題奉

欽依事理欽遵施行

一連送該司備行車駕司查照施行



其於... 初八

崇禎十年十一月

日即中趙光抃





歲

又百六

防河飭備已周等事

二九六

行

川

兵部為防河飭備已周謹陳分信調度之畧仰

達

單思仁

聖鑒事職方清吏司案呈奉本部送兵科抄出

真保太監方正化題前事內稱崇禎十年十月

三十一日准保定撫臣張

會稿內稱十月十四日

據大名道兵備僉事姚孫桀呈蒙職憲票為  
申嚴河防事照得流寇北奔窺河已行談道  
親詣東長河干布兵防禦去後近報賊已西  
遁但恐狡謀叵測冰堅竊渡則河北一帶應當  
萬分加謹嚴防合再申飭為此牌仰談道即飭  
隣近各州縣將沿河渡口撥派鄉勇晝夜嚴防無  
容一剗少懈致有疎虞仍將各州縣鄉兵分派扼防務

要東西策應以保萬全先將防河兵馬東自山東接  
境起至陳橋一帶河北信地止要見某處渡口係某  
縣地方河南至本縣若干里河北至某縣若干里相鄰  
某處渡口若干里某口見有道兵若干名鄉兵若干名  
標兵若干名領兵官某某逐一備造一冊具繇詳院以憑  
施行速速蒙此又蒙巡按真定監察李御史憲票為分  
信防河事照得防河一事止據東長兩縣分有信地其開  
州滑濬鄉兵俱泛屯杜勝集若不預定信地扼守徒煩

擾地方何益合行酌派為此票行該道即將開州滑濬  
鄉兵酌其近河地面各隨便利預行分派儻遇緊急庶防  
守各有專責可補東長兩縣鞭長不及之處不徒委置  
無用先將分派過信地人數具冊報院施行等因蒙此案  
照本道來蒙憲票之先已牌行大名府并捕河聽分派  
造冊去後今據冊結前來呈稱查得芝麻莊迤東係  
山東官兵防守芝麻莊迤西至路家口二十里路家口至  
嘗張口二十五里嘗張口至練城口十五里練城口至卞家

口二十五里卞家口至薛家口二十五里薛家口至李家

口二十里李家口至趙皮寨三十里趙皮寨至銅瓦廂

三十五里銅瓦廂至夾河灘三十里夾河灘至杏岡三十

里杏岡至陳橋八里陳橋迤西係河南地方河南官兵

防守其河口俱係河南考城儀封蘭陽祥符等縣所

轄並無鄰近村落南岸亦俱係河南地方中間應防河

口七處其路家口練城口薛家口夾河灘杏岡口應寨其

各縣鄉兵冊立印結呈報等因到道除印結附卷外據此

看得談河防於今日亦岌岌矣流寇匪茹狂逞於豫楚  
江北之間荼毒幾徧而猶未敢越

畿甸一步豈非持大河為天塹哉天椎全郡實扼盈盈帶

水防禦之計講之有素談本道自去秋蒞任之初首飭

沿河州縣團練鄉兵各照原派信地防守仍將標下快壯

分為四班令千總等官輪流督率駐防更不時躬往查

飭今年秋儀封考城之間羽書告急本道即介馬而馳親

歷沿河渡口逐一點查其與各有司甲明力行者有伍焉

如各縣鄉兵照信分防固矣而花名不報誰為查考今  
俱令開列姓名造冊送驗仍各申一冊於捕河聽俾不時  
親往查巡稽誅勤惰斯衆心以警而不偷如畫地分  
疆各無譟卸固矣而聲氣不聒何資守望今嚴諭  
各兵平時專守信地聞警互相救援俾如嘗山之蛇首  
擊尾應斯群力以合而共濟而更慮姦細窺渡蹤跡  
最詭則以收舡禁渡為第一義舟楫盡歛北岸盤  
詰尤嚴渡口彼縱有神姦豈能飛渡而更慮賊鋒突



近堵禦何資則以預備火砲為第一義製辦取之各  
縣搬運籍之鄉兵偶一遇有警立可衝鋒迺以河干  
一帶地方綿亘渡口繁多兵力最難照應則查有練城  
薛家等五口不係近村要途隨行堵塞斷其舩隻往來  
之路俾我兵益得安意守禦而不致有意外之虞其本  
道標兵隨駐陳橋小宋固陽銅瓦等要地更番防守  
每至冬月冰堅尤係喫緊關頭始申請撫院鎮兵馳赴  
協防以壯聲勢凡此皆本道心力可施於地方而告誠得

行於有司者亦既料理就緒策勵有加緩急可恃以無  
恐矣更有說於此此悉索敵賦奔命趨防者皆河北之  
兵也乃其地則皆河南所轄之地也尺寸

土竭力亦何敢辭但彼中自為其民與地計亦宜位加此  
飭又芝麻莊迤東係山東曹單等縣地方殊未見有官  
兵防守詢之彼土居民則併鄉兵亦復寥寥何所憑以  
安枕者惕防之舉宜亟申飭昔年以杜勝集係三省安  
區奉

甘山

東河南各設健兵百名協力捍禦今兩省皆久撤回不

復照應矣豈其自為計亦復泄泄乎至若雨雪霏霏

從來致憐於戍卒冬氣日寒村落更遠我兵胷露亦

復何堪計惟建棚設鋪可以暫憩但地屬河南所轄查

往歲有甫行搭蓋旋被拆毀者矣似宜移文彼處道

府諭令近河地方亟搭窩鋪俾得藉以棲止蓋我既為

彼守土彼獨不肯為我借枝耶是則本道不能得之於隔

省伏乞移會申飭協力固圉各盡在公之職以壯萬全

之猷想共有同心者也等因呈詳到職該職看得汾河  
之役職移鎮拮据已三年於茲矣其間地理之險易隘  
口之緩急兵馬之多寡已了然心目罔不時時申飭刻  
刻嚴防可以有備無患矣今秋八月職在揚州之日忽  
聞賊在汴梁分犯考城蘭儀等處密邇大河距

畿輔止衣帶之隔其勢甚急除飛檄道府仍調發兵馬  
外職即星夜南奔親來調度為萬全無虞之計及  
至此而偵探之口俱云賊已西向惟宿永警報未息苗

頭尚不知何往職以賊情叵測出沒無常而窺伺飄忽  
之態如疾風驟雨之不可揣度然無恃其未未恃  
吾有以備之耳遂檄通判張一漸於沿河渡口詳細  
點查復檄道臣姚孫渠身親督率分信設防其開  
列花名文冊俱歷歷可稽無遺漏矣如陳橋口杏岡  
口夾河灘俱係祥符縣所轄各以長垣縣鄉兵五百名  
分布設防典史徐從儒等領之銅瓦廂係蘭陽縣所  
轄亦以長垣縣鄉兵五百名設防縣丞王士麟領之李

家口薛家口卞家口俱係儀封縣所轄各以東明縣鄉  
兵二百名分布設防守河官李盈門等領之趙皮寨  
係蘭陽縣所轄以開州鄉兵五百名設防守河官陳永  
智等領之路家口係儀封縣所轄以滑縣馬步兵一百  
名設防練長薛芝領之嘗張口係東明縣所轄以濬  
縣馬步兵一百名設防練長李化鯨領之鄉勇鱗  
集節節照應而又收歛舡隻以防混渡嚴詰姦  
細以清窺探設列火器以備衝擊度可百無一失職猶

以今年天氣蚤寒河水易結且鄉兵雖多未習戰陣  
遂調發真定右營兵馬二千名分防於陳橋銅瓦趙  
皮各寨口之間既有鄉兵以助官軍之羽翼又有官兵  
以壯鄉兵之膽力賊謀即狡豈能飛渡大河一步哉  
職又念軍士駐防河干露宿野處寒苦可憐求窩鋪  
於隔屬恐往返移會易致稽誤即自行措處銀二百  
兩給散各軍為易買蘆席搭蓋棚鋪之披干執戈  
之衆皆欣欣鼓舞有敵愾之氣矣若夫杜勝集一處



為三省交接要害之地舊時各設兵協防近日兩省  
皆撤回止有大名道兵屯駐欲再徵舊設之兵又恐成  
止渴之梅職亦撥發官兵五百名駐守矣至於芝麻莊  
以東曹單等縣地方各有專屬在東省諸臣同心協  
力設防嚴備無佚職言之贅及也等因會票到臣准此臣  
謹會同分守監臣閻思印保定撫臣張其平鎮臣

錢中選真定按臣李模合詞具題伏乞

聖鑒施行等因崇禎十年十月二十五日奉

聖旨據奏鄉勇分信毆防官兵扼要併窩鋪棲宿具見網

繆防禦知道了豫東接壤河界各宜嚴備著通行申

飭該部知道欽此欽遵抄出到部送司案呈到部擬合就

行為此

一手本總監太監方 分守太監閻 合用手本

前去處煩照

明旨內事理欽遵施行

一咨 山東保定巡撫河南

合咨

貴院煩照

明旨內事理于接壤河界處所嚴飭道府將領設法備禦  
毋得疎悞施行

一劄付保定總兵

合劄本官遵照

明旨內事理于接壤河界處所嚴飭將領設法備禦毋  
得疎悞施行

一咨都察院

合咨

貴院煩照

明旨內事理轉行真定巡按御史于接壤河界處所嚴飭道府將領設

法備禦母得疎悞施行

廿九

崇禎拾年拾月

先

日即中趙光祚

員外吳鼎

左 七十七号

欽奉 勅諭事

行

兵部為欽奉

營科

趙文全

勅諭事職方清吏司案呈奉本部送兵科抄出戶部

尚書程 等題稱專理遑餉山西清吏司

案呈崇禎十年十月初七日奉本部送戶科抄出

兵科外抄兵部尚書楊 等題前事內開職

方清吏司案呈崇禎十年九月十八日奉本部送

兵科抄出工科外抄工部尚書等官劉 等題

前事等因欽此欽遵抄出到部送司除題留

并領班押解事宜移文鳳陽登萊撫監查報

外其折半銀兩相應具覆案呈到部該臣等

看得省直班軍折半一款乃臣部舊餉會議

項下已經載入太倉額內按年考成節解充

餉在案前工部因城工浩繁需役甚殷議停  
班軍改折隨經會題奉有班軍嚴催赴工  
供役不必議折之

旨今樞臣復疏稱中都山東河南三處計折半班軍  
共二萬七十五名應否停其改折仍令通行上

班奉

旨著臣部確奏今工程肇興臣部匱乏尚當勉  
力措銀以資協濟而前項班折銀兩安敢



膠柱以誤工作相應照數聽兵部嚴催赴  
役俟完工之日仍議折解充餉可也既經談  
司案呈前來相應題明恭候

命下臣部移文各該衙門遵奉施行等因崇禎

十年十月二十六日奉

聖旨是中都等處折半班軍仍著照數赴役勿誤  
城工該部仍立嚴限去欽此欽遵抄出到部

送司案呈到部擬合就行為此

一咨都察院 合咨

貴院煩照

明旨事理轉行山東淮揚河南各巡按御史嚴行遵

會同督撫衙門

府都司衛所即將春班各衛所存留一半并應

上班各軍設法稽查逐名點驗務要精壯

正身毋容積猾衛總仍前包攬務遵本部

題准

欽限定于本年十二月中旬到京如違限不到領班各

官即畫法奉處一面將點發過緣繇并起程  
日期押解各官職名預行報部以憑查考各  
軍應得大糧俱要隨軍起解不許仍前延緩  
其秋班各軍先行點驗齊足定限次年五月中  
旬到京城工緊急幸勿泛常

一咨

山東鳳陽

合咨前去煩照

明旨事理會同山東淮揚各巡按御史希速嚴行  
道府都司衛所即將春班各衛所存留一半

并應上班各軍設法稽查逐名點驗務要精  
壯正身毋容積猾衛總仍前包攬務遵本部  
題准

欽限定于本年十二月中旬到京如違限不到領班

各官即盡法叅處一面將點發過緣繇并起  
程日期押解各官職名預行報部以憑查考  
各軍應得大糧俱要隨軍起解不許仍前延  
緩其秋班各軍先行點驗齊足定限次年五

月中旬到京城工緊急幸勿泛常

一咨河南巡撫 合咨前去煩照

明旨事理會同河南巡按御史希速嚴行道府都

司衛所將秋班各衛所存留一半并應上班各

軍設法稽查逐名點驗務要精壯正身毋容

積猾衛總仍前包攬務遵本部題准

欽限于次年五月中旬到京如違限不到領班各

官即盡法叅處一面將點發過緣繇并起程

日期押解各官職名預行報部以憑查考各  
軍應得大糧俱要隨軍起解不許仍前延  
緩城工緊急幸勿泛常

一咨應天巡撫 合咨前去煩照

明旨事理希速嚴行道府都司衛所即將春秋兩  
班各衛所存留一半并應上班各軍大糧預  
行徵收齊足務要隨軍起解一面將解官職  
名并起程日期先行報部以憑查考施行

明旨事理欽遵施行

一行京營  
總提協

合用手本前去煩照

一連送該司備行京營科道查照施行

崇禎十年七月

王

日即 中趙光林  
員外郎錢選



左

全三號

行記

班軍愈飭愈玩等事

三二四

初五日發宣

題

光

天

兵部

題為班軍愈飭愈玩人心日振日弛懇乞

嚴究虛糜以圖實用以杜乾沒仰請

聖裁事職方清吏司署員外郎事司務管理督捕事務今降

一級照舊錢選案呈崇禎十年九月初三日奉本部送兵  
科抄出總督京營戎政左柱國太傅成國公朱廷、等題  
稱臣等深痛歷來班軍沿習故套通不赴操止用數名  
慣患奸徒包攬黃緣借差侵冒糜費瓜分臣等所以屢

疏

題

奏柰何隨糾隨弊通來雖赴點查亦不過臨時雇倩彼

處鄉人久在

京師者其聲音體貌似覺不差及乎事後依然化為烏

有至查其著工之時每名雇覓一日用錢五十六七文者  
此何時也

京都四方雜處流寇縱橫干係何等重大豈容官軍盡  
是彌縫雇倩甚而以營撥墳工徑不赴點且欲為隱匿  
之術臣等熟思

祖制設春秋兩班更番入京原十六萬有奇所以拱衛

金湯而壯

國威也乃承平既久日消月廢或以供邊工之後或以供

墳所之工名已不一。然尚存京營四萬。近如折去二萬。  
止見剩二萬耳。除撥工實。在竟無幾矣。再照每年二  
萬軍。每名大糧三兩。或二兩七錢。不計安家一兩六七  
錢。不計約。每名費銀四兩六七錢。每年共銀幾十萬兩。  
又單月口糧四斗。雙月折銀二錢。合每年費米二萬  
四千石。費銀一萬二千兩。

國家當此。匱乏將有用金錢。以至虛糜。若此。臣等從長  
酌議。恭請

聖裁今秋班見到班軍查驗明白果係真正班軍從實報  
名著令工操如有代替者即按名嚴追前開所費銀  
米或備脩器具等項作正支銷每月銀糧亦可再為  
招補團練勁旅之用但戚臣墳工向蒙

朝廷優禮深恩當將每名照後府

恩給勲臣墳夫各衛之例每名折銀一兩上不失於

天恩下得沾夫實惠且官無隱冒之弊而軍役錢糧亦得是

用矣臣等不識忌諱冒昧請自

聖裁臣等猶有

請焉。今秋班之軍八千餘名，例應七月初旬到京接班。因

違限曾經

題奉下部，誰敢愆期。再查八月初十日已到者止九百

餘名，已令脩葺土城之後，今報續到四千餘名。臣等公

同於二十九日在營查點，其中臨時雇倩每名見用錢

七十文者，公然授受。臣等差官訪拏，果獲數名，責警

餘做冒散去者，十二七八不到二千七百九十名。臣等不

得不直陳糾舉合應照例參提按以違班之日重加

追論仍行該都司以明春為始如有實軍即遵題

請勒令到京如非真正實軍不許雇倩一名止照數解銀庶

奸頑知警

國法自伸而有用之金錢不致乾沒矣等因崇禎十年

九月初二日奉

聖旨班軍包攬借差踵習積弛這奏查點隱匿照例折

銀該部看議具覆欽此欽遵抄出到部送司查得班軍



舊例平居則隨營操練遇警則派守重城載於戎政  
事宜黎然可考先因承平日久工作繁興遂舍營操  
而供養鍾自檢工之例一開乃止計工而不閱軍  
雇替等弊叢然起矣邇來屢奉

明旨申飭且節次奏罰頗嚴乃積習尚未盡除今歲  
秋班如續到班軍四千餘名到營查點多臨時雇  
覓查出不到者二千七百九十名蓋此不到之軍在  
戎政諸臣疏議應按以違班之日嚴追銀米言竊謂值

今城工肇舉需軍正啟奉有班軍不必議折之

旨其留防折半者尚欲望其全來似應照例嚴行撫按

逐名拘提正身勒限明歲同春班官軍一齊赴京

撥發城工補役業經本司牌行各領班都司備將

京營點退併缺額軍人確開各衛所花名細數造

冊在案應併行撫按按冊解部補班者也又查戚

臣墳工比照後府

恩給勲臣墳夫各衛之例每名折銀一兩該本職行准後

府經歷司手本回稱案查本府例有各爵墳夫銀  
兩乃該爵自行具題奉

旨勅下工部覆奏抄出到部移會本府取給着墳軍餘  
二十名該本司呈堂填給勘合轉行所屬保定等衛  
所請詳撫院每名照例折徵銀一兩解府轉給各爵  
支用勘合繳府註銷等因准此查該府

恩給勲臣墳夫每墳不過二十名其銀出給保定等衛解

給着戚臣及公主各墳每用班軍三千名今

壽寧公主、瑞安公主、遂平公主已故新城侯王

昇并博平侯郭振明各父母墳工應見撥班

軍共一萬零三十九名若每名折銀四兩為數不貲

若於汰退各軍大糧內扣支目今城工需役議

令照數補班糧銀仍應給軍則折給之銀從

何那給各戚之役或俟城工告竣照例議折

可也案呈到部該臣嗣昌覆看得班軍押

解赴班臣已議行該衛掌印清軍指揮輪

年連代之法其安家行月等糧臣已議行  
原籍起程量給三分之一其三分之二另委  
廉官解部解邊計日計工給之或事故脫  
逃則有扣銀募役之法並京班畫赴修城  
不必改折已咨戶部具

題同臣部前議奉有

欽依矣總督戎政成國公朱純臣等具題振玩  
究廉與臣議互相發明相應再行申飭至

于戚臣墳工一項原屬

聖朝親之典臣等未敢議裁但名為撥軍實  
則折價班軍利于暗折而全不赴工臣部照  
工發銀而全無着役以此艱閔得慣原籍  
衛所恣競玩包攬之奸及到都門踵雇覓  
應點之習牢不可破深為誤事如督臣  
議每名折價一兩在戚臣徵

恩已多而軍役仍堪別用似稱得策但城工肇



舉即撥軍與折銀俱宜暫停俟工完另請  
聖裁可也其秋班見點不到班軍雖前經題明今  
應責該司詳確開明衛所細數再行各該  
撫按嚴提補班毋容延曠重干罪咎

崇禎十年十一月

卯日



兵部尚書仍帶降貳級守制臣楊嗣昌等謹

題為班軍愈飭愈玩等事該京營總督朱純臣等題前

事臣部看得班軍押解赴班奉有

欽依矣總督朱純臣等具題振玩究靡與臣議互相發明

相應再行申飭至於戚臣積工今戒工肇舉撥軍折

銀俱宜暫停

開明細數

題

兵部為班軍愈飭愈玩人心日振日弛懇乞

嚴究虛糜以圖實用以杜乾沒仰請

聖裁事該本部題云等因崇禎十年十月初十日

本部具題十二日奉

聖旨是城工肇舉撥軍折銀俱著暫停其秋班  
見點不到的各該撫按着即嚴提補班不得延  
曠取咎欽此欽遵抄出到部送司案呈到部  
擬合就行為此

一咨 鳳陽 山東 河南 巡撫 合咨前去煩照

明旨內事理嚴行各該道府都司衛所將秋班見  
點不到班軍照依冊開軍數嚴提正身同

春班官軍於本年十二月中旬一齊赴京補  
班撥派城工應役如延緩不到即將都司衛

所等官從重叅治

一咨都察院 合咨

貴院煩即轉行山東淮揚河南各巡按御史

查照本部覆奉

明旨事理嚴行各該道府都司衛所將秋班見點  
不到班軍照依冊開軍數嚴提正身同春

不到班軍照依冊開軍數嚴提正身同春  
班官軍於本年十二月中旬一齊赴京補班撥  
派城工應役如延緩不到即將都司衛所等  
官從重叅治

一行京營總提合用手本前去煩照

明旨事理欽遵查照施行

崇禎十年十一月

六

日員外郎錢選

十六

三四二

卷

三百十九

恭報查飭鎮居情形等事

題

題

題

有貼黃

大同科

趙文鑑

兵部尚書臣楊

等謹

題為恭報查飭鎮居情形仰祈

聖鑒事職方清吏司案呈崇禎十年正月二十

七日奉本部送兵科抄出薊遼總督張

福臻題稱據密雲道兵備副使仍帶降五

級管事劉鎬呈詳招繇到臣一問得一名孟

承寵年四十六歲係羽林衛指揮狀招承

寵襲替祖職歷陞昌鎮坐營叅將因崇禎

九年六月內虜犯宣昌各邊告急奉文調守

鎮邊<sup>路</sup>火石嶺等口至七月初五日虜攻宣鎮

分水嶺等處比時承寵率兵堵敵傷虜

無數退去至七月初七日不料奴虜繇石



峽谷德勝等口闖入園因昌平蒙賈內監  
令寵救應寵遂領兵七百八十八名行至  
鎮邊路裏口栢谷地方又聞昌平已破所  
領前兵住扎栢谷止領內丁三十五名趨  
至居庸關即蒙前部院留守居庸關原  
票見在可證又在官姜瑄係居庸關叅  
將奉

旨駐防居庸關外八達嶺七月初三等日虜在

太平寨等處遇與對敵斬獲賊首共四  
顆奪回盔甲弓箭牛馬等物屢經塘報  
可查本月初七日賊從石峽谷攻入亦係姜  
瑄路屬所轄之地瑄不合不能分力救堵又  
有先不在官今在官石峽谷操守高鳴  
謙因大虜攻入已蒙前部院發行本道轉  
行順義縣問擬合依守邊將帥守備不  
設為賊所掩襲因而失陷城寨者律斬

詳允等情致蒙前部院題為恭報查飭  
鎮居情形仰祈

聖鑒事隨蒙

欽依孟承寵姜瑄著各革任該督究擬具奏

王弘基既係貼防失事重大降級未足示懲

還著另擬奏奪欽此欽遵蒙前任丁右侍

卽憲牌仰道遵照

明旨內事理即將孟承寵姜瑄革任依律究

擬確招速報以憑具奏又蒙昌宣二鎮魏  
總監案驗同前事備案仰道查照

明旨內事理欽遵查照施行又蒙山鎮昌平

張右侍郎憲牌同前事仰道速將欽犯孟

承寵姜瑄立刻即差的當員役拘獲聽

候委員代庖其事以便題究事干重犯

毋致疎虞又蒙順天張撫院憲牌同前事仰

道查照

明旨內事理轉行本官欽遵施行又蒙巡閱楊  
御史行道照案及備奉

明旨內事理即將孟承寵等單任究擬施行

蒙此該昌平兵備郭副使行提承寵等  
到官研審前情明白致蒙看得孟承寵

調防火石自應回守勿移乃以策應至岔  
道至鎮邊復至居庸將火石原信不其  
膜外置之耶即以留守藉口而輕移之

責何辭以自進乎。至姜瑄以居庸主將  
凡所轄各口俱當嚴戒無瑕。乃石峽失  
守。所轄謂何縱防。守居庸頗著成勞  
而猶覺過浮於功耳。此二弁者除奉

旨革任外。俱照陳言邊務事例罰米三十石示

懲。十月初八日具詳總督張右侍郎蒙批

孟承寵既調防火石嶺。即是汛地。明明

避賊而逃。尚借口救應昌平作大同前

鋒乎果爾。又何以有居庸關之奔耶。姜瑄轄地失守。何得以防八達。為辭罰米。俱未蔽辜。仰該道查實。另招報蒙。此復該道。行提犯官孟承寵。姜瑄到官。逐一再三研審。前情是的。看得孟承寵。派防火石嶺。則火石嶺即是汎地。乃聞虜圍昌平。領兵回救。乃知昌平破。投之關門。幸火石無虜入耳。律以擅離。無可解者。



惟是虜以兩路闖入火石邊外實無一  
虜彼特防火石反緩而守內口較急承  
寵所以哓哓也顧救昌既無纖濟輕移  
將何以為終難解於畏敵之譏姜瑄雖  
奉部劄守居庸外八達山嶺無恙而虜入  
石峽乃其路屬平日戒備之謂何亦惟是  
失守之官已從重律而邊長乏將應徵未  
減姜瑄所以幾幸也顧勞雖著于關門

而過還當以法受究莫逃於溺職之愆  
此二弁者雖已革任前罰稍輕合無各  
罰米五十石藉以儆將來之邊防可也  
于十一月十五日復具招呈詳總督張右  
侍郎蒙批據擬尚未協律且孟承寵舍  
信地而奔岔道的是何情仰密雲道審  
明確招另報事關題奏慎勿草草不便  
蒙此該密雲兵備劉副使關提孟承寵

姜瑄到官審據承寵供稱逆奴報入宣疆  
奉派中營防守鎮邊路火石嶺等口七  
月初五日虜繇利市溝攻犯分水嶺等邊  
承寵率兵堵敵傷虜無數奪回難民  
牛羊頭畜塘報可查初七日虜繇居庸  
路邊石峽谷入圍昌平承寵探得宣大  
兵馬抵岔道進援當與督防賈段二太監  
面議賊俱入內攻犯

陵、昌、客兵尚集此處無虜不赴應援恐後查不

便、公同行文、出、道、守、備、閫、師、龍、令、報、進

援及准回稱宣大兵馬未入承寵兵馬亦

未起行至十三日探得大同兵馬抵鎮邊

路唐兒菴復准監議應該赴援且傳聞

查飭王太監見在

7 長、陵、承、寵、以、救、

7 陵、昌、為、急、即、領、兵、馬、至、鎮、邊、

路裏口栢谷地方聞昌城已失止住兵馬

在栢谷帶領內丁三十五名馳赴居庸

關稟討前任丁軍門明示當蒙留守居

庸復蒙發票調防守火石嶺兵馬赴

居庸守城原票可驗今蒙察疏一聞剋

昌之報不奉明文領兵徑回承寵兵在

居庸並不曾徑回何處今火石嶺信地

並無虜騎闖入未為失守等情及審姜

瑄供稱六月二十七日蒙兵部劄付派守

八達山嶺是瑄專責且奉查飭王太監督令  
哨堵在岔道出戰曾有斬獲後虜繇石  
峽谷入居庸復馳堵禦亦有斬獲俱經  
報驗至於石峽口貼防分信有王弘基  
官兵本口專責有高鳴謙操守主客兵  
丁一千有奇瑄止領兵五百名堅守八達  
山嶺信地兼于家衝等九口得保無虞已  
殫力盡瘁且八達離石峽谷六十餘里

邊長難以兼顧。因以總轄名色致蒙前任  
丁右侍郎叅疏查誰為貼防之客將。則  
右驛營遊擊王弘基也。誰為總轄之主  
將。則居庸叅將姜瑄也。雖衝口極多分  
身無術。且居庸之守効有勞績。但職守  
攸閑。豈能辭罪。所當與領兵徑回之孟  
承寵分別議處者也。又蒙巡閱楊御史回奏  
題稱邊長兵寡。顧彼失此。効有勞績。不



妨使過今高。鳴謙已經重擬。王弘基亦止革職乞闕。疏詞超豁等情。據此該本道再三覆審前情。是的看得此一案也。以前任丁石侍郎叅疏論似孟承寵情罪差重於姜瑄瑄雖總轄而八達山領原其專信地監守無失分身難顧革職已足蔽辜承寵舍火石山領而趨公道跡於離信然據稱調援有賈內監之票留守居

庸有前部院之牌且火石嶺無賊而岔道屢經賊攻原非規避况各有斬獲塘

報在案功過或可相贖昌道引陳言邊務

例量議罰米蓋亦深知彼時情形而折情

法之中以示儆者也仍照原擬今將取問

罪犯一議得孟承寵姜瑄係軍職所犯

俱合依遵照陳言邊務事例各罰米五

十石濟邊伏候詳示施行一照由孟承寵

姜瑄各該官紙銀三錢又各該罰米五十  
石照數上倉濟邊取倉收繳報餘無再  
照等因到臣該臣看得孟承寵以昌鎮  
坐營調防火石嶺自不宜離汛一步乃  
倏奔岔道倏救昌平又倏抵居庸昌  
平居庸同稱有賈內監丁總督之調牌岔  
道之奔果奉有何文耶本宜坐以離信  
之例第幸火石嶺無事彼遂曉曉有詞耳

姜瑄係居庸寨將石峽谷政其轄地戒備無聞失事實重本例自明但先奉革任究擬之

旨續奉已經處分之

旨似難過求且本管高鳴謙已聞大辟瑄不妨寬其一面臣屢駁兩道審無異詞始照原擬罰米或不失之枉縱乎伏乞

勅下該部議覆行臣遵奉施行等因崇禎

十年正月二十二日奉

聖旨該部覈擬具奏欽此欽遵刑科外抄到部送司

查得孟承寵係昌鎮坐營調防火石嶺姜瑄

係居庸叅將石峽谷亦其轄地戒備無聞致有

失事革任究擬屢奉

明旨查總督原疏欲寬其一面各擬罰米似未允協

事關

欽件相應咨會刑部酌妥庶便具題案呈到部擬合

就行為此合咨貴部煩照原題及奉

明旨事理將二弁酌定罪案回咨過部以便具覆等

因到部送司呈奉堂批查覆奉此查得昌鎮

坐營叅將孟承寵奉委防守火石嶺則火石

嶺係其專地舍嶺而趨岔道救昌平抵居庸何

辭擅離雖曰火石嶺無虜岔道有虜奉票奉牌

策應于有虜之區與規避于無虜之地者有間

而救昌無濟何以驗其賈勇而非畏敵也姜瑄

係君庸參將石峽口是其總轄虜從茲入守  
禦之謂何但此時姜瑄奉委專守八達嶺而  
石峽口之專責則操高鳴謙貼防則遊擊王弘  
基距八達嶺尚有六十里之遙姜瑄勢誠不能  
兼顧重分守于臨事高鳴謙業已擬斬瑄可  
稍原者此也此二弁者專守俱幸無恙故在  
外屢審輕擬然罰米委屬稍寬孟承寵合  
依擅離信地律姜瑄合依被賊侵入境內律各



酌擬徒罪五年發還方立功庶情法兩盡無枉  
亦無縱耳等因案呈到部擬合就行為此合咨貴  
部煩為查照施行等因到部送司案查崇禎

九年八月二十四日該本部議覆薊遼總督丁魁

楚題奉昌鎮坐營參將孟承寵領兵擅離信地

居庸恭將姜瑄臨警何無申飭奉

聖旨孟承寵姜瑄各革任該督究擬具奏業經本

部移文該督將孟承寵等革任究擬去後至崇

禎十年正月二十二日據總督張、將孟承寵  
姜瑄俱照陳言邊務事例罰米五十石示懲具  
題前來奉有該部覈擬具奏之

旨本部以二弁議俱未協移咨刑部酌定罪案去後

今准刑部依律議擬前來相應具覆案呈到  
部看得孟承寵既調防火石嶺則即以火石  
嶺為信地乃聞虜信奔至公道復懼法無可  
逃又以内監總督牌票為護身之符督臣

洞見其情，責以岔道之奔奉，有何文承寵  
何以自解其所稱火石嶺無失事者，直僥倖  
虜未至耳。豈離汎之承寵，尚有保全之功，  
可得而相準哉。若姜瑄係居庸，參將石峽  
谷亦其總轄之地，詎云無責，但專守石峽，  
之高鳴謙已問大辟，則姜瑄應稍從末減。  
耳原擬罰米未足蔽辜，谷移刑部再擬始  
確谷徒五年，邊方立功無枉，無縱乃可以

甲

朝廷之法并可以服二弁之心矣緣奉有嚴擬具

奏之

旨相應覆

請伏候

命下行原問衙門將孟承寵姜垣等處各處

立功伍年滿日回衛帶俸差操

孟承寵等年滿日回衛帶俸差操俱係世職

緣係報查訪錄居情形仰祈

聖鑒事理未

各定發還方

崇禎拾年拾月

如

日即

中趙光祚

員外郎吳昂

兵部為恭報查飭鎮居情形等事該本部題

云等因崇禎十年十一月十二日本部尚書

楊等具題十四日奉

聖旨孟承寵姜瑄著各發邊方立功滿日回衛帶

俸差操欵以欵遵抄出到部送司案呈到部擬  
合就行為以

一咨薊遼總督

順天巡撫

都察院轉行順天巡按御史 照依

明旨事理欵遵施行

崇禎十年十一月

升

日即

中趙光祚

員外郎吳昂

寒

署四十二

題



缺官事推補大同  
軍遊擊吳文燿負缺  
未標下中

兵部尚書臣楊 等謹

大同科 疏文龍

題為缺官事職方清吏司案呈照得大同巡撫標下

中軍遊擊將軍兼管左營事吳文燿近該本部題

奉



欽依推陞署都統輝魚事<sub>（印）</sub>前填石門路<sub>（印）</sub>4 所有員

缺合當推補案呈到部臣等從公推舉得大同協和

城地方<sub>（印）</sub>

張洪<sub>（印）</sub>都司會同<sub>（印）</sub>城衛<sub>（印）</sub>以<sub>（印）</sub>當<sub>（印）</sub>充<sub>（印）</sub>差<sub>（印）</sub>僅

九吉將軍<sub>（印）</sub>

王社

俱各堪任伏乞

聖明於內

簡命一員<sub>（印）</sub>題准新例僅署<sub>（印）</sub>指揮使<sub>（印）</sub>充<sub>（印）</sub>前項<sub>（印）</sub>尤吉將軍<sub>（印）</sub>候

命下之日本部備查原擬責任請

初一道費付本官欽遵任事合用

符驗旗牌照例就彼交代具繇回奏緣繇事理未整摺便開坐謹題請

計開擬堪大同撫標下軍遊擊將軍無官營官二員

張洪

年三十二歲係錦衣衛百戶舍人武舉崇禎三年三月勤王題加官四年三月恢復四城叙功題加都司  
金名七年十月填補署商陽和城地方官備可該大同撫標良莊建桂寺薦三次歷俸三年四月

王弘祉

年三十九歲係保德縣山衛武進士署宣撫司官崇禎五年正月掛山西平刑關官四年七月掛都司金名後山西老營堡九十五歷俸三年二月

崇禎十年十月

臣

日郎中趙光祚

兵部為缺官事該本部題

云

等因崇禎

禎十年十一月初六日本部尚書楊

等具題

初九日奉

聖旨是有點的依擬用欵以內張洪有點抄出到

部送司案呈到部擬合就于為以除劄仰本

本

或指

官定限本年

書月

日

日到任外

一咨大同巡撫

煩照

欽依事理行令本官依限到任仍將到任日期同

原奉本部劄付併履歷緣繇呈報巡撫衙

門繳部查考如過限不到及不繳部劄定

照參究施行

一咨都察院轉行宣大巡按御史照依

欽依事理行令本官依限到任如或過遠照例

參究施行

一合具揭帖差員外郎張弘之貴赴

內府翰林院請寫

勅書施行

計開請

勅官一員署指揮使充大同巡撫標下中軍遊擊將軍

兼管左營事張洪查得本官責任專管標兵

兼理中軍事務及將挑選車兵營精壯官軍  
二千一百員名與同見在標兵一千三百餘員名  
併為一營平時如法訓練整飭營伍撫養士  
卒精利器械有警隨營截殺仍聽總督撫  
璵等官節制本官允湏持廉奉法圖副委  
任如或貪黷債事法不輕貸

谷宣大總督

一手本  
總監大同山西太監  
分守

一劄付張英

二十三

崇禎十年十一月

日即中

趙光祚

員外郎吳鼎



左  
七十九號

恭報點收秋班軍數等事

三八〇

行



兵部為恭報點收秋班軍數併糾少軍諸

趙文會

并仰乞

嚴勅處分以振飭戎務事職方清吏司案呈奉

本部送兵科抄出鳳陽巡撫朱  
題稱崇

禎十年正月十一日准兵部咨前事內開該臣  
部等衙門點收崇禎九年分秋班官軍查  
照原造花名年貌印冊逐一唱名細加點  
聞如老弱不堪及雇替假冒者俱行汰退不  
作收余今計各衛所不列及汰退軍如

中都頭司所轄徐州衛劄付官徐中行所領額  
軍六百零一名汰去及不到軍三百九十一名實收  
軍二百零十名六安衛劄付官鄭養民所領額軍

四百三十七名汰去老軍及不到軍一百七十一名  
實收軍二百六十六名廬州衛劄付官王國佐所  
領額軍三百一十三名汰去雇替及不到軍二百五  
十八名實收軍五十五名通州所劄付官吳爵一所  
領額軍一百三十六名汰去雇替老弱及不到軍  
三十七名實收軍九十九名鹽城所劄付官劉自  
嘗所領額軍五十六名汰去雇替及不到軍十四  
名實收軍四十二名泰州所劄付官陳天印所領額

軍一百五十四名汰去雇替及不到軍三十五名實  
收軍一百一十九名大河衛劄付官賴嘉慶所領  
額軍九十三名汰去雇替年幼及病故軍一十六  
名實收軍七十七名中都二司下所轄揚州衛劄  
付官李光祖所領額軍三百零一名汰去雇替老  
弱及不到軍二百零四名實收軍九十七名武平  
衛劄付官沈先春所領額軍一千五百八十六名  
汰去雇替及不到軍四百四十七名實收軍一千

一百三十九名宿州衛劄付官丁大用所領額軍  
一千四百三十九名據報到京三十九名內緣事  
七名不到軍一千四百名實收軍三十二名興化所  
劄付官李碩品所領額軍五十一名汰去雇替軍二  
名實收軍四十九名該管撫按道臣及領班各官分  
別降罰緣繇覆奉

聖旨是朱大典張任學倪于義楊繩武著各罰俸三  
箇月朱之喬趙建極董嗣謨各降一級鄭三陽劉

若金各降二級謝肇玄降三級俱照舊朱澄劉元  
儒各罰俸半年盧名成罰俸一年陳其仁王遵矩  
徐中行李光祖鹿韜鄭養民俱革了任同丁大  
用徐承恩該撫按一併提問呂慶雲戴罪照舊陽  
倫等十員還著該撫按查明分別議處沈先春  
罰俸一年吳爵一等十三員各罰俸三個月李碩  
品等十一員俱免議楊祚隆何光裕淮紀錄不到  
班軍責成各該衛印官速行拘提限明歲春班

照數赴補并先議歲前簡驗正身務足額數  
及先行冊報依期赴京事宜通再行嚴飭欽  
此移咨到臣該臣隨行各道遵照罰治嚴行  
點補并節次督催去後今據淮徐兵備道右叅議  
今單職戴罪徐標申稱點發過徐州衛補班操軍  
三百九十一名委指揮丁和本等率領於崇禎十  
年二月二十八日掛號淮海兵備副使沈胤芳申  
稱點發過大河衛補班操軍一十六名委指揮賴



嘉慶率領於崇禎十年三月二十六日掛號揚州  
海防兵海右叅議鄭二陽申稱點發過泰州所  
補班操軍三十五名委百戶陳天印率領揚州  
衛補班操軍二百零四名委千戶任世龍方觀  
民率領鹽城所補班操軍一十四名委百戶劉自  
嘗率領通州所補班操軍三十七名內許起鳳周  
雲鵬易光福於上年赴京工操遇虜驚逃未  
回潘明身故各無家屬難以拘解今止見到

軍人三十三名委百戶吳爵一率領其興化所  
補班操軍二名委官押解恐滋多事該所與揚  
州衛係中都二司所轄相應附於該衛帶領俱  
於崇禎十年四月初一等日掛號署潁州兵備  
道事廬州府知府吳大朴點驗過武平衛補班  
操軍四百四十七名委指揮沈先春百戶席印率  
領於崇禎十年四月十三日掛號廬州衛補班操  
軍二百五十八名委百戶尚允中率領於崇禎十

年四

衛補班操軍一千

四百七名委指揮陞鎮率領於崇禎十年閏四月

初五日掛號六安衛補班操軍一百七十一名委劉付

官陳彝秉率領於崇禎十年閏四月二十七日掛號

各等因到臣該臣查得揚州道所轄通州所班軍

許起鳳等四名已經逃故又嚴行僉補續據該道

報稱已將軍人鍾臣易鎮陳三保周國柱補足起程

陸續赴京外謹會同巡按淮揚等處監察御史梁

雲構看得班軍赴役載在

令甲按期趨工應有子來之義此何容有在替假冒襲  
越於其間者乃各衛所班軍當遣發之時無不人  
人精健名名在伍無柰道路迢遙臣等無及腹之鞭  
姦卒沿途或有匍匐不前或有規避思遁以致查點  
不到臣等何所逃咎蒙

皇上寬其咎鉞容臣等責成各該衛印官速行拘提限春  
班照數赴補臣等欽奉

明旨除遵照罰治外其不到官軍俱一一按籍逐名點發  
先後啓行以補曠役矣節經該道呈詳前來合詞具

奏伏乞

勅下該部議覆行臣等遵奉施行等因崇禎十年十月

初五日奉

聖旨該部知道欽此欽遵抄出到部送司查得鳳撫

朱 疏報崇禎九年秋班各衛所補班軍人掛

號赴班日期內除徐州等七衛所軍人俱經赴

部補班外惟武平廬州宿州六安四衛所未到  
先於本年九月內據武平衛班軍楊柰京廬  
州衛百戶尚允中宿州衛班軍趙可先六安衛  
百戶陳彛秉告催補班各軍本部已經節次  
咨行鳳陽撫院嚴催正身赴部補班去後今  
據該撫疏報俱于四月內點發掛號迄今通未  
赴補中間不無規避合再亟行查催案呈到  
部擬合就行為此

一谷鳳陽巡撫 合谷前去煩查武平廬  
州宿州六安四衛崇禎九年分補班軍人緣何  
至今不行赴補有無別情希即查明仍另差  
官督押正身務於本年十二月中赴部補班如  
再玩延定行從重奉處施行



崇禎十年二月

初二

日員外郎錢選

寒

乙卯九月

懇恩一視功賞等事

行

一

初有行記

宣府科

劉驥

兵部為懇恩一視功賞均需

皇仁用彰 國典事職方清吏司案呈奉本部送准

宣府巡撫劉永祚咨前事等因到部奉批司

查奉此該本司查得查國寧於崇禎七年生擒

活夷四名業經宣大巡按梁雲構冊報部開在  
願叙之列今據宣撫咨稱本官被劾擬贓請  
以前賞抵償咨部裁酌今本部見叙前案以賞抵  
贓事屬可行但贓多賞少行令原問衙門一面將  
賞銀扣明作數若干其抵外再該若干一面嚴追  
速杜可也伏候堂裁呈

堂奉批照行奉此又奉本部送准宣撫劉永祚  
咨為賞功事等因奉批司查奉此該本司查得

崇禎七年宣鎮捉獲奴虜奸細二十五名該前任

宣撫張

移咨酌賞前任本部尚書張

以其為數太多恐有漢人被虜逃回官兵執以

屈打成招以啟濫觴枉殺之端隨經咨回該撫

確查詳審分別開報去後今准宣撫咨稱原

獲奸細二十五名除倚馬氣一名係被擄漢人

原議量賞銀五兩外其二十四名內色令等十名

係真夷張仲金等十名<sup>四</sup>係漢人內惟保保一名

果係避兵被獲不可以奸細論餘俱供吐情真  
功難泯滅既經移咨覆覈合無將前項捉獲奸  
細二十三名如該撫前議每名給銀三十四兩四錢  
八分俟本部題叙照數

請給以示鼓勵可也伏候堂裁呈

堂奉批照行奉此相應咨覆案呈到部擬合就  
行為此

一咨宣府巡撫

合咨

貴院煩照來文內事理查照施行

崇禎十年十一月

印

日郎

中趙光朴

員外郎吳昂

初四

寒

乙卯九月乙

援例 請給關防等事

四〇〇

行



兵部為援例

宣府科 刺 驥

請給關防以杜詐冒以信職守事職方清吏司案

呈奉本部送准禮部咨稱儀制清吏司案呈

崇禎十年十月二十三日奉本部送禮科抄出



宣府巡撫劉永祚題稱准宣府鎮臣楊國柱手  
本據健兵中營叅將張明禮親丁營都司  
何鳴陞前探營都司李有功連名呈稱切照  
統制兵馬造支錢糧關係最重查各營路叅  
遊都司俱有

欽降關防惟卑職等三營以新設未蒙

頒發伏乞建賜題請等因到鎮據此為照營制

既奉

明旨新分閔防似應援例

請給况當多事之時羽書紛沓不便以白頭文  
移致滋溷冒相應轉請代

題照例鑄發健中親丁前探三營閔防三顆分

給各官以便責成等因到臣該臣看得官

無大小惟印是憑即文職如倉巡驛遞等官

皆有額設印記凡以重職掌也宜鑄營路將

領在昔俱無印信自前撫臣陳新甲更定經制

之後始請有各路將調記九顆各營將關防八  
顆前督臣楊 曾請合鎮守操條記六十九  
顆未蒙

允發今鎮臣楊國柱既分有健中親丁前探三  
營與各營均有兵馬錢糧之寄獨以白頭  
片紙承應往來殊屬非體伏乞

皇上勅部照例鑄造關防三顆早賜頒發俾營  
務有畫一之規軍機無假冒之慮矣臣謹

會同督臣盧象昇按臣張宸極合詞具題伏乞

勅下速覆施行等因崇禎十年十月二十二日奉

聖旨禮部知道欽此欽遵抄出到部送司查得武

職關防必有兵部覆奉

俞旨本部方請字樣鑄給今三營

請給關防雖奉有禮部知道之

旨仍移兵部題請奉有准鑄之

旨移咨過部以便題

請等因案呈到部擬合就行為以合各兵部煩照  
作速題覆施行等因到部送司查得各鎮將  
領請給關防

旨下本部則本部為之題覆今宣撫題請健兵中營  
叅將親丁營都司前探營都司各關防奉有禮  
部知道之

旨本部未便具覆但查前項關防三顆均有兵馬錢  
糧責任軍機所係委屬應給之數相應咨回禮

部徑自題

請鑄給可也案呈到部擬合就行為此

一咨禮部

合咨

貴部煩為查照施行

崇禎十年十一月

臣

日即

中

趙光祚

員外郎吳鼎

左  
今十一号

班務事

行



趙文會

兵部為班務事職方清吏司案呈照得本  
年秋班 中都河南山東各衛所班軍實收  
軍數已經呈堂移送戎政衙門收伍外今續  
到廬州衛班軍共三百一十三名已經本司會



同巡視京營科道逐名點驗除汰退併不到  
外實收軍八十一名相應移送案呈到部擬  
合就行為此

一行京營

總提協

合用手本前去煩將廬州

衛實收班軍照數收營撥發工操施行

崇禎十年十月

甲

日員外戶



卷八十一

崇禎十年十月



左 八十二号

欺 君玩法賄賣班軍事

四一〇

行

7

兵部為欺

趙文會

君玩法賄賣班軍事職方清吏司案呈奉本部送准戎政

府手本內開據通州守禦所考選軍政掌印更番

運糧千戶今降調興州左屯衛中所試百戶李鶴翔

呈前事內開切有本所極惡百戶潘嗣美先年領  
操違玩軍機叅處降級歷玷冠裳管差剝軍致富  
巨萬賍私難以枚舉即今

功令森嚴仍謀本年領班將陞所

祖制運軍屯軍各凡殷實富厚者盡提入於班操冊內任  
意嚴刑拷打得銀千兩被害劉焰簡大孝等可審  
原非為

國之心實以邀賄重飽囊橐之計蒙揚州道府六月

內即行過堂給散安家糧銀押令赴京不意本恩  
復回本所零星賄賣分上中下叁等上等操軍梁  
讓等每名得銀三十兩中等操軍楊純等得銀二  
十兩下等者方鎮進京值下等之內或囊有不足  
以致步行有疲聲殘疾不堪者縱日行不過數十  
里以致有違定限見到軍人可証又賣放押操千戶  
江維城得銀一百兩做稱往南銷批私脫相應提處  
致本管都司差人守提數十遍本恩付之罔聞見

今到軍不過實軍七十餘人餘者希商僱覓京棍代  
點報名在家已得賕私千兩至京又圖大糧賞鈔鹽米  
等項錢糧意欲一冒侵吞目無三尺查得先年

題准事例賣放班軍拾名者處斬今嗣美欺

君玩法莫此為甚凡軍民利弊許諸人直言無隱職因先

年掌印本惡冒職名諱盜支坐糧廳官銀二百餘

兩累職傾家賠補今美踵襲前弊不無波及本所掌

印僉書官員伏候審奪咨行本處撫按遵照



舊制在操者歸操在屯運者永歸屯運庶無紊亂嚴提脫解

江維城押令賁放軍人前赴進京補班等情到爵該

爵等批仰魏管理同王副將審明速報去後隨據

神機一六營管理魏邦典右副將王嘉春呈稱內蒙三

軍門批據通州所千戶今降興州左屯衛試百戶李

鶴翔呈前事蒙此遵依拘喚去後今據通州所秋班

京操百戶潘嗣美訴為挾讐誑害事內稱美於崇

禎六年與惡李鶴翔訐訟幸蒙本州彭知州儒學



李教官并本所察官在於城隍廟公同和息各馬合  
同州印可據今應輸美秋班京操慮翔潛京讐害隨  
即申請院道行令通州正官揀選正軍赴京工操翔  
不知情捏詞誑告蒙批審理豈惡不料揚州府給文  
仰美就便押解鶴翔赴興州衛到任又見嗣美領操  
正軍全到自懼情虛逃躲伏乞軫念工操重務電豁  
無辜等情據此該職等看得李鶴翔與潘嗣美訐  
訟有年雖經和息而葛藤未斷直至今日尤然挾

恨誑聳一詞竟潛無踪誠為推人落水之計耳既經潛  
躲涇渭何分相應立案俟拏獲鶴翔之日另文呈報  
等因其呈到府據此該爵等看得百戶李鶴翔之訟  
潘嗣美也項款歷歷親鳴公廳既批行查不赴質審其  
中曖昧必有和且卷查本所秋班京操官軍例應一  
百三十七員名今到營實收八十四名事涉班務肱私  
過多相應移送以清隱冒為此合用手本前去貴部  
煩為查照來文事理轉行撫按衙門嚴提狀內原被

百戶李鶴翔潘嗣美并一千人等逐一審理從公發  
落庶奸弊得以肅清而操防實有攸賴矣等因到  
部送司相應轉行提審案呈到部擬合就行為此

一咨鳳陽巡撫

合咨前去煩照來文事理

即將通州所百戶李鶴翔潘嗣美并一千人等拘提嚴  
審從公發落施行

崇禎拾年拾壹月

現

日員外郎錢選

左  
八十号

傳奉  
聖諭事

旨

行

7

兵部為傳奉

趙文會

聖諭事職方清吏司案呈奉本部送准山東登萊巡

撫楊 咨前事內開登州等九衛所崇禎九

年分秋班軍人大糧銀兩除先支過壹千貳百

伍兩陸錢尚該解銀貳千伍百玖拾叁兩壹錢  
貳分零奉部文催解銀壹千肆百兩零其餘  
壹千壹百玖拾叁兩壹錢零暫存在庫以待  
役還之軍其登軍孟延吉等今既回衛相應就  
便支給等因咨部送司看得班軍大糧舊  
例隨軍解部俟其工操將半方行給散乃  
登州等九衛所崇禎九年分班軍糧銀除  
先解給外尚欠銀壹千壹百玖拾叁兩壹



錢零經今年餘尚未解部據該撫咨稱今  
軍已回衛欲就在彼給領應否准從伏候  
堂裁等因呈奉堂批查果應給者回軍  
就領為便但不可以為例耳咨行等因送司  
奉此案呈到部擬合執行為此

一咨 山東 巡撫合咨前去煩為查照施  
登萊

行



崇禎十年十一月

氏

日員

外郎錢選

蘇州府知府  
四二二

寒

三百廿四

直糾婪弁事○

題

題

有貼黃

有貼黃

身

大同科

趙文龍

兵部等衙門尚書等官臣楊

等謹

題為直糾婪弁事職方清吏司案呈崇禎十年

十一月初三日奉本部送兵科抄出大同巡

撫葉廷桂題稱崇禎十年七月初九日准兵

部咨該總監大同山西太監陳貴題參大同

井坪路管參將事副將張守印棲縱寇扣緣

繇前事本年六月二十六日奉

聖旨張守印著查革併李茂林等該撫按嚴

究追擬具奏該部知道欽此欽遵備咨前來

又准刑部咨同前事准此俱經備行該道

嚴提究擬及駁批覆覆去後今本年十月十

六日據分守冀北道右叅議朱家仕呈問得

犯官一名張守印年四十二歲係山西行都司  
大同右衛人繇行伍歷陞副總兵管井坪  
路叅將事崇禎九年七月十三日到任狀  
招守印束髮從戎從未讀書識字凡軍  
中一切事務向托在官李內書李松亭俱  
即李茂林并在官家人楊虎山旗鼓閭翰  
英料理崇禎九年八月內本路援兵營在  
官把總武光衛領出本營軍士本年七月

分糧銀到城比李茂林因守印素不識  
字易於欺哄就不合通同楊虎山閏翰英  
傳領到前項月糧除內丁尖哨百總管隊  
不扣外見在軍一千二百六十名每名扣銀  
一錢共扣銀一百二十六兩李茂林又不合於  
內侵使銀一十兩其餘銀一百一十六兩作為  
軍中造冊紙張心紅并領銀委官盤費應  
用武光衛并在官管隊武紀供證本營馬

匹料草銀兩因餉庫匱乏一向未領原無  
同領回馬草料銀守印扣銀二十一兩及  
倒死馬匹不行呈報情繇武光衛并在官  
白王供證武光衛又領出本年八九兩月糧  
銀到城守印因見各軍素無號衣難以識  
別亦不合傳將前銀內八月分每軍扣銀八  
分九月分每軍扣銀六分計軍一千二百六  
十名共扣銀一百七十六兩四錢李茂林又不

合與楊虎山問翰英各不合於內各侵使銀  
一十兩其餘銀一百四十六兩四錢製衣辦號衣  
并軍中紙張心紅及領銀盤費應用原無  
扣銀四百二十二兩六錢情繇武光衛并在  
官管隊趙雄供證此不在官委官李登科  
領出本年十月分糧銀到城守印因製號  
衣價未給完又不合傳令於前銀內每軍  
扣銀七分計軍一千二百六十名共扣銀八十



八兩二錢給發布價并紙張盤費應用原  
扣銀二百一十七兩七錢情緣在官梁月供  
證本營見在馬三百三十二匹奉例凡有  
倒死鑿營朋買如遇營中公事差遣應用  
草料并馬有病症應用藥料俱於草料  
銀內攤出比李登科領出本年十月分料草  
銀兩到城每馬扣銀五分共銀一十六兩六錢以備買馬并  
差遣草料藥料應用不係守印扣銀一十九兩

收入情緣在官侯世舉供證本路所轄威胡將  
軍會二堡舊有參將養廢地土照地收租每  
堡交租銀一十兩以供守養<sup>印</sup>廢支用原無派撥  
莊頭預借種具及每堡索取租銀二十兩情緣  
在官牛進官郭臣姚賢供證威胡將軍會二堡  
領出崇禎九年分軍士冬衣布花銀兩每軍八錢俱  
係該堡守備并監散委官唱名給散各軍訖原  
無每堡有布花膏例六十兩差揚虎山收取情

繇在官陳掌房王武太供證臧胡乃河將軍會  
三堡軍士遇有逃故該堡隨即具堡領出月糧  
解還餉庫原無差揚虎山等赴堡索取空月  
臨散逃故軍銀二十兩計四箇月共二百四十兩  
情繇在官劉承沛供證臧胡軍會二堡地近  
山場守印又不合差在官夜役安詔取要山菜  
二堡因無採辦每堡交銀三兩共六兩守印又不  
合收受入已原無每堡二十兩情繇安詔供證有

本營逃故軍劉思聰等五名遺下崇禎九年八  
九兩月糧銀每軍八錢共八兩守印又不合即用  
此銀雇人役使後即召軍補伍訖原無侵占軍  
糧十二名哨軍閻六張金等替點情緣在官桑  
公佑蘇武張金供證本營在官軍王承儒浪蕩  
度日不過令在官妻馬氏賣姦比李茂林又不  
合將馬氏姦霸日久不係守印引定姦霸情緣  
王承儒馬氏并在官郝玉完供證先於崇禎九

年三月內該前任叅將張國樑奉軍門明文  
每軍製箭二十枝大帽一項并隨身什物等項開  
出今年四五兩月糧銀該張國樑每軍扣箭價  
銀四錢大帽銀一錢三分督令各軍自行製辦  
原與守印無干桑公佑供證喊胡堡演武教場  
大庭鼓棚照壁年久爛損比有本堡在官住人  
薛邦榮因為生事該前任守備王體仁具呈叅  
將李國樑罰修場庭棚照壁日久未完後守印

到任催督完工比李茂林又不合指以稟官抄

打嚇索薛和榮銀三十兩不係守印嚇銀四十兩

情繇在官粟進福供證有在官劉雲川原頂

軍任友貴名糧並無夷丁撒哈兒竟逃邊外尋

查不獲遺糧劉雲川頂應情繇劉雲川供證崇

禎十年四月內該總監大同山西太監陳貴

巡閱雲西邊備訪得守印并李茂林等前項

過跡備行分守冀北道轉行大同府南路

究問該本路通判牛光斗行提各犯照款審  
明問擬李茂林楊虎山閻翰英各詐欺徒  
罪守印擬叅招呈本道轉呈總監陳貴隨  
具疏備列前項招款仍稱看得張守印任管  
衝路窮軍固宜廉明自矢乃其職耳始  
訪其款件橫剋科歛多端武弁有此殊可  
痛恨茲據道廳審係本官文墨不深倚內書李茂  
林為腹心聽其串通家人楊虎山旗鼓閻翰英指借



使費嘗例扣尅軍餉皆有証據若輩之罪固當按  
律寃擬然張守印具有心胃未便即為傀儡何得  
一任下人愚弄侵賍四百餘兩如果使費嘗例何至  
灑派如許乎其婪縱之愆斷不得以粗莽無文為本  
官寬解况事關尅軍剝餉誠非僅議罰贖各足蔽  
其厥辜伏乞

勅下該撫按將婪弁張守印并姦姦李茂林楊虎山閻  
翰英覆加嚴詢明確分別追擬具奏等因崇禎十

年六月二十六日題奉

欽依張守印著查革并李茂林等該撫按嚴究追  
擬具奏該部知道欽遵下部隨該兵刑二部移咨大  
同巡撫衙門及咨都察院劄行宣大巡按衙門俱行  
分守冀北道行提確審依律問擬具招詳報該  
本道備行大同府勘問招解該本府知府屈鍾嶽  
將張守印等行提到官研審前情明白看得張守  
印武人不學目不識丁不免寄耳目於人遂落線

索中矣染指阿堵恣意侵漁職守官箴謂何作  
此闢葺貪婪事耶事既有據律不容恕合應  
擬徒的不為枉李茂林楊虎山閻翰英恣肆橫  
行目無本營既有侵扣入己之贓均當分別擬徒  
以示懲警者也其營中造冊紙張號衣并領銀委  
官盤費紙紅等項銀兩審無憑據俱應於守印名  
下坐追問擬李茂林雜犯斬罪准徒五年守印楊  
虎山閻翰英各徒三年俱納贖於本年九月初四日招

解到道該右叅議朱家仕覆審詳批

朝廷設餉養軍即毫釐豈容侵漁擬詳節月紙張等

項用過糧料銀三百六十七兩零應於張守印名下

追完是即張守印之贍也擬以配贖與律協否而串

通撥置之李茂林等恐非一徒所可蔽辜也仰府

確擬招報此件撫按催至再三連連勿延該知府

屈鍾嶽行提守印等到官覆審與前無異者

得張守印不學無術寄托匪人職司路將短於

恤軍因各使費聽尅貧卒官箴有玷三尺難容  
扣除糧料銀兩雖係紙張盤費號衣藥料等費  
但未請明示應於守印名下坐追入官依照原擬  
徒懲示足以儆至楊虎山間翰英假以使費任意  
侵漁合與作姦擅權之李茂林俱應擬徒五年廢  
盡厥辜將守印等問罪招申到道該右叅議朱  
家仕覆詳看得張守印鹵莽無識聽人愚弄使費  
確應按律擬徒以儆官邪者也其號衣紙紅等項銀

西在守印名下嚴追而串撥置之李茂林等既有賍  
私均照前擬將守印等俱問罪於本年十月初八日招  
呈巡撫大同府參都御史葉廷桂詳批張守印借名

使費尅扣軍糧與李茂林等分別擬徒不枉但稱

製號衣果曾有號衣見在否該道速查報勿再轉批以延時日也

立俟具題不得刻遲該本道移文井坪路新任

參將陶進回稽查得前任副將張守印製完授

兵營軍丁見在號衣八百九十一件任丁隨去四十五

件爛損四百四十五件請乞差官查驗等因到道  
將守印等依擬前項罪犯外結得銀每兩值鈔八  
十貫招結是實三名李茂林年四十歲楊虎山  
三十五歲俱係大同前衛餘丁閻翰英五十四  
歲并坪所開俸老官各招與張守印招同議  
得張守印等所犯李茂林除犯姦輕罪不坐  
外與楊虎山閻翰英俱合依官物當應給付與  
人已出庫而未給付但有人守掌在官若有



侵欺者計贓以監守自盜論四十貫律斬係  
雜犯各准徒五年張守印係管軍官非因公  
務科歛人財入己者計贓以不枉法論一百二十  
貫罪止律杖一百流三千里有

大誥減等杖一百徒三年張守印係革任官李茂  
林楊虎山俱餘丁閻翰英開俸老官各照例  
審李茂林有力張守印俱納米折銀楊虎山  
閻翰英俱稍有力各納徒工價銀贖罪各完日

隨住寧家照出張守印該官紙一分折穀一

石李茂林楊虎山閻翰英各該民紙一分每分

折穀四斗張守印等各又該贖罪米不等李

茂林五十石張守印三十五石俱每石折銀

五錢李茂林共二十五兩張守印共一十七兩

五錢楊虎山閻翰英又該贖徒工價銀一十八兩

張守印又該科歛山菜銀六兩又該雇役月

糧銀八兩李茂林又該侵使崇禎九年七月分

月糧銀十兩又該查修教場嚇要薛邦榮銀三十兩李茂林楊虎山閻翰英又該侵使崇禎九年八九兩月軍糧銀各一十兩其節月紙張盤費號衣等項用過糧料銀三百六十七兩二錢應於張守印名下坐追俱追完紙穀發大有南倉收候備賑贖罪贍銀俱收貯本府官庫聽候修理邊工應用取倉庫實收繳照餘無照等因具招通詳到臣除批

候題

四四六

請明文至日遵行外該臣會同巡按宣大御史張宸  
極看得叅將廕一路之寄苟不得其人是亦一  
路之哭也張宇印素有敢戰之名祇因目不  
識丁遂為左右竊弄被李茂林輩皆其狐  
假而行者也如月餉有侵馬料有扣指查罰  
工有索何莫而非積蠹之為崇乎至科歛  
山萊歇役雇募又其小者耳計贓擬徒的屬不

枉其謂製號衣服買馬與夫紙張盤費藥料  
等項雖屬軍需之必不可少但未曾明白申呈  
則猶是假公濟私仍於守印名下坐追夫復何  
詞李茂林楊虎山閻翰英賍貫既盈併徒當辜  
既經該道審勘又經駁查是的相應題

請伏乞

勅下該部再加覆擬上

請仍行臣等發落施行等因崇禎十年十一月初二日

奉

欽此又該宣天巡按張宸極題同前事等因奉聖旨十一月十七日奉

聖旨該部覈擬具奏欽此欽遵擬出到部送司

聖旨已有旨了該部知道

崇禎十年六月二十六日該總監大同山

西太監陳貴題參井坪路參將張守印併蠲

犯李茂林等貪縱剋扣緣繇奉有張守印着

查單併李茂林等該撫按嚴究追撈具奏之

旨隨經本部移文該撫按將張守印查單併李茂

林等嚴究追擬具奏去後今據大同巡撫葉

廷桂究擬具題前來相應覈擬具覆案呈  
到部該臣看得張守印出身行伍乃總  
兵滿桂之健兒所謂敢戰知名殊非虛語年  
來在行間久鋒穎漸鈍機閑轉深非復曩  
時面目矣至當一路之寄遂工三窟之營所  
領者七月分一宗餉銀而扣剋便有一百二十  
六兩之數盡誣之于內書旗鼓家人又名之  
曰造冊心紅紙剗其然豈其然哉臣習外吏



謝法<sup>先</sup>却贓罪于餘人，以便正犯之展脫。然而  
餘人實未受贓，不甘代追也。則仍于正犯名  
下追贓，以免餘人之後言。試閱此案初招款  
欵俱屬李茂林等為之，而張守印止有山  
菜六兩、月糧八兩之入矣。至末乃總結之曰  
其營中造冊紙張、號衣并領銀、委官盤  
費等項銀兩，審無憑據，俱于守印名下坐  
追。蓋真情至是畢露，無容遁矣。即訣撫駁

詳亦止駁其號衣一件而他固不可問矣貪  
哉狡哉巧吞四百兩之贓而以一徒結局彼衝  
路之窮軍何辜而一月間剥去一百二十六兩之  
皮肉也相應請

旨行該巡按御史盡法駁勘以申懲貪之大法而昭  
剥軍之炯戒恭候

命下臣部轉行遵奉施行

初九

崇禎十年十月

九

日郎

中趙光祚

兵部為直糾婪弁事該本部會題云云等因

崇禎十年十一月十一日本部尚書楊等具

題十六日奉

聖旨是著該按嚴駁詳勘具奏欵以欵遵抄出

到部送司案呈到部擬合就行為以

一咨都察院轉行宣大巡按御史照依

明旨內事理將張守印贍罪嚴駁詳勘定限本

火十九

年次月廿日具奏

一咨大同巡撫

九

四五四

崇禎十年十一月

月郎

中趙光祚

員外郎吳昂

Handwritten text in vertical columns, likely bleed-through from the reverse side of the page.

手本



怡材科

礼

戶部雲南清吏司為憐准循例咨叙擢用等事准  
兵部職方司手本前事內查九江衛指揮任之亮  
所領漕糧果否全完緣繇到司准此查得任之亮  
領運崇禎九年分漕糧委果全完無欠又經本部題  
覆叙錄在案今准前因相應移覆為此合用手本

前去

兵部職方清吏司煩為查照施行須至手本者

所部縣署書金京新陸自能

兵部縣方長年本前事自是次工部計制

兵部縣方長年本前事自是次工部計制

崇禎拾年拾壹月



亮

日署司事員外郎賈必選



陵京用將兩難等事○

行



兵部為

宣府科

劉驥

陵京用將兩難先請

聖裁定奪事職方清吏司案呈奉本部送兵科抄

出該本部奏前事等因崇禎十年十月十七日

節奉

聖旨陵後添設副協已有旨了置帥事宜還與治

督監撫諸臣確議具奏欽此欽遵已經移咨確

議去後至今未見回覆相應咨催案呈到部

擬合就行為此

一咨昌平督治 合咨

貴部煩照先今來文內事理火速回覆希勿

再遲施行

東臺李湖方別史區吳王崇禎十年

崇禎十年十一月

乙

日郎 中趙光朴  
負外郎吳鼎

會  
印

印

東  
印

印

印

印

印

寒 二百一

會題

題

有

兵部等部

題為欽奉

聖諭實備陳三路情形仰祈

聖鑒事職方清吏司案呈崇禎十年十一月初一日奉本

行 欽奉

聖諭等事

宣府科

劉驥

部送兵科抄出宣府巡撫劉永祚題稱案照崇禎九年二月二十三日准兵部咨該御史馬監太監孫茂霖題前事奉

聖旨這查勘宣府中西南三路情形知道了內牆垣

傾毀臺空衝塌塹壕平滿器械鏽缺及餵糧

米豆草束未備鈴鑼號帶弓矢等項俱無殊屬玩泄

著該督撫責成道將及時估築增設修繕積儲預

備務期實資戰守其將領叢脞關革納班占役沈怠

乾馮時泰梁光遠喬良棟俱著查革寃擬鍾汝達

張一龍甘良臣准缺紀錄馮奉堪用也著議奏其

馬匹羸瘦缺額作何處補併軍人領銀扣剋情弊

通著查議具奏欽此欽遵備咨到臣衙門該前撫臣陳

新甲業行守道及臣屢催去後今據分守口北道右叅

議加服俸一級仍帶降俸一級賀鼎呈稱一閱得一名梁光

遠年二十七歲係宣府前衛陞授鎮撫崇禎八年四月

內蒙兵部題推欽依洗馬林堡守備以都指揮體統行



事狀招光遠于四月十二日到堡任事本堡諸事廢弛違倫墩臺被塌比光遠又係統綏驕子凡事孟

浪濫四衝違本堡遠有墩臺七十二座俱係先年

地震被塌除修完四十九座外二十三座被塌不堪

光遠因到任未久却不合漫不經心不行盡數修葺

比光遠又平昔號令不嚴以致猾軍多有不遵約

束正月內蒙孫太監查遠到堡住宿黎明即出

點軍中有猾軍數名偷安遲到點過稍名不准疑



為預替實係見在正軍並無隱占情弊比本堡邊西塞基  
在官軍張旭亦不合將本臺驗過油燭暗運別基應點滅請基  
在官軍趙公才亦不合將三眼槍暗運別基牛心山在官軍牛養寶  
亦不合預名替點當查出前弊即時捆責示懲記其查場內  
草束糧料俱係門禁擺設火器俱皆堪用臨點不到  
軍丁遂該孫太監巡查事竣回奏恭慶蒙該理刑  
樊推官行提先遂等到官研審明白看得梁先遂  
以統轄騎子濫竿衝邊牆基器械漫不留心雖

日披塌者工在先年安設者爭歸倉卒而本官不能  
及時整備其塌葺之狀何足以固疆場而膺重寄  
手至平時號令不明一聞點查軍多不到雖無隱

占之情難辭怠玩之咎視革尚未盡革重杖

亦可示警其臺軍張旭趙公才牛養寶臨點那

移有違軍令仍各杖之問擬梁光遠張旭趙公才

牛養寶俱不應事重律減杖七十贖決具招于本

年七月二十二日呈解分守道賀恭議處蒙駁批覆

審無異該本道看得耕奴織婢責有專司無可  
諉也梁光遠以守備名官軍何如振刷以副任使乃  
城垣披塌而修築未完器卒惰窳而縱容不問以  
致內臣論劾

嚴旨責成尚欲駕言任淺以卸罪其可得乎應照不操  
練軍士律坐杖以為各堡之戒問擬梁光遠依不  
操練軍士律張旭趙允達牛養寶俱依不應減等  
事重律與梁光遠各減杖七十具招呈詳前院後

蒙駁批覆審又該樊推官研審前情無異看得  
梁光遠履任已數月自難以任淺卸罪問擬塌革廢  
地之咎彼固無辭獨是隱占之契須有指實方可盡  
法寔擬當內監疏奏之日未嘗明指某某軍名確  
係隱占第云點一名久未到隱占之契灼可見矣可見  
者亦莫須有之詞也今細鞠管隊軍識俱云並無隱  
占固屬事後之文吾然無懸生之律例合無仍照原  
擬以懲其後可耳問擬招呈到道覆詳無異看得

梁光遠塌茸廢職致干白簡而欲以任淺却罪無論  
問官不能為之原即本并亦難自為解至欲坐以隱  
占之弊又確有指實乃便追求而原疏既未明指軍  
右細鞠終無實證似難懸坐相應仍照原擬今將  
光遠等取問罪犯一議得梁光遠等所犯梁光遠  
合依守禦官不操練軍士及城池不完衣甲器  
械不整者初犯律杖八十張旭趙公才牛養實俱  
依不應得為而為之事理重者律各杖八十俱有

大誥減等、各款七十、梁光遠照例納米贖罪、張旭趙  
公才牛養寶原軍使無力依律的決係干軍職伏  
候題

旨發落一照出梁光遠官紙米五斗、張旭趙公才牛養寶  
各氏紙米二斗、共一石一斗、折谷二石二斗、梁光遠該  
罪米折銀叁兩五錢、罪銀追解萬億庫抵餉、紙谷  
追貯預備倉、通取倉庫實收、繳其披塌墩基已  
經另議修築具奏、外餘無照等因、具批到臣、臣

謹會同按臣張宸極看得梁光遠受任銜邊一日有  
 一日之責豈歷官歲月猶然以任淺為辭雖云隱占無  
 據而墻基器械置若罔聞臨照軍丁報多未到以強壯  
 之年而聲蹟若此誠統轄之所為也念無侵隱姑照杖  
 懲既經該道具招前來相應題請伏乞

勅部覆議施行等因崇禎十年十月二十九日奉

聖旨該部覈擬具奏欽此又該宣大巡按張宸極題同前事

等因崇禎十年十一月初七日奉



聖旨已有旨了該部知道欽此欽遵各抄到部送司案查崇禎九

年二月內該御馬監太監孫茂霖題叅宣鎮將領叢勝關茸緣繇節奉

聖旨沈應乾馮時泰梁光遠喬良棟俱著查革究擬

欽此隨經本部移咨該撫按將沈應乾等革究擬

去後除沈應乾馮時泰二弁已經勘回本部分別議擬

具覆訖其喬良棟俟勘回另本具覆外今據宣

撫劉永祚將梁光遠等議擬具題前來相應具覆

案呈到部臣謹會同太子少保刑部尚書鄭一

有得宣府前衛鎮撫梁光遠以統轄之無知任關

革之已極衝邊何地乃墻基器械不聞修築繕較之

勤按籍呼名半屬甲移乙代之輩即云受事尚

淺而職掌攸關何辭疎玩之罰念侵隱無據相

應依擬照例杖贖其衛軍張旭趙公才牛養寶

依律的決庶幾前毖後沿違將士稍知畏此簡書

耳相應會題恭候

勅下行原問衙門將梁光遠張旭趙公才牛養寶各杖

本

查梁光遠係流官照例納米折銀贖罪

七十

張旭趙公才牛養寶俱係軍無力的決

十二

崇禎七年十一月

一

日郎中趙光祚

員外郎吳鼎

太子少保刑部尚書鄭題

右侍郎劉題

兵部尚書楊

尚書仍管左侍郎事王

添設左侍郎張

右侍郎劉

兵部為欽奉

聖諭撥實備陳等事該本部會題云等因崇禎十年

十月二十一日兵部等部尚書等官楊等具題

二十五日奉

聖旨梁光遠併張旭等俱依擬欽此欽遵擬合就

行為此

一咨宣府曾撫按刑部

合咨前去煩照

明旨內事理欽遵施行

崇禎十年十月

卅

三十

日部中趙光祚

員外郎吳鼎

寒  
老石九千

聖諭事

欽奉

題

兵部

題為欽奉

宣府科  
列驥

聖諭事職方清吏司案呈崇禎十年十一月十五

日辰時奉本部送該會樞門接出



聖諭乾清宮打外牌子魏邦典著分守昌宣等

處地方崔進著分守津通臨德等處地方

陳鎮夷著分守真保龍固等處地方各

寫勅與他該衙門知道欽此欽遵恭捧到部

送司案呈到部除具揭帖赴翰林院請寫

勅書并移文各該衙門欽遵外所有原奉

聖諭一道相應

進繳理合具本題

知

十九日奉

聖旨知道了

崇禎十年十一月

十五

日郎中趙光祚

員外郎吳鼎

寒

吉伯九十六

欽奉

聖諭事

行

一

宣府科 劉驥

兵部為欽奉

聖諭事職方清吏司案呈崇禎十年十一月十五

日辰時奉本部送該會極門接出

聖諭乾清宮打卯牌子魏邦典著分守昌宣  
等處地方崔進著分守津通臨德等處地  
方陳鎮夷著分守真保龍固等處地方各  
寫勅與他該衙門知道欽此欽遵恭捧到部  
送司案呈到部擬合就行為此

一具揭帖差員外郎 吳鼎 賁赴

內府翰林院請寫

勅書施行 計開請

勅官三員

分守昌宣等處地方乾清宮打卯牌子魏邦典

分守津通臨德等處地方崔進

分守真保涿易龍固等處地方陳鎮夷

一谷 宣大提督 宣府巡撫

保定巡撫 山東巡撫

合谷

聖諭內事理欽遵施行

一手本

昌宣提監現  
津通提監盧  
分監孫

分監王鄭  
真保  
分監方

煩照

崇禎十年十月



十六

日郎中趙光祚

員外郎吳鼎

奏

百一

支用賞功銀兩等事

題

題

花

有貼黃

大同科

趙文龍

兵部尚書臣楊 等謹

題為支用賞功銀兩奏

請開銷并節省數目以備查照事職方清吏司案

呈崇禎十年十月二十六日奉本部送兵科抄

出山西巡撫吳銓題稱案查崇禎八年十月二十一日准兵部咨為遵

旨酌議賞格以鼓忠憤事該本部抄出臣題前事

周剿賊賞功無項本部議覆查崇禎五年

請發山西賞功銀三萬兩解赴該省布政司

收貯嗣因七年虜警監臣劉允中疏

請借作軍餉業經戶部議以民運補還覆奉

欽依在卷八年二月內奉



旨給過張應昌赴豫剿賊家丁銀三千兩尚該銀  
二萬七千兩議覆著布政司于民運內扣補  
為該撫剿賊賞功之用等因崇禎八年十月  
初二日本部張尚書等具題初五日奉

聖旨這酌定賞格依議即頒布秦晉豫楚江北等  
處但有御勇能殺賊者俱照例陞賞不許妄殺  
老幼婦女充數山西賞功銀兩著該布政司於  
補還前借銀內支給欵以移咨到臣竊照臣

於崇禎七年十月二十七日填撫三晉之時正大  
盜披猖之日顯道神禾地草鄉裏人三大寇盤  
據於臨永小我縫短毛廝孫虎等出沒于交  
靜興嵐二即神五條龍李守通等各千百成  
群嘯聚太榆遠和靈霍岳翼陽沁等山中  
不時搶掠蓋山右無一寧字也主客兵馬雲  
集剽撫並劇功賞浩繁顯道神正名高加討  
禾地草正名賀宗漢鄉裏人正名劉浩然皆

最狡最悍之寇陽撫陰叛每遣哨賊四出殺掠臨永一帶日遭荼毒慘不忍言以為討賊必先擒渠魁然後可以次第解散餘黨值高加討傾巢出掠於所定之間聲勢甚熾臣等各將士頒示賞額兵官先給花幣及軍丁各給賞資有差至經過客兵張全昌贈犒頭目百金暫令與主兵共力協剿所以鼓動軍心以數年克狡之寇一戰而擒高加討再戰而

剽散充黨、又以計殲賀宗、漢子永寧、殺劉浩、  
壯于賊、營從此軍、威大振、流土諸盜始有披靡  
之勢矣、其擒剽掌盤大頭目、臣皆即刻賞有  
功將士、或一百兩、五十兩、散頭目十兩、五兩、散賊  
首級、堅先給一兩、以示賞不逾時之意、行間功  
賞花紅、所費不貲、共計不下五六千金、皆臣  
撙括俸薪贖錢、公費等項、並未動及、疏畱  
賞功、非至賈誼不得、已未敢輕動正項也、及查

自允番賞功以來崇禎八年七月初二日行東糧官動銀二百兩送軍門給賞剿虜官兵為羊酒之用九月二十二日據奇嵐道解驗虜功四十二級行布政司動賞功銀五百兩先示鼓勵侯領大賞補給十月二十二日行布政司動銀五百兩解發河津縣給散防河官軍以為羊酒之犒九年五月十四日據太原營副將猛如虎具呈行布政司動銀二百三兩給

本官領散各官軍為斬獲賊級賞功之用七月十八日據臣標營副將陳國威具呈行東路管糧官動銀六百二十九兩給本官領散軍丁為斬獲賊級賞功之用同日行東糧官動銀一百四十兩給臣標營副將陳國威太原營副將猛如虎領散西營入衛各官頭目軍丁犒賞之用同日又動銀一百兩移送鎮臣王忠為犒賞入衛官軍之用二十四日行東糧官動銀一十六兩二錢給行戶為犒賞

入衛官兵花紅價值之用。八月初一日行東糧官  
動銀一十八兩給入衛原任參將劉遷等為犒賞  
之用。初十日行代州動銀一百四十六兩給平陽營  
副將虎大威坐營都司薛敏忠哥山風道中軍守備  
馬世榮領散入衛各官軍犒賞之用。十一日代州動  
銀一十六兩二錢給東路營入衛官軍犒賞之用。十  
月十一日行鴈平道動東盈庫貯賞功銀五兩給  
防禦龍盆峪守備張守初張耿為犒賞之用。十



月二十、十四日行布政司動銀一千三百兩賞陝西

招撫秦民生員馬允際等折充花幣之用二

十七日行布政司動銀四十兩給殺賊渠孫虎首

級頭目六豹的名王英等功賞之用十二月初四

日行布政司動銀三百兩給標下千總鄭取善為

擒賊功賞之用十年二月十三日行布政司動銀三

百八兩給標太等營夾剿小裁縫等賊斬獲功級

軍丁并猛副將花幣之用以上共動過正項賞功

銀二千八百三十七兩四錢所應照數開銷者也見  
今代州存貯銀八百三十七兩八錢東盈庫收貯  
銀八百九十一兩八錢布政司因邊餉告匱仍有未  
扣銀二萬二千四百三十三兩此當責成司臣范  
中彥于應解三閔民運銀內扣補借項并前收  
貯二項銀一千七百二十八兩有奇俱以資日後功賞  
之用者也總之臣三年以來寧括捐俸緩充賞而  
節存正項留以備封疆之緩急不敢濫用分毫耶

矢區區體

國急公之一念已耳除文冊送部核銷外相應具

題伏乞

勅下兵部查核具覆開銷行臣遵奉施行等因

崇禎十年十月二十五日奉

聖旨兵部知道欽此欽遵抄出到部送司案查

崇禎五年十二月內該前任本部尚書張

請發山西賞功銀三萬兩解赴該省布政司收貯

尋以虜警監視太監劉允中疏

請借作軍餉業經戶部議以民運補還覆奉

欽依訖至八年二月內奉

旨給過張應昌赴豫剿賊家丁銀三千兩尚該銀

二萬七千兩著布政司于民運內扣補為該

撫剿賊賞功之用至八年十月內該本部議

覆晉撫吳姓遵

旨酌議賞格等事節奉

聖旨山西賞功銀兩著該布政司於補還前借銀  
內支給欵此隨經移咨晉撫欵遵去後今據該

撫疏稱崇禎八年七月初二日起至十年二月

十三日止或給賞剿虜官兵或給賞剿賊功

級共動過正項賞功銀二千八百三十七兩

四錢應准照數開銷見今代州存貯銀八百三

十七兩八錢束盈庫收貯銀八百九十一兩八

錢布政司未扣銀二萬二千四百三十三兩

應責成該司官范中彥于三關民運銀內  
扣補借項以資後日賞功可也既經該撫  
具題前來相應覆覈開銷案呈到部看得  
賞功銀兩所以為剿寇賞功之用者也論  
剿寇之功莫捷于晉中論賞銀之筭莫儉  
于晉中夫以勁賊九朕第次殲掃所費賞  
功銀止于二千八百三十餘兩而士無缺望  
而將皆踴躍皆繇該撫平日深得人心臨

事又能捐貲、括費以資鼓勵、故事半而  
功倍也、計原發賞功銀三萬兩、除給過張  
應昌家丁銀三千兩、實止二萬七千兩、該  
撫正項支賞銀二千八百三十七兩四錢存  
貯、并未扣銀二萬四千一百六十二兩六錢  
與原發三萬之數分毫無差、其給過者應  
與開銷存貯者仍行存貯、未扣者責成司  
官、范中彥仍于民運中速行扣清可也、既



經具題前來相應覆

請恭候

命下遵奉施行

崇禎拾年拾壹月



五

十四

日郎 中 趙光祚

員外郎 吳 昂

兵部為支用賞功銀兩等事該本部題  
等因崇禎十年十一月二十四日本部尚書楊  
等具題二十七日奉

聖旨這山西賞功銀兩數俱無差知道了開銷  
存貯扣清如議行欽此欽遵抄出到部送司案  
呈到部擬合就行為此

一咨山西巡撫 煩照

明旨內事理欽遵施行

崇禎五年五月

印

三十

日郎

中趙光祚

員外郎吳易

[General Information]

书名=中国明朝档案总汇 27

丛书名=

作者=中国第一历史档案馆,辽宁省档案馆编

出版社=

出版日期=2001.06

形态项=501

页数=501

原书定价=58000.00

读秀号=000007454202

SS号=12225369

ISBN=7-5633-3176-X / K248.063

分类号=1103040408&sw=D6D0B90X1.500C00P-98537B3-0X1.4564E0P+474FB5B5B0B8D7DCBB2.636767E-3083++27

主题词=

参考文献格式=中国第一历史档案馆,辽宁省档案馆编.中国明朝档案总汇 27.南宁市:广西师范大学出版社,2001.06.

简介=全国古籍整理出版规划领导小组资助出版:《武职选簿》是记载明代京内外各卫所职官袭替补选情况的登记簿,本册收“五军都督府所属卫所·后军都督府·万全都司·开平卫”等。

封面  
书名  
前言  
目录  
正文